

HDE ZNAJTI PRAVDU?!

NAPISAL

O. THEODOSIJ LEŽOHUBSKY,

KATICHIT CIS. REAL'NYCH ŠKOL

V L'VOVI, 1912 r.



116

DL'A

AMER. RUSINOV VYDANNO


NAKLADOM VYDAVNICTVA "RUSINA"

1915 r.

EX
LIB
RIS



PAUL R. MAGOCSI



HDE ZNAJTI PRAVDU?!

NAPISAL

O. THEODOSIJ LEŽOHUBSKY,
KATICHIT CIS. REAL'NYCH ŠKOL

V L'VOVI, 1912 r.



DL'A

AMER. RUSINOV VYDANNO
NAKLADOM VYDAVNICTVA "RUSINA"

1915 r.



Press of "Slovak Herald", N. S. Pittsburgh

I.

NESČASTNYJ ZBIHLEC.

Bylo se v ned'ihu. Zolote, majove solnce, čo stojalo v samym poludni, choť sčie trochi skosa, ta povnymi snopami svoho teploho promiňa sypalo na kučmi, kapel'uchi, chustki abo taki prjamo na holovy tovy ludej, čo vertala jakraz iz Služby Božoj domov. Takoju samoju vjazankoju svoho promiňa kinulo ono i v lice o. Petra, čo same vyjšov z cerkovnych dverej, tak čo až musiv rukoju zasloniti sobi oči, jaki čerez kilka hodin privykli byli do cerkovnoj suťini ta ne mohli znesti povnoho blesku solnečného svetla.

Otec Petro byv ot jakich desjať lit parochom v seli R., čo ležalo na samoj rosijskoj hranici. Kriz lis, o jakich dva kilometry ot prichodstva, bih kordon (hranica), čerez jakij ne voľno perechoditi ni našim tam, ni tamošnym do nas, jak ne choťat zapoznatisja s karabinovoju kuleju. Solnce osvitilo strunku stať o. Petra, jakij na chvíľu pristav v cerkovnych dverjach, čtoby kinuti okom na rižnocvitnyj potok ludej, čo skorym chodom plyv iz cerkvi, mov iz žerela v selo. Za chvíľu podavsja na prichodstvo, bo i jemu naležavsja oddych po kolkožhodinnoj práci v cerkvi. V siňach zystrinuv o. Petro svoju ženku, jaka usmichajučisja privitno privitala jeho slovami: "Alež bo ti utomivsja!"

"Ni!" — odpoviv o. Petro. — "Musiv toľko trochi zabavitisja v cerkvi, bo bylo bohato do svj. spovid'i."

Za simi slovami otvoriv o. Petro dveri do komnaty, de na stoli ždalo jeho sňidaňe, na jake vpovni zasluživ sobi nyňišnoju praceju. Vchod'ačoho do komnaty baťka, privitav syn pocilujem v ruku ta pomih jemu skinuti reverendu, podajuči lehku, domašnu od'iz. Syn o. Petra, Bohdan, byv studentom mediciny i jakraz tepet' prihotovavsja do ispytu. Dvoe druhich d'itej, sčie odin syn ta donečka, byli v školach. Otec Petro zasiv do stola ta stav jisti sňidaňe. Žinka sila naproti jeho.

"Kažut, čo nyňi v noči zastrylili jakohos' čelovika, čo perebiravsja kriz hranicu" — skazala.

"Našoho?" — spytav o. Petro.

"N'i. Vidaj z Rossii. Ležit v lisi" — odpovila žinka.

"Ktož se kazav?" — spytav ďalšie o. Petro.

“Kazav načalnik, jakomu po Službi Božoj dali znati pastuchi, čto hnali lisom tovar. On zaraz pošol tamtudy s ľud'mi” — odpovila žinka.

Sče ne dohovorila sich slov, koli otvorilisja dveri komnaty i vojšov cerkovnyj provizor s ključami.

Otec Petro zvernuvsja do neho: “Čto tam, zastrylili čelovika?”

“N'i!” — odpoviv provizor (cerkovnik). — “Pan načalnik vernuli z lisa, i kažut, čto tolko postrylili. — Pobihli v selo za firoju (nosila).”

“Ne znati, či tažko?” — skazav o. Petro, stajuči ot stola. — “Treba poiti, može on umirajučij.”

I ne žduči na otpovid', vzjav z kuta palicu i podavsja do dverij. V dverjach zvernuvsja do syna i skazav: “Bohdane, chodi so mnoju. može pridašsja na čto. Vozmi perepasku, može bude treba obvjazati ranu.”

Bohdan mersčij kinuvsja do druhoho pokoju, chopiv kuseň polotna, flaščinu s jakojus' tečiňu, i uže na podvorju zdochopiv batka, jakij skorym krokom išov v naprjami lisa.

Tam uže zobravvsja hurt ludej. Pod derevom ležav molodyj čelovik, lit dvacjati. Biľa neho červoňila kaluža krovi. Blide lice, na jakim čorniv peršij, molodečij, povnyj zarost, ukazovalo na intelligentnoho (učenoho) čelovika, a zamkneny oči ta zatisneny usta, kazali dohadovatisja, čto nesčastnyj terpiv duže tažko.

Bohdan pristupiv bližše i othornuv od'iz. Vysše kolina vidňila hluboka rana. Karabinova kuľa perejšla kriz ťila. Prinesennoju vodoju, do jakoj vľav kiľka kapel' dezinfekcijnoj (očisčajusčoj) teči, obmyv Bohdan ranu i naloživ polotňanu perepasku. — V časi sej roboty choryj zastohnav tažko i otvoriv oči.

“Rana hluboka; kuľa perejšla na skriz, ale zdajes' ne narušila mjazij” — hovoril Bohdan do batka. — “Na vsjakij slučaj treba poslati do likarja, a chorocho perevesti do sela.”

“Fira zaraz prijde, tolko čto ne vidko” — kazali prisutny — a o. Petro pris'ivsja kolo ranenoho.

“Vy zvotki?” — pytav jeho.

“Ja z Rossii” — odpoviv ranenij. — “Ja perechodiv hranicu ta mene pobačiv objizdnik i stryliv. Kuľa pocilila mene v nohu ta ja mav sče na tolko sily, čto dovoliksja sjudy.”

“Čohož vy utikli z Rossii?” — pytav dašše o. Petro.

“Ja musiv. Meňi hrozilo, čto mene otdadut v saldati (vojak) i ja rišivsja uteči do Austrii” — odpoviv zbihlec.

“A može za vami silit policia?” — zapytav odin z prisutnych.

“N'i” — odpoviv choryj — “ja ne dopustivsja nijakoho zločinu, ja utik tolko pered vojskom.”

“A čim vy zajmalisja v Rossii?” — pytav dalše o. Petro.

“Ja seminarist. Ja byv na poslidnim roci duchovnoj seminarii.”

“A čomuž vy ne končili duchovnoj seminarii?” — zapytav znova otec Petro.

Choryj nič ne odpovidav, tolko z jeho hrudej dobuvsja težkij tohiň. On zamknuv oči, ne znati, či z velikoj utomy, či tomu, čtoby perervati dalši pytaňa.

V tym nadjichala fira iz sela. Choroho položili oberežno na vystelenu solomoju firu i cilyj hurt ludej podavsja v naprjami do sela.

Po dorozi skazav o. Petro do načalnika: “Zavezit jeho na prichodstvo, my vyprjačeme chatinku, čto stoit v sad'i, i tam pomistime jeho. Bohdan, čto tam zavsihdy litom meškaje, perenesesja do chaty. Hod'i preciň mistiti choroho v hromadskoj chati. Nyňi pošlu po likarja, može skaže vyvesti jeho do špitalu, a jak ňi, to najlišitsja u nas. Jakijs' nesčastnyj čelovik. Ale na vsjakij slučaj dajte znati do starostva.

Za jakoj pov hodiny povol'noj jizdy prijichali na prichodstvo. — Bohdan, čto pošov na pered, povidomiv matir pro cilu pod'iju. Ližko v chatiňi, čto zimoju služila stebnikom, zasteljeno čistym bilem, knižki, ta zapiski Bohdana pereneseno do chaty, tak, čto koli fira s chorym stanula na prichodstvi, chatina uže byla prihotovana na priňate nesčastnogo hosta. Tam i pomiščeno jeho.

L'ikar', čto večerom prijichav s urjadnikom carskoho i korol'skoho starostva, ohlanuv choroho, i zajaviv, čto kuľa vpravd'i perejšla na skriz, ale ne narušila mjazyj ta čto ne ma žadnoj nebezpeki, a choryj za kolko tyždnov bude moh choditi.

Urjadnik carskoho i korol'skoho starostva spisav s chorym protokol, i zapytav o. Petra, či maje jeho otstaviti do povitovoho špitala, či o. Petro zaderžit jeho u sebe? Otec Petro, po naraďi so svojeju zinkoju, rišivsja zaderžati choroho u sebe, na čto rado zholdivsja i urjadnik.

Persu noč pereviv choryj duže težko. V horjačci zryvavsja neraz z posteli, i hovoriv jaki nezrozumili, poodinoki slova. Ta na nich ne zvertav nikto uvahi. Po jakim tyždni horjačka zmaľila, a choryj začav prichoditi do sebe.

O. Petro i Bohdan duže často zachodili do komnaty choroho, ale ich otvidiny byli korotki, bo choryj ne pojavlav ni najmenšoj ocho-

ty do rozmovy. Zvyčajno movčav, a koli i promoviv jake slovo, to tak rizko i neprivitno, čto každoho, čto choťiv s nim pohovoriti, otbihala sejčas do seho ochota. Neraz byvalo i take, čto koli o. Petro vchodiv do komnaty, choryj zamykav oči ta vdavav, čto spit, čto by toľko ne otpovidati na pytaňa. Ta se nezražovalo o. Petra. Prichodiv sam, prichodiv Bohdan, prichodila i žinka o. Petra ta na vsich nich povedeňe choroho robilo vražeňe, movby on do nich mav jakus' zlost', movby oni byli jemu vorohami. Sče najradše rozmovľav choryj s pastuchom, jakij čto noči spav v jeho komnat'i, čto by v razi potreby moh poslužiti. —

II.

PERŠI PYTAN'A TA OTPOVID'I.

Jakos' v tri tyždňi po nesčastnoj prihod'i vojšov o. Petro do komnaty choroho. Po zvyčajnych slovach privitaňa, s'iv na krisľi, pila liška choroho i začav s nim rozmovy. Pytav pro ranu, pro stepeň horjački, pro son. Choryj otpovidav poodinokimi slovami. — Rozmova jakos' ne klejilasja. Vidko bylo, čto oba majut čtos' na serdci ta ni odin, ni druhij ne choťiv so sim vyjti peršij. Nastala movčan ka, jaku v konci perervav choryj.

Jakij obrjad u Rusinov?

“Vy ūnijat” — skazav on zvertajučisja do o. Petra. A skazav se jakos' tak nahlo, tak skoro, movby bojavsja svoich vlasnych slov.

Otec Petro až zdrychnuvsja počuvši sii slova, bo se byli perši slova, jakimi choryj, choť z daleka dotknuv pytaňa, jake vže ot koľkoch dnej ne davalo jemu supokoju. V sich slovach bylo čuti i zlost', i nenavist', i strach, i cilu vjazanku počuvaň, jaki vže ot nyňi zvorušovali um choroho.

“Tak! — Ja katolik schodnoho, vostočnoho, sebtu hreckoho obrjadu” — otpoviv o. Petro.

“Jakij tam u vas hreckij obrjad? Z neho i sľidu ne lišilosja. Vy sovsim zlatinsčilisja” — otkazav so zlostiju choryj.

“N'i brate” — otpoviv spokojno o. Petro. — “Naš obrjad, se spravd'i hreckij obrjad, toj sam, jakoho prideržovalisja hrecki Otcy Cerkvi, jak Sv. Joann Zlatoustyj, Sv. Vasilij Velikij, Sv. Hrihorij i inši. Čto boľše! Naš obrjad v dejakich častach zachovavsja navit' čistijšij, jak v nyňišnoj hreckoj cerkvi. Primirom, v hreckoj cerkvi malo de otpravľajesja proskomidia v Službi Božoj, miž tym jak u nas ne opuskajesja z nej ani slova. V samoj Službi Božoj ne zmi-

nenno u nas ničoho, a navit' zaderžano bohato takoho, čo sred teperišnych obstavín je sovsim zlišnym. Ot choť by vozvaňe ohlašených, čtoby opustili cerkov pered Liturhijeju virnych, abo slova: "Dveri, dveri premudrostiju voňmim", jaki v persich vikach christianstva byli ne čim inšim, jak vozvaňem do sterežeňa dverij pered napadom pohan. A vse to zaderžano z velikoj pošany dla svjatoho obrjadu. My duže cinime naš hreckij obrjad, i ľubime jeho tak, čo za ničto v sviti ne pokinuli by jeho. Sež precii doroha spadsčina po našich baťkach, jaka nas Rusinov, vratovala, čo my dosi je Rusinami. Tak, jak my je d'itmi katolickoj Cerkvi, tak je i virny sjomu hreckomu obrjadu, a se, čo vy hovorite, čo naš obrjad je zlatinšenyj, to hovorite tomu, čo vy jeho ne znajete." —

Jak Rusiny nazyvajut svoj obrjad?

"Taž vy navit' vže ne nazyvajete svoho obrjadu greko-katolickim a ruteňsko-katolickim" — perebiv choryj.

"A tak? To vam o nazvy chodit?" — prodovžav dalše o. Petro. — "Tož znajte, čo ni odin Rusin ne nazyvaje svoho obrjadu rutenko-katolickim, bo takoj nazvy u Rusinov vzahali nema, a je ona tolki vydumkoju zlobnych ľudej, jaki ne majut čo skazati proti našoj viry i obrjadu ta choťat pravdu vbiti kpinami, žartami. Ta se darmo. Nasmivalisja židy z Isusa Christa, koli visiv na chresti, a Christos ni slovom ne otpovidav. I naša svjata vira ta obrjad ne bojatsja kpin ľudej zloj volí, ale čtoby vy ne dumali, čo ono tak je, jak vy hovorite, to ja vam se pojasňu?"

"Jak vy nazyvajete svoju Cerkov?" — zapytav o. Petro choroho.

"My" — otpoviv choryj — "nazyvajeme jej "Greko-ruskoju."

"Tak!" — skazav o. Petro. — "Sebto greko-rosijskoju. A čomu? Tomu, čtoby zaznačiti, čo se vira hrecka, jaku vyznaje "ruskij", sebto rosijskij narod. Čtos podobnoho je i u nas."

"Kromi Rusinov katolikov je sče i inši narody, čo naležat do katolickoj Cerkvi hreckoho obrjadu, ot choťby Rumuny ta Italijcy. Prote papa rimskij, čo je holovoju ciloj katolickoj Cerkvi, koli ide rič pro Rusinov katolikov, nazyvaje našu Cerkov hreko-ruskoju, a po latiňski "graeco-ruthena". Se slovo "ruthena" je slovo latiňske i značit tolko čo "ruska". Se i cilkom prirodno. Precii v každoj čužoj movi hreko-ruskij obrjad nazyvajesja jinakše, alež iz seho nesliduje zovsim, čtoby my sebe nazyvali tak, jak nazyvajut nas inši v svoich movach. Či tomu, čo N'imcy nazyvajut cerkov slovom "Kirche", možna skazati, čo Rusiny svoi cerkvi nazyvajut: "Kirch"-ami?"

Či obrjad u Rusinov je zlatinčenyj?

“Tomu to jakraz, čto Papy rjadať vašoju cerkvoju, vaš obrjad je cilkom zlatinsčenyj” — perebiv choryj.

“Ne tak ono je, jak vy kažete” — odpoviv o. Petro — “bo ja vam skažu, čto Papa Urban VIII. skazav vyrazno: **“Ja choču, čtoby vsi stali katolikami, a ne latinnikami”**, značit sja Papy, jak Holovy ci- loj Cerkvi, choťat, čtoby vsi stali katolikami, to je, vyznavali pravdivu viru, ale rado pozvoľajut každomu lišitisja pri svoim obrjad’i. A vpročim ja pevnyj, čto nakoli by ja vas spytav, v čim my zlatinščili naš obrjad, to vy ne umili by seho skazati.”

“Ta ja tam vašoho obrjadu ne znaju, ale čuv, čto vy pozavodili u sebe latinski Bohoslužeňa” — odpoviv choryj.

“V tım to i bida, čto vy jeho ne bačili” — hovoriv daľše o. Petro. — “Tož znajte, čto v cilym našem Bohoslužeňu ni odnoho latinskoho slova, a vsjo pravitsja v jazyci cerkovnym, sebto v tym jazyci, v jakim otpravľali Bohoslužeňa sčie naši d’idy-prad’idy tod’i, koli za velikoho kňazja Sv. Volodimira prijмили christianstvo. Se toj sam jazyk, v jakim pravľat Bohoslužeňa i Rosijany, jaki i perejmili ot nas naši cerkovny knihi.”

Či je u Rusinov novy Bohoslužeňa?

“Ta inša rič, čto v našim obrjad’i vvedeno dejaki novy Bohoslužeňa, jakich davňijše v greckim obrjad’i ne bylo, ale se зробleno ne tomu, čtoby zlatinščiti obrjad, a tomu, čto take Bohoslužeňa bylo potrebne i pokazalosja duže chosennym.”

“Ja dohadujusja, o čto vam chodit. Vy čuli, čto v našim obrjad’i rozvinulosja osobenno počitanie Najsvjatijšich Tain, Bohoslužeňa, čto otpravľajesja v Maju v čest’ Prečistoj D’ivy, ta naboženstvo do Najsvjatijšoho Sereja Isusovoho.”

“Ale čerez ti naboženstva naš vostočnyj obrjad ne perestav zovsim byti vostočnym, on ni trocha ne zlatiščivsjja. Chibaž obrjad latiňskij, v jakim ne tak to davno sich naboženstv ne bylo, perestav byti latiňskim, koli ich vprovadiv v svoi Bohoslužeňa? Ni, pevno čto ni. Nakoliž latiňskij obrjad čerez novy Bohoslužeňa ne perestav byti latiňskim, to čomuž greckij mav by perestati byti greckim? — Sii Bohoslužeňa ne davno tomu, byli v latiňskim obrjad’i čims’ zovsim novym, ale s časom prinorovilisja do neho i stali obrjadom latinskim. Oni v našom greckim obrjad’i je poki-čto čims’ novym, ale oni rovnož prinorovilisja do neho i stali greckim obrjadom.”

“Preciň nichto ne skaže, čto tilko latinskij obrjad maje pravo vprovaždovati u sebe novy Bohoslužěna, otpovidno do potreb času, a greckij ňi. T’i sami prava, jaki maje obrjad latiňskij, maje i obrjad greckij. Vvodiv, vvodit i bude vvoditi latiňskij obrjad novy Bohoslužěna, vvodit i bude vvoditi novy Bohoslužěna i greckij obrjad, ale čerez se, ni latiňskij ne perestane byti latiňskim, ni greckij — greckim.”

“Vpročim ne lišeň v latinskim obrjad’i je Isus Christos prisutnyj v Najsvjatijšoj Tajňi Eucharistii, ale i v hreckim, prote voľno virnym hreckoho obrjadu poklaňatisja Jemu takim samym naboženstvom, jak i virnym obrjadu latiňskoho.

“Toju samoju ľuboviju horilo Najsvjatijše Serdce Isusovo do virnych hreckoho, jak i latiňskoho obrjadu, tož voľno odnym i druhim počitati Jeho takim samym naboženstvom.

“Prečista D’iva Maria je materiju dľa virnych hreckoho i latiňskoho obrjadu i tomu odny i druhi dobre roblat, koli najkrasšij mi-sjac v roci, Maj, posvjasčajut v Jej čest’ i osobennymi Bohoslužěna-mi počitajut Jej.

“Ale može vam, brate, zdajetsja, čto čerez novy Bohoslužěna, jaki je v latiňskim obrjad’i, naš obrjad latinsčitsja?

“N’i, ono tak ňě je! Os’ vam primir.

“Bačit naš čelovik, čto dosi sijav zbiže rukoju, a N’imec, či Francuz sije sivačkoju. Dumaje sobi: “Se puste! De on tak roz-sije sivačkoju, jak rukoju?” — Ale koli pobačiv, čto zbiže Francuza schodit, jak sčitina, a na jeho nivi vidko plisči, pošov i kupiv sobi sivačku. Či on zrobiv zle? N’i, vsjakij skaže. On zrobiv mudro i byl by sam sobi vorohom, nakoli by seho ne zrobiv. — Sče i “Spasi Boh” skaže Francuzovi, čto taku mašinu vydumav. — Tak samo bačite i so svjatym obrjadom. Bačimo, čto v latiňskij či virmenskij, rozumijetsja katolickej Cerkvi je jakas’ harna otprava, jaka duže podobajesja narodu i duže podnosit jeho pobožnosť, ta spričiňuje, čto on žije lipše, čim pered tym, tak my kažeme sobi: “Na čto je obrjad, na čto zavodili svjaty Otcy rižny Bohoslužěna, jak ne na to. čtoby podnositi pobožnosť u ľudej ta, čtoby ľudi sluchajuči sich ot prav, stavali lipšimi i lipše ľubili Boha?” A naši Otcy Cerkvi, naši Episkopy, jaki pro to toľko i dbajut, čtoby ľudi stavali čimraz pobožňiji, rozдумavši ta obhovorivši razom spravu, skažut: “Dobre bude i u nas zavesti taku otpravu. My perevedemo jej na cerkovnyj jazyk, nadame jej hreckij obrjad ta naj i naši virny korystajut z nej ta stajut lipšimi i pobožňijšimi.” Či to značit latiňščiti naš obrjad?

N'i, on zostav hreckim. Jak by to tak my vzjali jaku latinskú otpravu i taki tak jak ona je, otpravľali jej v našich cerkvách, tod'i bylo by se spravg'i latinskčnem hreckoho obrjadu. Ale takoho slučaju nema u nas ni odnoho." —

— A vpročim skažu vam, brate, čo i rosijski episkopy pozavodili takož dejaki zvyčaji z latinskoho obrjadu. Ot choťby pis'ňu: "Tebe Boha chvalim", jaku uloživ svjatyj Ambrozij, episkop medio-laňskij, abo pis'ňu: "Ko komu vozopiju, Vladyko" rovnož pochodže-ňa latinskoho, a navit' uloženu zdajes' členom Čina Jezuitov. A kolko to piseň, vzjatych z latinskoho obrjadu, spivajesja nyňi po vašich mužeskich, a peredvsim po žinočich monastyrych. Ja čuv navit', čo v dejakich parochiach, čo ležat na hranici Haličiny, pozavedženy i majski Bohosluženia. — Preciň ne skažete, čo vaši episkopy choťat zlatinsčiti hreckij obrjad. —

Či vo rosijskoj cerkvi je čistyj, davnyj hreckij obrjad?

A čo vy skažete pro zminy, jaki pozavodženo v rosijskoj cerkvi v samoj Službi Božij?

— Zvidki, primirom, v bohato cerkvách v Rosii v ned'ili i svjata po "Malom vchod'i" vvedeno zvyčaj pominati pomeršich, ta spivati: "Vičnaja pamjat"? — Abo, čomu v Rosijskoj Cerkvi opuskajut po Apostoli pis'ňu: "Alliluja"? Po čo vvedeno v rosijskoj Cerkvi v ned'ili i svjata po suhubij ektenii (po svjatomu Jevanheliju) počitovaňe imen pomeršich, čo neraz trevaje i cilu hodinu? Ale pravda! Za pominanje pomeršich virny skladajut kopijki. Dľa kopijki varto i v dečim zminiti obrjad, ale zminiti jeho tomu, čtoby sered virnych podnesti pobožnosť, se neprostimyj hrich, se latinskčne!

— De pod'ilasja v rosijskij Cerkvi propovid' po Jevanheliju? Z počatku pereneseno jej na konec svjatoj Liturgii, a teper' opuskajesja jej zovsim. Dež i koliž majut virny učitisja Christovoj nauki?

— A moskovskij patriach Nikon, čo robiv s davnymi bohoslužebnymi knihami, uživannymi v rosijskij Cerkvi? On bačiv, čo ne to čo v inšich knižach, ale navit' v svjatom Jevanheliju ta Apostoli bylo bezlic pochibok ta zmin, tož začav ich spravlati. Des'čo spraviv, a v inšich misecjach bohato poopuskav abo pododavav. V Svjatoj Liturgii poskoručovav bohato molitv. Tod'i to i povstali v rosijskij Cerkvi "S'taroobryadovcy" — jakí ne choťili priňati sich novych, "spravlenych" knih.

— Ne taka byla davňišja Liturgia hrecka, jak ona je nyňi v rosijskoj Cerkvi. Učenyj mitropolit moskovskij Filaret, os' čo piše pro

- moskovske Bohoslužbe: "My (sebsto rosijske duhovenstvo) za malo dbajeme pro to, čtoby Bohoslužbe otpravlati jak s'lid. Vmisto čtoby deržatisja starinnoho, hreckoho Bohoslužba, my dodajemo bohato novoho i to takoho, čto jeho tažko zrozumiti ne to tomu, čto sluchaje, ale navit' tomu, čto čitaje." I, otse hovorit taki pro vaše Bohoslužbe,

Jaki zvyčaji byvajut v rosijskij Cerkvi?

— Ta otse dejaki tolko zminy, odobreni navit' najvyššiju vlastiju rosijskoj Cerkvi, a kilko to zmin zavoditsja u vas taki samymi svjasčennikami. A čto dumati pro vaši, tak zvany "obidennyja pusto-zvony". Až viriti ne chočesja, čtoby čtos' takoho mohlo d'ijatisja, ta rozkazovav meňi pro se čelovik duže dobre obznakomlenyj so spravami vašoj konsistorii, abo jak jej často nazyvajut rosijski svjasčenniki "platovoj palaty". On opovidav, čto v rosijskich cerkvach voditsja os' take: Svjasčennik kaže: "blahovistiť ko obidnici" — sebsto, dzvoniti na Službu Božu. Po jakims' čas'i kaže dzvoniti "vo vsja", ňiby v čas'i svjataho Jevanhelia. Za jakoj čvert' hodini kaže "udariť ko dostojňi", ňiby-to dzvoniti na "Dostojno jest". Pri tym s'lid'at, či čto nejde do cerkvi. Jak tilko pokažesja peršij virnyj, bižit' svjasčennik do cerkvi, otviraje cerski vrata i z porožnoju čašoju v rukach vyhološuje: "Vsehda, nyňi i prisno i vo viki vikov", — abo taki bez čaši otrazu: "Blahoslovenie Hospodne na vas", a bidnyj virnyj žaluje, čto spozdnivsja na obidnicu.

— A čto d'ijesja s otpravoj večerni i utreni? — Podzvoňat na dzvonnici, otvorjat na chvílu cerkov i zaraz zamykajut. A koli virny začinajut schoditisja na otpravu, cerkovnyj "pričet" (dzvonnik, cerkovnik) zajavlaje, čto Služba uže otyjšla, bo svjasčennik prišov do cerkvi jesče pred dzvoneňem. Take meňi opovidav čelovik, čto bačiv se na vlasny oči. Skažit', brate, či je v tom čto pravdy, či ňi?

Choryj ničto ne otpovidav, a jeho movčanka byla najlipšoju otpovidoju. Stydno jemu bylo priznatisja do toho. —

— Os' vam čistyj, hreckij obrjad — hovoriv dalše o. Petro. — Ne divota, čto ot takoho hreckoho obrjadu otchresčujesja 15 millionov staroobradovciv, jakich vykl'ala rosijska Cerkov za se holosno, čto oni choťili deržatisja starinnych, hreckich obrjadov. — Otsi to staroobradovcy so svojeju ľuboviju do starinnoho, hreckoho obrjadu pri-chilňijše odnosjatsja do latinskoj Cerkvi, čim do vašoj deržavnoj rosijskoj, ot jakoj otlučilisja.

Či voľno zavoditi zminy v obrjad'i?

— Ale vse taki je ono hrichom zavoditi zminy v obrjad'i — otozval sja choryj. —

— Se zaležit ot toho, chto zavodit zminu — odpoviv o. Petro. — Samomu svjasčenniku seho robiti nevoľno, bo svjasčennik ne maje vlasti rjaditi v Cerkvi. On musit u vsim sluchati svoho episkopa. Ale koli se zrobit cerkovne načal'stvo, tod'i voľno, bo cerkovny obrjady je zavedeny ľud'mi, a ne Isusom Christom, tož i ľud'am voľno robiti v nich zminy. Čtoby se stalo jasnišim, dam vam primir.

— Čelovik maje duže harnu, šovkovu od'iž ta ona stala jemu trocha potisna. On dobrav takoj samoj materii i rozpustiv jej. Či sja odežda vže ne je biľše jeho odežiju, či ona vže ne harna, ne šovkova? N'i! Ona i jeho odeža i harna i šovkova ta sče i lipša jemu do stanu. Os' takuju šovkovoju, harnuju odeždoju je i obrjad. On i zahrivaje do pobožnosti i podnosit krasu Bohoslužeňa. Tomu paru sot lit byv on dobryj, navit' duže dobryj, ta po paru sotkach lit, stav trocha potisnyj. Zminilisja časy, zminilisja lude. Čto hrilo davnišje, nyňi vže ne tak hrije, čto podnosilo pobožnosť davnišje, nyňi može navit' vyklikati zhoršeňe. Či ne tak? Jak by tak nyňi zastaviv v pritvori bratoljubny stoly, jaki zastavľovali christijany peršich vikov i hostiv virnych chľibom i vinom? Či ne vyklikovalo by se zhoršeňe? Hovoreno by, čto ludi idut do cerkvi, čtoby piti? Čtož robiti? Či lipše lišiti odeždu tak jak ona je, potisnoju, choť by i popukala na čelovici ta pozvoliti, čtoby d'irami zavivav studenyj viter i moroziv jeho, či radše dodati čtos', čto zrobilo by jeji znova dobroju na dovhi lita? jak zrobit mudryj čelovik?

Zminy v obrjad'i za svjatocho Joanna Zolotoustoho i inšich.

“N'i! Svjatyj obrjad ne odežina; v nim ne možna zavoditi nijakich zmin ta dodatkov” — pererval choryj.

“Dobre” — skazav o. Petro. — “A čto vy dumajete pro svjatocho Joanna Zolotoustoho? Či on byv Svjatym, či on byv sčiryj prija-telem hreckoho obrjadu, či on robiv čto nebud', čto mohlo vyjti na škodu svjatoj viry ta hreckoho obrjadu? Pravda, čto on odin z najbolšich Svjatyh hreckoj Cerkvi, jeho vira tverda mov skala, jeho nauka mov čiste zoloto! A precij može ničto bolše ne pozavodiv zmin v hreckim obrjad'i, jak sej velikij Svjatyj. On žež' skorotiv Službu Božu Svjatocho Vasilia Velikoho, a zrobiv se tomu, čto ona na jeho časy vže byla za dovha. On zminiv sposob svjatocho Pričastija, vprovadžujuči uživaňe ložočki. Pered tym virny dostavali Najsvjatijše T'ilo na doloňu, a Najsvjatijšu Krov pili prjamo z čaši.

Či on byv vorohom svjatohto hreckoho obrjadu, či on chotiv jeho zlatinsčiti? —

“A Svjatyj Vasilij Velikij, či ne zrobiv pered tym toho samoho so Služboju Božuju Svjatohto Apostola Jakova? Čujete? On skrotiv Službu Božu jaku uloživ sam Apostol, učenik samoho Božestvennoho Spasiteľa, čo bačiv na vlasny oči peršu Službu Božu, jaku otpraviv Isus Christos v četver pered svojimi mukami. Či on zrobiv zle? — N'i! Čila Cerkov veličaje jeho velikim Svjatym.

“A svjatyj Joann Damaskin? Chibaž on ne uloživ tysjači novych piseň i provodiv ich do Bohoslužen? Či sich Bohoslužen ne bylo pered tym? N'i! Oni byli, tolki ich otpravľali inakše. Bačiv svjatyj Damaskin, čo oni vže ne nadajutsja, tož pozavodiv zminy. A svjatyj Prokl', čo vprovadiv do Služby Božoj pisňu: “Svjatyj Bože”, a bohato inšich, či oni robili zle, či čerez ti zminy obrjad ne ostav hreckim? A svjaty Otcy ruski, či ne zavodili s nim v obrjad'i, či ne dodávali novych Bohoslužen? —

Zvotki pošlo brite borody?

“Ta može vy i pravdu kažete” — perervav choryj — “ale bačite meňi duže protivne je se, čo vaši svjasčenniki navit' u zverchnym vyhlad'i ne prideržajutsja hreckich zvyčajiv i brijut borodu ta usa. Sež precij cilkom ne po obrjadu. Isus Christos ta apostoly ne brili borod.”

“Čto do seho, to bud'te cilkom supokojny” — odpoviv o. Petro. — “Katholicka Cerkov nikoli ne zmusovala svjasčennikov hreckoho obrjadu, čtoby brili borodu. I nyňi byvajut u nas svjasčenniki, a navit' episkopy, čo nosjat borody. Je navit' monachi latinskoho obrjadu, čo nosjat zarost. Vpročim ne dumajte, čo brite borod je zvyčajem čisto latiňskim. Dejaki episkopy hrecki z časov cisarja Justiniana, značitsja z VI-ho vika, zobraženy na obrazach s britymi borodami ta vusami i s korotko striženym volos'em. Vidka čo vže tod'i byv takij zvyčaj i v hreckij Cerkvi.”

“V knižci ‘Teatron’, abo ‘Pozor istoričeskij’, vydanyj v Rosii za carja Petra Velikoho, čitajemo, čo v časi pereslidovaň christian za rimskich cisarov, vyjšov byv zvyčaj, čo svjasčenniki brili borodu ta vusa, tak jak se robila tod'i rimska šľachta, patricii, čtoby ne rižniti-sja ot nich i vo sej spôsob usterečisja pereslidovaň. Se duže davnyj zvyčaj! — A čo do nošeňa dovoho volosja na holovi, jak se nosjat rosijski svjasčenniki, to treba vam znati, čo se ne je davnyj, hreckij zvyčaj. Byv čas, koli v hreckij Cerkvi nošeňa dovoho volosja na

holovi bylo svjasčennikam prjamo zaboronene. — Hreckij, truľskij sobor z roka 629, jakij hrecka Cerkov choče navit' uznavati soborom vselenskim, duže stroho vystupaje proti seho i kaže, čto nositi dovhe volosje, voľno toľko tym svjasčennikam, jakim episkop na ich proviny otoberav svjasčenniču vlast'. Sobor sej uvažav nošeňe dovoho volosja karoju. —

Jak davna je vira, jakoj prideržajutsja Rusiny?

Besidu o. Petra perervav choryj. On skazav:

“Čto z toho, čto tak bylo davnijše? Preciň vaša uniatska vira povstala ne davnijše, jak trista lit tomu. Pered tym uniatskoj viry ne bylo.” —

“Jak to?” — odpoviv o. Petro. — “Naša vira je doperva ot 300 lit? To Svjatyj Joann Zolotoustyj, svj. Vasilij Velikij i inši ne byli našoj viry i našoho obrjadu? Ale se istorična lož. My vyznajeme totu samu viru, jaku vyznavali otcy veliki Svjatiteli Cerkvi, my prideržujemesja toho samoho obrjadu, čto oni.”

“Naša vira, naš obrjad tak davny, jak davna je Christova Cerkov, a čto hovorit inakše, sej abo sam ne znaje pravdy, abo choč znaje, to skryvaje jej pered ľud'mi i vdaje, čto ne znaje. Preciň vže v samych počatkach vytvorilisja v Christovoj Cerkvi dva holovny obrjady, odin na sčod'i, hreckij, druhij na zachod'i, latiňskij. Byli sče i inši, pomeňši, ta pro nich nema čto nyni zhadovati. A my Rusiny, prideržujemesja toj samoj viry, jaka byla ot počatku christianstva i toho samoho hreckoho obrjadu, jakij z samoho počatku rozvinuvsja v Christovoj Cerkvi.” —

Pričina nenavisti.

“My znajeme, čto vy, členy rosijskoj Cerkvi, najhorše nenavidite našoj viry tomu, čto vy kolis' samy vyznavali jej, a poznijše otrekli sja. Pravda, čto nema horšoho voroha jak sej, čto pokine svoj narod i pristane do inčoho. Nema horšoho voroha Cerkvi, jak sej, čto kolis' byv jej členom, a ottak otorvavsja ot nej. Vy čuli može, čto Turki brali christianskich chlopciv i vychovovali ich vo bisurmeňskij viri na to, čtoby z nich zrobiti najhoršich vorohov Christovoj viry, janičarov, jaki voľili každu inšu viru, každyj inšij narod, čim svoj. Z sjoho smijalisja, svojim hordili, svoje proklinali i choťili, čtoby z neho ne ostalo ni sľidu na zemli. Tak robit nyňi i rosijska Cerkov.

“Ona z peršu byla takož doňkoju katholickoj Cerkvi. Ta pokinula svoju maťir i stala jej vorohom, i najzavzjatijšim toj velikoj,

preharnoj jej haluzi, čo nazyvajesja katolickoju, hreckoho obrjadu. Ta čtob zabiti v sobi hřižu sovisti, vy vydumujete na našu viru, na náš obrjad najohidňjší vyhadki, posuždujete nas o najhorši riči, a dľa posmichoviska nazyvajte nas viroju kalakutskoju, sebto viroju, jaku vyznavati ličit chiba jakims' tam povdikim Kalakutam, miž tym, jak nas v samoj Haličiny je čotyri miliony, ne čislači Rusinov na Uhorsčiňi ta v Ameriki. I to ne jakichs' dikich Kalakutiv, a sčiryh Rusinov, čo slavilisja velikoju prosvitoju tod'i, koli 'sče pro Rosiju i slychu ne bylo, čo budovali veličavy Boží chramy vo pervoprestolnom Kiivi, zakladali školy, biblioteki, mali velikich Svjatych, jak sv. Teodozia, Antonia, a navit' miž samymi kňazjami, jak svjatyh Borisa i Chliba. Se naši Svjati. Oni košt iz kostij našich, oni i nyňi našimi zastupnikami pered Božim prestolom. Ta vaša deržavna, rosijska Cerkov siloju to podstupom odorvala miliony našich bratov ot katolickoj Cerkvi, i prilučila do sebe, de oni ind'ijut i hinut. Hinut kažu, bo skažit sami, koľko to u vašoj Cerkvi rižnych-prerižnych sekt, jaki oťchresčujutsja ot nej, mov ot najboľšoho voroha. — **A rosijska Cerkov cilu nenavist' zvertaje proti našoj Cerkvi, bo znaje, jaka nebezpeka hrozit jej ot Svjatoj Unii, znaje, čo Holova katolickoj Cerkvi, Klimentij VIII. skazav, čo choče navernuti cilyj schod do katolickoj Cerkvi, a choče se zrobiti jak raz čerez Rusinov i my majeme vo Bozi nad'iju, čo se kolis' musit statisja, bo Christos skazav, čo musit byti odno stado i odin Pastyr'.**

Či vinen rosijskij narod?

“Ja ne vinuju rosijskoho narodu, čo on obalamučenyj vašimi učitelami, bačit v nas vorohov, a našu viru uvažaje neraz horšoju, čím židovsku, ale najby sej rosijskij narod zajšov do našich cerkov, počuv naši nauki, počitav našich knižok, tod'i poznav by on pravdu, poznav by, de žije Christos! Ta vaši opikuny zasloňujut pered nem pravdu, zachidžujut jemu našu viru. Znaje dobre rosijskij rjad, znajut i vaši Vladyki, čo velika častina virnych rosijskoj Cerkvi, a osoblivo ti, čo priznavajut sebe Rusinami, rado navernuli by sja do viry svoich batkov z časov Svjatoho Volodimira Velikoho i Jaroslava Mudroho i tomu robiť vsjo, čtoby z toj davnoj batkovskoj viry i sľidu ne bylo v ciloj Rossii. —

“Jak toj syn, čo prožene maťir z batkavščiny za to, čo ona hanila jeho zli postupki, opisla vsim pozvolit prichoditi do sebe v hosti, choť by i zovsim čužim, a svoju maťir, kolí by choťila zajti, zatvorit psami, tak i vaš rosijskij rjad, tak i vaši ti, čo deržat vlast

u svojich rukach, vyhnali matir, čo im dala christianske žite iz svojej chaty, sčie i sčujut na nej. —

“Tych, čo choťili deržatisja svojej materi, katolickoj Cerkvi, v Sibir hnali, mov dušehubov. A čomu? Bo bojatsja pravdy, bo na nich zd’ijstnujutsja slova Spasitele, čo ludi poľubili poťmu, a ne-navid’at svitla, čtoby pri jeho blesku ne pokazalisja ich pohani d’ila. Znajut, čo sered virnych rosijskoj Cerkvi sčie ne zovsim žahinuli davny spominy, koli to oni naležali do pravdivoj Christovoj Cerkvi, a znajut takož, čo do ich serdec ničim tak sčiro ne promovit, jak davnym, prad’idnym, hreckim obrjadom, jakoho deržimosja my. — Naj by tak naši rus’ki, katolicki svjasčenniki pošli miž ruskij narod, čo žije na Ukraїni, Biloj Rusi, Podiľu, naj by zahovorili do neho jeho rodnoju movoju, naj by prihadali jemu ti svitli časy, koli on naležav do katolickoj Cerkvi, naj by povčili jeho pravd Christovoj viry, a tohdy miliony štundistov ta starovircov (štundisty i starovircy nazyvajutsja miliony rusinov otorvany ne zjedineny s caropravoslavnoju rosijskoju deržavnoju cerkvoju). — vernulo by sja do davnoj katolickoj viry, do batkovskoho, hreckoho obrjadu. — Ta seho jakraz najboľše boitsja rosijske pravitel’stvo. Boitsja, čtoby narod ne prozriv, ne poznav de Christova pravda.” —

Otec Petro hovoriv sčiro, až zapal’uvavsja, a choryj divivsja, ne spuskajuči z neho očij.

“Ta ja ne obstaju za našim rjadom” — skazav ticho — “ja ne choču byti vorohom pravdy. Ja i sam dosyt naterpivsja ot našich vlastij.” —

“Ja i kažu, čo vy tomu ne vinny, čo vas tak učat” — hovoriv dalše o. Petro. — “Vaši učiteli je tymi, pro jakich hovoriv Isus Christos, čo vzjali vo svoi ruki ključ rozumiňa, zamknuli Carstvo Bože i sami tam ne vchod’at i ne dajut vojti druhim.” —

“Ta my dovho rozhovorilisja, a Vy sčie slaby. Dast’ Boh doždati sja voľnoho času, to i pohovorime dovše, a ja Vam rozkažu, čo my Rusiny hreko-katolickoho obrjadu, nijako Kalakuty, a d’iti toj samoj viry, jaku priňav naš kievskij velikij kňaz’ svjatyj Volodimir.”

Po sich slovach poprasčavsja o. Petro s chorym i vyjšov. —

Po koľkoch dňach zajšov o. Petro znova na dovšij čas do komnati choroho. — Zaňata vo parochii ta pri hospodarstvi (gazdovstvi) ne davali jemu spromohi robiti se častijše. Na chvíľu, čtob pospi-tati pro zdorovľe to pro se, či choryj čoho ne potribuje, zachodiv o. Petro čo dňa, a časom i koľko razov na deň. I znova zaviv roz-

movu pro te, čo ležalo jemu na serdci, a čo, jako bačiv, cikavilo i choroho. —

“Vam, brate” — hovoriv o. Petro — “zdajesja, čo vira, jaku vy nazyvajte uniatskoju, a jaka je katolickoju po hreckomu obrjadu, čo ona čtos' zovsim novoho, vydumka zlych ludej. Ja vam vže skazav, čo ona je tak davna, jak davna je Christova vira, ale vy, zdajes', ne konče virite semu. Tož ja vam rozkažu pro se. A bude ono meni tym lekše, čo baču, čo vy dosiť obznakomeny s istorijeju Cerkvi.”

“Bez sumňivu znajete koli Rusiny prijмили christiansku viru. — Bylo se za velikoho knazja kijivskoho Sv. Volodimira Velikoho, jakoho Cerkov veličaje Ravnoapostolnym i jakoho pamjať obchodit dňa 15. lipňa.” —

Jaku viru uznávali Hreki pered Fotiem?

“Jakaž se byla vira, jaku prijмили Rusiny?”

“Jakto, jaka?” — spítav choryj — “Hrecka”.

“Tak” — skazav o. Petro — “ale v tím najholovňiša rič, jaka se byla sija “hrecka” vira? Či taka, jaku nyni vyznaje hrecka ta rosijska Cerkov, či taka, jaku vyznavaje katolicka. Vy dumajete, čo Rusiny prijмили viru hrecku taku, jaku nyňi je v rosijskij Cerkvi, miž tym istorija učít, čo Rusiny prijмили katolicku viru po hreckomu obrjadu, značitsja totu samu, jaku i my halicki (i uhorski) Rusiny, vyznavajemo do nyňi.”

“O čo se, to taki ňi!” — perervav choryj.

“Tilko povoli! Ne sporim holoslovno, a pridivimsja istorii” — hovoriv dašše o. Petro .

“Pravda, čo z počatku obi Cerkvi, hrecka i rimska, byli odnoj viry, a rižnilisja tolko obrjadom?”

“Tak!” — odpoviv choryj.

“Na zachod'i rozpovsjudnivsja (rozprostraniv) obrjad rimskij, a na schod'i hreckij. Byvali časom dejaki neporozumiňa v spravach obrjadovych, ot tak, jak to byvaje i miž rodnymi sestrami, ta se ne tykalo viry.”

“Koli v odnoj abo druhoj Cerkvi vystupiv čtos' z ložnoju naukoju viry, tod'i episkopy obych Cerkov zjizdilisja, razom na radu, čo nazyvalasja soborom, spravu obhovorili i vzyvali, čtoby takij ložnyj učitel, jeretik, svoju nauku pokinuv, a koli seho ne choťiv zrobiti, tod'i i vykľučovali jeho z Cerkvi, a z nim i vsich, čo išli za jeho naukoju: Na takich soborach zavse viv províd rimskij episkop

i to abo sam, abo čerez svoho zastupnika. Tak primirom na peršim takim vselenskim, sebto vsesvitnom sobori v Nikei, proti jeretika Aria, provodiv zastupnik rimskoho episkopa, episkop mista Kordovi, Svjatyj Osija”.

“I tod’i na prečud harno cvila Christova Cerkov. Tak vo hreckij, jak i rimskij Cerkvi byli tod’i najslavňjši Otcy. Pro hreckich ja vže zhadovav, zhadaju i pro vyznačňjšich latinskich, jakich do nyňi vaša rosijska Cerkov počitaje svjatymi. Primirom: Sv. Avhustin, Sv. Ambrozij, Sv. Jeronim, Sv. Lev i bohato inšich. — Vsi oni, či to hrecki, či latiňski, byli Učitelami odnoj pravdivoj Cerkvi Christovoj, čto nazyvalasja katolickoju.”

“Sju nazvu “katholicka”, čto po ruski značit tolko čto ‘soborna’, vseleňska (vsesvitna), priňala Christova Cerkov sče v druhim viku, čtoby otržnitisja ot jeretikov, iduči za slovami Božestvennoho Spasitele, čto skazav do Apostolov: “Id’it vo svit i učit vsi narody”, — a jak raz “katholicka” značit tolko, čto Cerkov dľa vsich.”

Chto byv Fotij?

“Tak bylo až do devjataho vika (800). Vo devjatom vici zajšli pod’iji, jaki malo čto ne spričinili rozdoru miž oboma sestrami, sebto hreckoju i rimskoju Cerkvoju. A sprava sja byla os’ taka:

“Te, čto teper’ vam rozkažu, je napisane vo knižci hreckoho istorika Heorhia Kedrina, značit sja čelovika, čto sam naležav do hreckoj Cerkvi.”

“Vo polovini devjataho vika vstupiv na hreckij, cisarskij prestol vo Carhorod’i (Konstantinopolu), car’ Michajlo III-yj, jakoho istoriki nazyvajut “Pjanym” tomu, čto ľubiv vpijatisja. Jeho otec byv ikonoborcem, sebto tym hreckim cisarem, čto kazav z cerkov povykidati vsi obrazy Svjatych, a navit’ Isusa Christa, ta Prečistoj D’i-vy Marii. V baťka vdavsja i syn. Michajlo byv nedovirkom. Deržavny spravy ne obchodili jeho zovsim. On okružav sebe veselčakami, značitsja takimi ľud’mi, čto vđavali durnovatych, čtoby rozveseliti drugih i so svoim prijatelem, rovnož veselčakom, Teofilem Hriľom, perebiravsja za svjasčennika i chod’ači procesiju po ulicah mista, vys’mivav Christovu viru, a navit’ dľa naruhi (vysmich) podavav ľud’am na ulici ňiby “svjatoe Pričastie”, horiču s octom.”

“A čomuž jeho za se ne skinuli z cisarskoho prestola?” — spitav choryj.

“Os’ v tim i byla najbolša bida, čto tod’i hrecki cisary robili, čto sami chotili” — prodovžav o. Petro. — “Mišalisja vo spravy cerkov-

ny, a byli navíť taki, čo vydávali ukazy, jakimi pripisovali, jakoj viry mali prideržovatisja meškanci ich deržavy. — Se bylo najboľše licho.”

“**Tod’išnym patriarchom carhorodskim byv Svjatyj Ihnatij. On to vystupiv proti postupkov cisarja, ale cisar z jeho napomneň vysmivavsja i navíť ne dumav zaperestati svoich bezbožnych včinkov. Čtoby mati sče boľše času otdavatisja rožnij rozpusti, on otdav upravu deržavy svomu ujkovu Bard’i, može sče horšomu rozpustnikovi, jak sam. Barda pozamykav vsi školy, a na ich misce pozavodiv domy rozpusty, jaki do nyňi v Rosii ta i u inšich narodov nazyvajutsja jeho imenom. Dojšlo do toho, čo prohnnav svoju žonku, a zabrav žonku svomu vnukovi ta živ s neju bezbožno. Tod’i svjatyj Ihnatij vyklučiv jeho z Cerkvi. Za se veliv jeho Barda vkinuti do vjaznici, a na jeho misce зробiv carhorodskim patriarchom svitskoho čelovika Fotija.**” —

Razdor za Fotija.

“Nichto z episkopov ne choťiv vysvjatiti Fotija za episkopa, bo vsi bačili, jaku strašnu krivdu zapod’ijav Barda svjatomu Ihnatiju. Ale znajšovsja Hrihorij Sirakuskij, jakij za svoe pohane žite byv pozbavlenyj episkopskoho čina i jakoho sprava jakraz tod’i sudilasja v Rimi, u Papy svjatoho Nikolaja. — Hrihorij ne mav nad’ii, čtoby Papa jeho pomilovav, bo mav na svojej sovisti ťažki proviny, tomu, čtoby pripodobatisja Bard’i, **vysvjativ Fotija protahom 4 dňov na episkopa**, čo jak zvisno, protivilosja cerkovnym zakonam.”

“Fotij choť mav za soboju samoho carja, znav, čo **ne može byti patriarchom, až doki ne potverdit jeho Papa rimskij. Tomu to i ot-nis sja do Papy** pišuči, čo Sv. Ihnatij sam dobrovoľno zreksja dostoinstva patriarcha izza starosti to čo jeho vybrali episkopom navíť proti jeho voli. Svjatyj Ihnatij posylav takož do Papy pis’ma, v jakich rozkazovav cilu pravdu, ale provornyj Fotij perelovľuvav ich (ot poslov dav ukrasti).”

“Papa Nikolaj, jakoho hrecka ta rosijska Cerkov počitaje Svjatym, ne znajuči ničoho pro se, čo stalosja v Carhorod’i, hotov byv potverditi Fotija na patriarcha, ale koli dovidavsja pro cilu spravu, veliv Sv. Ihnatija privernuti znova na patriaršij prestol. Za te stav Fotij mstitisja na Papi ta holositi, čo rimska Cerkov ne je pravdivoju Cerkvoju Christovoju, čo ona otpala ot pravdivoj viry.”

“Zakidy, jaki Fotij robiv rimskij Cerkvi, byli majže vsi čisto obrjadovi, choť, jak znajete, v katolickoj Cerkvi zavse byli rožny obrjady. Primirom, zakidovav, čo rimska Cerkov otpala ot pravdivoj viry

tomu, čo postit vo subbotu, čo velikij post skorotila na 40 dňov, čo Tajnu Miropomazania pozvoľuje ud'ilovati toľko episkopom, a ne zvyčajnym svjasčennikom. — Jak sami bačite, zakidovav riči, jaki sovsim ne odnosilisja do viry. Vsi oni ne je ustanovoju Božoju a ľudskoju. L'udi zaveli ti zvyčai, l'udi mohli ich zminiti. V odnij časti Christovoj Cerkvi vytvorilisja taki zvyčai, vo druhoj inši i vo oboch oni byli dobri, a každa z nich mala prideržatisja svoich.”

“Odin odnišeňkij zakid vo spravi viry, podnes Fotij, ot sej, čo rimska Cerkov v os'mij časti nikejsko-carhorodskoho Simbola viry, sebto vo “Viruju”, dodala i “Syna” i učila, čo sv. Duch pochodit ot Otca i ot Syna.” —

Ot koho pochodit Sv. Duch?

“Zaki rozkažu, čo stalosja dašše, mušu choť korotko zhadati pro rožnicu miž naukoju katolickej Cerkvi a hreckoj, o pochodžeňu Sv. Ducha.”

“Pravda, čo hrecka i rosijska Cerkov virit, čo vsi tri osobi Boži, Otec, Syn i Svjatyj Duch majut odnakovu slavu?”

“Tak” — odpoviv choryj. — “Preciň molimesja: “Slava Otcu, i Synu i Svjatomu Duchu”, a vo Simboli viry vyrazno kažeme pro Svjataho Ducha: “iže so Otcem i so Synom spoklaňajema i soslavima.” —

“Dobre” — hovoriv dašše o. Petro. — “A teper' poslučajte mene uvažno, dam Vam primir.”

“Je tri osoby. Nazvim ich: Perša, Druha i Treťa. Perša ľubit Druhu i Treťu, a Druha i Treťa, Peršu. Ta čo z toho, koli Druha i Treťa jakos' ne zľubľatsja miž soboju. A teper' pitaju Vas: Či ti tri osoby je miž soboju rovny vo ľubovi?”

Choryj odpoviv: “N'i. Perša tišitsja ľuboviju Druhoj i Treťoj, ale Druha i Treťa toľko ľuboviju Peršoj.”

“Tak” — hovoriv dašše o. Petro. — “A teper poslučajte, jaku rozmovu zaveli miž soboju Perša i Druha. Perša kaže Druhoj: “Ja ľubľu Tebe, a Ty ľubiš mene, ale čomu Ty ne ľubiš Treťoj? Chiba Ty ne chočeš Jej peredati sej ľubovi, jakoju ja nad'ľľuju Tebe? Preciň Treťa maje rovni prava s nami, miž tym Ona tišitsja toľko polovinoju mojej ľubovi, bo druhoj poloviny, jakoju Ja nad'ľľuju Tebe, Ty ne peredaješ Jej. Naša ľubov povinna nas lučiti razom, a poneže Ty ne ľubiš Treťoj, tož naš kružok rozorvanyj. Ot toho terpime vsi. Terpľu Ja, bo moja ľubov rozd'ïlena miž Vas, ne lučitsja vo Vas, bo Vy sebe ne ľubite. Terpiš Ty, bo oderžuješ toľko polovinu mojej

ľubovi, bo druha polovina, **sesja**, jakuju Ja ľubľu Třetu, ne dochodit do Tebe. Terpit i Třeta, bo Ona rovnoľ tľisťsja toľko polovinoju mojej ľubovi, poneľe Ty druhoj poloviny ne predaľeľ Jej.”

“Pravda, brate, ľto ľno tak bylo by zľe. L’ipľe bude, koli i Druha ta Třeta budut takolľ ľubiti sebe vzaimno, bo tod’i toľko kaľda z nich bude mati pľvnu ľubov, a prote i bude vpovňi vdovolená, ľľaliva?”

“Tak samo bylo by i vo Presvjat’ij Trojci, nakoli by, tak jak uľit hrecka Cerkov, Svjatyj Duch pochodiv toľko ot Otca, a ne takolľ i ot Syna. Tod’i miľ Synom i Svjatym Duchom ne bylo by ľuľnosti, a tym samym odnosiny Troch Osob do sebe ne byli by soverľenny.”

“Ale ne dumajte, ľto ja tym primirom choľu Vam pojasniti Tainstvo Presvjatoj Trojcy, abo Tainstvo pochodľeňa Svjataho Ducha ot Otca i Syna. Seho niľto vo siľi pojasniti, bo niľto rozumom seho ne vo siľi poňati.”

“I tomu hod’i tut mudrovati, a treba derľatisja toho, ľto uľit svjatoje Pis’mo. Vo svjatom Pis’mi mistitsja Boľa nauka, a choť je tam pravdy, jakich my rozumom ne moľeme zbahnuti, to musime vo nich viriti, bo Boh nepravdy ľud’am ne objavľav.” —

ľto kaľe Svjatoe Pis’mo?

“Toľ zahľanľme do Svjataho Pis’má. Vo Jevanheliju Svjataho Joanna (XV., 26.) ľitajeme os’ jaki slova Spasitelá: “**Jehda ľe priľdet Uťiľitel, jechoľe az (Ja) posľu vam ot Otca, Duch istinny, iľe ot Otca ischodit.**”

“Vo slovach: “**Jehda ľe priľdet Uťiľitel**”, hovorit Spasitel pro prichod Svjataho Ducha na apostolov na Zeleni Svjata (Soľestvie). Ottak kaľe Spasitel: “**Jechoľe az posľu**”. — “**Az**” znaľit Isus Kristus, Druha Osoba Boľa. Nakoli Druha Osoba Boľa kaľe, ľto poľle Svjataho Ducha, to vychodit cilkom jasno, ľto Svjatyj Duch pochodit ot Druhoj Osoby Boľoj. A ľtoby ľude ne dumali, ľto Svjatyj Duch pochodit toľko ot Druhoj Osoby, dodáje Spasitel slova: “**iľe ot Otca ischodit**”, ľtoby pouľiti, ľto Svjatyj Duch pochodit i ot Perľoj i ot Druhoj Osoby Boľoj, znaľit sja ot Otca i Syna.” —

“Znav Boľestvennyj Spasitel, ľto povstanut loľny uľiteli, jaki budut holositi, ľto Svjatyj Duch pochodit toľko ot Otca i tomu kolľko chvľľ pozdňiľľe ‘ľľe raz kaľe do apostolov os’ jaki slova: “**Asľe bo ne idu Az, Uťiľitel ne priľdet ko vam, asľe li ľe idu, posľu jecho ko vam**”. Zdaľetsja, ľto jaľňiľľoho vyskazu i ne potreba. Jak moh by

skazati Spasiteľ: “posľu jeho ko vam”, nakoli by Svjatyj Duch ne pochodiv ot Neho.” —

Os'ma časť Simvola viry.

“Se spravd'i sovsim jasno vychodit iz slov Svjatocho Pis'ma” — promoviv choryj. — “Ale čomu vo Simvoli viry, jakij uložili Svjaty Otcy na soborach vo Nikei i Carhorod'i, je skazano v os'mim časti toľko: “**Ot Otca ischod'asča**”?

“Čtoby porozumiti, dľačoho vo Simvoli Svjaty Otcy do slov: “**ot Otca**” ne dodali takož vyrazno “**i Syna**”, treba znati proti čijej nauki uloženo siju časť Simvola viry” — hovoriv ďalšie o. Petro.

“Os' posluchajte. Ne dovho po peršom sobori vo Nikei*) vystupiv jeretik Makedonij, jakij učiv, čto Svjatyj Duch ne pochodit ot Otca i proto ne je Bohom, a toľko sotvoriňem Syna. — Svjaty Otcy sobora (konstantinopolskoho), vystupajuči proti jeho ložnoj nauki, vyskazali vo Simvoli viry, čto Svjatyj Duch je pravdivym Bohom i pochodit ot Otca. Ne dodavali, čto Svjatyj Duch pochodit i ot Syna, čtoby Makedonij ne vykrutiv ich slov i ne holosiv, čto sobor taki priznav, čto Duch Svjatyj pochodit ot Syna. On byv by ne zvažav na se, čto sobor vyskazav by, čto Svjatyj Duch pochodit ot Syna, a ne jak on kazav, čto je sotvorenyj Synom.” —

*) Na lipšoje pojasneňe sich treba znati, čto Simvol viry, molitva “**Viruju vo jedinoho Boha...**” sostavlen Apostolami, do čas Nikejskoho Sobora, sovsim korotšij byv, takij, jak jeho rimski katholiki i dnes' moľat. Vo Sv. službi latinskoho obrjada i svjasčennik i narod moľatsja nikejsko-konstantinopolskij Simvol viry, — jakij i my molimesja. — Peršij raz rozširili, potolkovali Svjaty Otcy Apostolskij Simvol viry na peršom vselenskom sobori vo Nikei 325-ho roka, tomu, čto jeretik bezbožnyj Arij počal taiti i učiti, čto Druha Osoba Presvjatoj Trojcy, Syn Božij, Isus Christos, byv toľko prizrak, ne istinnyj čelovik, i ne istinnyj Boh, liš jak-tak udavavsja za Boha. Protiv sej bezbožnoj nauki Arija rišili 318 Svjaty Otcy Nikejskoho sobora id slovam Simvola viry: “I vo jedinoho Hospoda, Isusa Christa Syna Božija jednorodnaho” dodati rozjasňajusča slova, postanovľajusča istinnu katholičku viru: “...**ot Otca roždennaho prežde vsich vik.** (Jak) **Svita ot svita, Boha istinna(ho) ot Boha istinna(ho) roždena(ho), ne sotvorennaha(ho), jedinosusčena(ho) Otcu, imže vsja byša. Nas d'ila čelovik, i našeho radi spasenija, sšedšaho so nebes...**”

Na Nikejskom Sobori liš protiv Arijevoj jeresi rišili, Makedonia jesče ne bylo, jeho jeres pozdňijše počalasja. (Vydavateľ.)

III.

KOLI NASTALA SCHIZMA V CERKVI?

Jak virili hrecki Otcy Cerkvi?

“Čto Svjaty Otcy, jaki žili vo časi seho sobora i to tak rimski, jak i hrecki virili, čto Svjatyj Duch pochodit i ot Syna, vidko choťby iz slov Svjatocho Kirila, jakij kaže: **“Duch Svjatyj pochodit, po slovam Spasiteľa, ot Otca, ta ne čužij On i Synovi, bo Syn maje vsjo, čto maje Otec.”**

“Nakoli Svjatyj Kirillo hovorit, čto Syn maje vsjo, čto maje Otec, to musit Svjatyj Duch pochoditi i ot Syna, bo vo protivním razi, Otec mav by se, čto ot Neho pochodit Svjatyj Duch, a Syn ne mav by seho.”

“Vo inšim misti kaže Sv. Kirillo: **“Jedinorodne Slovo (Syn Božij) maje vsjo, čto maje Otec, kromi odnoho: “Byti Otcem”.** Nakoli Syn maje vsjo, kromi “byti Otcem”, to musit mati i se, čto ot Neho pochodit Sv. Duch.”

“Siju nauku Sv. Kirilla priňav tretij vselenskiy sobor, choťaj ne vloživ jej u svoje viroispovidanie. Čto Sv. Kirillo mav povne pravo skazati, čto Syn maje vsjo, čto maje Otec, vychodit iz slov samoho Spasiteľa: **“Az (Ja) i Otec jedino jesma.”** (Joann X. 30.)

“Sv. Joann Damaskin viriv takož vo pochodžeňe Svjatocho Ducha ot Otca i Syna. On kaže: **“Nikoli ne brakovalo, ni Syna u Otca, ni Ducha u Syna”** — a vo inšim misci: **“Duch Svjatyj neotlučnyj, ni ot Otca, ni ot Syna.”**

“Preharne porovnaňe podaje Svjatyj Kirilo, apostol Slavjan, brat Svjatocho Methodija. On porovňuje Otca so solncem, Syna so soničnym svitlom, a Ducha so soničnoju teplotuju i kaže: **“Teplota pochodit ot solнца razom so svitlom, kotre daje teplotu.”** Značitsja, Svjatyj Duch pochodit ot Otca i Syna. —

“Vira vo pochodžeňe Svjatocho Ducha ot Otca i Syna žila zavse v Christovoj Cerkvi, a takož i vo tym časi, koli proti nej vystupiv Fotij i to tak vo hreckoj, jak i vo rimskoj. Vidko se iz pis'ma hreckoho cisarja L'va Filozofa, jakij vyrazno zaznačuje: **“Svjatyj Duch pochodit tak ot Otca, jak i ot Syna.”**

“Svjaty Otcy peršoho vselenskoho sobora virili takož v pochodžeňe Svjatocho Ducha ot Otca i Syna, bo kažut pro Svjatocho Ducha, čto On: **“Pochod'ačij ot Otca, je vlasnyj Synovi.”**

“A hrecka ta rosijska Cerkov do nyňi vo svoich cerkovnych pisňach nazyvaže Svjatoho Ducha **“Synovym i Otčim.”***)

“A vpročim, o čo chodit? Či Christos na se proľav svojú kŕov, čtoby proľahom dovhich vikov christijany veli bor’bu pro riči, jaki dľa ľudskoho rozumu jě nedostŭpnŭ? Počto hrecka Cerkov upriamo deržitsja nauki, jakoj ne vo siľi dokazati, a jaka protivitsja slovam Svjatoho Pis’ma, starinnij viri hreckoj Cerkvi ta slavi Presvjatoj Trojci?”

“Se pravda” — perervav choryj — “ale počto katoličeska Cerkov zminila Simvol vŭry dodatkom slov: **“i Syna”**?”

Dodatok **“I SYNA”**.

“Se stalosja ne bez přičiny” — odpoviv o. Petro. — “Vo Cerkvi žila zavse vira vo pochodžeňe Svjatoho Ducha ot Otca i Syna, choť ne byla ona vyrazno vyskazana vo Simvoli vŭry. Doperva vo pjamtom vici počali christijany vo Ispanii dodavati slova **“i Syna”**, a to izza toho, čo dechto podnosiv sumňiv pro pochodžeňe Svjatoho Ducha i ot Syna. Z Ispanii perejšov sej dodatok do inšich krajov.”

“Vo roci 808. povstav byv miž hreckimi i latiňskimi monachami, čo žili vo monastyri na Olivňij hori vo Jerusalimi, spor o sej dodatok. Sporjači otneslisja v osej spravi do Papy L’va III-ho. Sej porišiv spravu osobnym pis’mom, vo jakim skazano: **“Vpravd’i i Svjatoe Pis’mo i švjaty Otcy učat, čo Svjatyj Duch pochodit ot Otca i Syna, odnače ne je vkananym dodavati vo Simvoli vŭry slova “i Syna” tomu, čo ne je ony uživany dosi vo zachodnoj Cerkvi, a u schodnoj mohlo by se spričiniti novy spory. Vpročim ne vsjo, vo čo virimo ,treba dokonče mistiti vo Simvoli.”** —

*) Naprimir vo litii na blahoslovenie 5 chľibov, pšenicy, vina i jeleja končitsja molitva simi slovami: **“Jako ty jesi blahoslovľajaj i osvjasčajaj vsjačeskaja Christe Bože naš, i tebi slavu vozsyľajem, so beznačalnym ti (tvoim) OTCEM, i vsesvjatym, blahim, i životvorjasčim ti (tvoim) Duchom... nyňi i prisno, i vo viki vikov. Amiň”** — a siju molitvu i rosijska Cerkov molitsja.

Daľše vo Ned’ľfu Pasehi na blahoslovenie pasehi (chľiba) tak molitsja hrecka i rosijska Cerkov: **“...zasčisčenie Hospodem našim Isus Christom so nebes sošedšim dajusčim život i spasenie mirovi, so toboju (Otcem) živusčim i carstvujusčim VO JEDINSTVI SVJATAHO DUCHA, nyňi i prisno i vo viki vikov. Amiň.”**

Na blahoslovenie paschalnoho ahnea (mjasa) vo druhoj molitvi samo tak dokončajetsja molitva, jak vysše vo blahoslovenii litijuom. —

“Iz seho vychodit, čto vsi virili, čto Svjatyj Duch pochodit ot Otca i Syna, ale Papa ne uvažav potribnym se vyrazno zaznačovat vo Simvolji, bo ničto vyrazno seho ne perečiv.”

“Tak bylo až do Fotija. Sej podnes zakid, čto zachodna Cerkov otpała ot Christovoj viry tomu, čto učit, čto Svjatyj Duch pochodit ot Otca i Syna. Na zakid Fotija otpoviv Papa Svjatyj Nikolaj (jeho i rosijska Cerkov počitaje svjatym): **“Vira vo pochodžeňe Svjatocho Ducha ot Otca i Syna opirajesja na Božom objavlěnu, dodatok “i Syna” ne je zminoju, liš dopovneňem Simvola viry”**.

“Nakolib hrecka Cerkov, jaka spěršu sama virila, vo pochodžeňe Svjatocho Ducha ot Otca i Syna, ne byla vystupila proti sej nauki, katolicka Cerkov ne dodavala by vo Simvolji viry slov “i Syna”, bo po slovam Papy L’va III-ho, ne vsjo musit vyskazovatisja vo Simvolji, vo čto viritsja. Ale koli hrecka Cerkov tak rišučo i bezhladno vystupila protiv nej, musila katolicka Cerkov jasno vyskazati svoju nauku ta pozvoliti na dodatok “iSyna”. Kolib ne Fotij, to vo sej spravi ne bylo by sporu miž schodnoju i zachodnoju Cerkvoju.”

“Či teper’ Vam, brate, stalo jasnym, čomu katolicka Cerkov dodaje slova “iSyna”. —

“Tak” — otpoviv choryj.

“Nakoli tak, to perejd’im do dalšich pod’ij, jaki špřičiniv vorožij vystup Fotija” — prodolžav o. Petro. —

Jednost Cerkvi po Fotiju.

“Pri pomoči svoho pokrovitelja Bardi, sklikav Fotij episkopov, jakim chodilo o carsku lasku, na sobor do Carhoroda i kinuv na Papu Svjatocho Nikolaja klatvu. Do seho ne mav Fotij najmeňšoho prava, bo jak vidno z poperednoho, on sam priznavav Papu Hologovu Cerkvi, a čežje podčinenyj ne može vyključovati z Cerkvi svoho načalnika? Zdavalosja, čto vže nastupiv rozdor miž oboma Cerkvami. Ta ni!”

“Novyj cisar, Vasil, vid’ači, jakich zločinov dopustivsja Fotij, zaslav jeho do monastyrja, a na patriaršij prestol prizvav znova Svjatocho Ihnatija. Čtoby spravu polahoditi ta vyjasniti vsi zakidy, jaki robiv Fotij rimskoj Cerkvi, sklikav Papa Adrijan II-yj vselenskiy sobor do Carhorodu, de priverneno nazad davnu jednost, a samoho Fotija vyključeno z Cerkvi. Se d’ijalosja vo roci 869.” —

“Po smerti Svjataho Ihnatija vdalosja Fotijevi, jakij holosiv, čto on sčiro žaluje za vsi proviny, dostatisja znova na patriaršij prestol. Papa dumajuči, čto Fotij d’ijstno rozkajavsja, dľa svjataho supokoju

potverdiv jeho pod uslovien, čto on príľudno otkliče vsi zakidy, jaki poredše robiv rimskoj Cerkvi. Fotij obicav se zrobiti, ale obitnici ne doderžav. Za se tod'ijšnyj cisar hreckij, Lev VI-yj veliv zaslati jeho do monastyrja, de on marno zhinuv." —

"Takim činom sej peršij boľšij rozdor polahodženo i znova byla jednost' miž Cerkvoju rimskou i hreckoju. Carhorodski patriarchi priznavali rimskoho Papu Holovoju Cerkvi i u vsich važnijšich spravach odnosilisja do neho. Papy potveržovali, jak i pored tym, carhorodskich patriarchov vo ich dostoiňstvi. Tak bylo až do poloviny odinajdesjatoho stolita." —

Jaku viru přiľali Rusiny?

"Vo tím časi, koli Cerkov hrecka byla zjedinenena s Cerkvoju rimskou, přiľali christijansku viru i naši predki, a přiľali jej za velikoho kňazja kiivskoho Svjatocho Volodimira, vo roci 988." —

"Tod'i tak hrecka, jak i rimska Cerkov, byli odnoju Cerkvoju katolickoju i rižnilisja toľko obrjadom. Rus, jaka přiľala viru z Carhorodu, přiľala jej po hreckomu obrjadu i tak samo jak hrecka, priznavala Papu Holovoju Cerkvi. — Tomu to vsi, čto dumajut, čto Rusiny, koli přiľali christiansku viru, přiľali jej tod'i, koli hrecka Cerkov uže byla otorvalasja ot katolickoj Cerkvi, ne znajut so vsim istorii. — Prad'idnoju viroju rus'koho naroda je katolicka vira." —

"Takoju samoju prad'idnoju viroju i dla rosijskoho naroda je takož katolicka vira, bo jak zvisno, vže za časov Svjatocho Volodimira ta Jaroslava rozpovsjudilosja christianstvo i po tych zemľach, na povnoč ot Kiiva, de povstav rosijskij narod."

"Čto naši predki byli katolikami i čto takimi katolikami ostali navit' jakijis' čas po tom, jak hrecka Cerkov otpala ot pravdivoj Christovoj Cerkvi, vidko iz seho, čto stalosja vo polovini odinajdesjatoho stolita vo Carhórod'i." —

Rozdor za Kerularija.

"Vo odinajdcjatom stolitu hrecka deržava vže ne byla tak silnoju, jak byla pored tym. Cisary byli slaby i často lučilosja, čto kilkoch vorochobnikov robilo povstaňe (revoluciu), skidalo z cisarskich prestolov cisarjov i postavľalo svoich. Taku to revoluciju zrobit protiv tod'išňoho hreckoho cisarja jakijis' Michajlo Kerularij. Ta revolucija ne vďalasja. Kerularija zlovleno ta zasudženo na smert'. Ale za nim vstavľalisja vyznačny ľudi i jeho pomilovano, toľko za karu

zrobлено jeho skopom (vyrizanym) i zamkneno do monastyreja. — Z monastyreja vďalosja Keruľarijevi uteči. On zrobiv revoluciju druhij raz i sim razom uďalosja jemu posaditi na cisarskim prestoli svo-
ho pokroviteľa.” —

“Sej vyvd’ačajučisja Keruľarijevi, zloživ z patriaršoho prestola zakonnoho patriarcha, a na jeho misce postaviv patriarchom Keruľarija. — Keruľarij znav na pevno, čo jeho Papa ne potverdit, a to tym bolše, čo on, jak tolko zostav patriarchom, napav na domy svoich vorohov, poubivav ich, a ich žinok ta d’itej zbezčestiv. Tak rozkazuje hreckij istorik Heorhij Kedrin.” —

“Toj sam istorik opovidaje ďalše, čo Keruľarij vlasnymi rukami vylupiv oči svomu dobrod’ijevi, jakij za nim vstavľavsja tod’i, koli jeho po neudatnoj, peršoj revolucii, zasudženo na smert’.” —

“Keruľarij, zostavši patriarchom, pozamykav vo Carhorod’i vsi latinski cerkvi, a Najsvjatijiši Tajny osvjasčeny po latiňskomu obrjadu, podoptav nohami ta oholosiv, čo ne priznaje Papy Holovoju Cerkvi, bo latiňska Cerkov otpala ot pravdivoj Cerkvi Christovoj.”

“Proti rimskoj Cerkvi ne moh podnesti nijakich inšich zakidov, jak liše ti, čo ich podnes byv dvista lit pered tym Fotij, a pro jaki my vže hovorili.”

“Choť ti zakidy byli obhovoreni vže na os’mom vselenskom sobori vo Carhorod’i vo roci 869 i choť samy hrecki episkopy priznavali tod’i, čo oni je sovsim bezosnovny, mimo toho papa Lev IX-yj, vo obširnom piš’mi otpoviv na nich ta vyslav do Carhorodu svoich odporučnikov, čtoby Keruľarija nakloniti do pokineňa bludnoj nauki i do posľuchu zakonnoj vlasti, jakoju je Holova Cerkvi, Papa Rimskij. Hreckij cisar’ prijmiv odporučnikov Papy s povnoju počestu, ale Keruľarij ne choťiv s nimi navit’ hovoriti. Koli vsjaki staraňa poslov ostali bezuspišnymi, tod’i oni vo prisutnosti duchovenstva i naroda, zložili na prestoli Cerkvi Svjatoj Sofii vo Carhorod’i hramotu, jakoju Keruľarija vykľučeno z Cerkvi. Bylo se vo lipňu roka 1054.” —

Otpadeňe hreckoj Cerkvi?

“Ot seho času počinajesja rozdor miž Cerkvoju hreckoju i rimskoju. Hrecka Cerkov kolis’ najkrasša posestra rimskoj, otpala ot pravdivoj Cerkvi Christovoj. Sam Keruľarij skončiv nuždenno, jak i jeho poperednik vo rozdori, Fotij.”

“Otkinuvši vlast’ Papy, choťiv Keruľarij samostojno rjaditi ne liše Cerkvoju, ale i deržavoju. Nosiv cisarski otnaki, buntovav na-

rod proti cisarja, za čto prohnanyj z Carhoroda, pomer bez pokajanja. (vo roci 1059.)” —

“Hrich hordosti, jakij otorvav anhelov ot Boha, to byv hrichom prarodičov, otorvav i hrecku Cerkov ot spolnoho pňa. Ona pokinula skalu Sv. Petra, tverdu, nepochitnu osnovu, a začala šukati sobi osnovy vo ľud’ach, vo hreckich cisarjach, a pozdňijše vo tureckich sultanach. Tymto i podpala ona cilkovito pod svitsku vlast’ tak, čto z toho času rjadat neju ne duchovny načalniki, ne naslidniki Svjatoho Petra, jak se bylo do Kerul’arija, a ľud’i svitski, často nedovirki, a teper’ bisurmeny (turki). Na nij spovnilisja Boži slova: “Vy ne chotili piti z kirnic, čto Ja ich vykopav, a vykopali sobi smerd’acy bajury.” Ne chotila byti hrecka Cerkov na skali, tož opinilasja na milkom pisku — boloči.” —

“Hrecki čisary, dľa jakich vira byla neraz ričeju bajdužnoju, byli vdovoleny, čto patriarchi ne sluchajut Papy, a u vsim povinujutsja im. — Episkopami vybrano takich, jaki vmili znajti sobi lasku u cisara. Narodovi ne hovoreno ničoho pro Papu. On može navit’ ne znay, jak jeho načalniki zaprodavali jeho, jak otorvali jeho ot pravdivoj viry.”

“Na cilom schod’i zapanovala krajna potma. Do jakoho zaslipleňa, skažim navit’ nerozumu, dojšlo vo hreckoj Cerkvi, vidko chot by iz seho, čto hrecka Cerkov takoho Fotija počitaje Svjatym. A čto najdivnijše, čto prjamo mohlo by pobuditi čelovika do smichu, nakoľi ne bylo by tak sumnym, to se, čto i Svjatoho Ihnatija takož počitaje Svjatym. Zabyła hrecka Cerkov na Boži slova: “Čto spolnoho maje s’vitlo s pitmoju?” Jak možna priznavati Svjatym Fotija, koli priznajesja Svjatym toho, kotroho on tak mučiv ta krivdiv. Mučeniekovi i katovi odnakovu otdajut čest’! Mimovoľi prichodit na hadku propovidka: “Koho Boh hoče pokarati, seho zaslipit.” —

Či Rus’ otpala ot katolickoi Cerkvi za Kerul’arija.

— “Otpala hrecka Cerkov ot pravdivoi viry, pokinula žerelo pravdy ta ne otpala z neju, pokičto, ruska Cerkov. Ti samy posly Papy L’va IX-ho, čto vykl’ali Kerul’arija, poichali z Carhoroda do kiivskoho mitropolita Svjatoho Ilariona. Se byv peršyj mitropolit Rusin, čolovik velikoj svjatosti i nauki. Spovistili pravednika pro sumnu pod’iju vo Carhorod’i, a svjatyj Ilarion priňav ich z najbolšoj počestu, čtoby zaznačiti, čto chot’ Carhorod otpav ot pravdivoj Cerkvi, on, jak načalnik hreckoi Cerkvi na Rusi, ostaje virnym apostol’skomu prestolovi. I ostav synom katolickoj Cerkvi, a s nim i ves’ rus’kij narod.

— “Čto Rusiny sčē dovhiĵ čas naležali do pravdivoi Cerkvi Christovoi, vidno takož i zi sľidujučoĵ pod’ii: —

— “Za časov kňazja Izjaslava, stali pohaňski Turki čimraz boľše hroziti Carhorodovi. Pravovirny christijany bojačis’, čtoby moščy Svjatoho O. Nikolaja, čto spočivali vo misti Miry, de on byv archiepiskopom, ne popali vo ruki pohan, perenesli ich do mista Bary vo Italii vo roci 1090. Papa dovidavši sja pro se, veľmi zrad’iv, čto dobry ľudi vratovoli svjaty moščy ot pohanskoho zbezčesčeňa i na sju pamjatku zaviv vo katolickoj Cerkvi svjato: **“Pereneseňe moščij Svjatoho Nikolaja z mista Miry do mista Bary”** — na deň 9-ho maja. Ta hreki ne posluchali Papy bo vže ne vvažali jeho Holovoju Cerkvi, miž tym jak Rusiny duže rado zaveli se svjato u sebe, jake i do nyňi svjatkuje sja u nas. Narod nazyvaje se svjato: **“Teploho Svjatoho Mikoli”**, tomu čto svjatkuje sja jeho vo Maju, koli na dvori vže teplo. Se svjato svjatkuje dosi i rosijska Cerkov. Iz seho najľipše vidko čto ruska Cerkov priznavala toďi Papu Holovoju Cerkvi.”

— “Sčē dovho panovala katolicka Cerkov na Rusi. Ruski kňazy ta kňahiňi žili vo družbi s zachodnymi, katholickimi kňazjami ta korolami, zakľučovali s nimi supruzja, jak d’iti odnoj materi Cerkvi. Rusiny šanovali rimskij obrjad, a latinčiki hreckij, bo odny i druhi znali, čto možna byti najvirnijšym synom katolickoi Cerkvi tak vo odnim, jak i vo druhim obrjad’i.” —

Rozdor na Rusi.

— “Ta zhodom otruja, čto ubila pravdivu viru vo hreckij Cerkvi, stala zachoditi i vo zdorovoe tĵilo rus’ko-katolickoj Cerkvi. —

— “Z Kiĵva, de meškav ruskij mitropolit do Carhorodu duže ne daleko, a sčē i doroha duže ľehka, bo rikoju Dňiprom ta Čornym morem. Tož i ne divota, čto tak Rusiny, jak i Hreki byvali u sebe duže často hostmi. — Na Rusi sčē ne bylo toľko episkopov ta svjasčennikov, koľko ich bylo potreba, prote i často, a navit’ duže často, prichodili z Hrecii episkopy ta svjasčenniki i zasidali na ruskich episkopstvach ta parochiach.”

— “Pravda zostajuči ruskimi episkopami či svjasčennikami, oni zrazu ne priznavali sja do seho, čto ne priznajut Papy Rimskoho Holovoju Cerkvi, ale u svoim serci nosili jid’ nenavisti do Rimu, zasčipľenu sčē vo Carhorod’i. Otsju tu nenavist’ zasčipľovali oni i vo sercjach ruskich svjasčennikov, kňazov, a ottak i naroda, speršu tajno, a

zhodom čímraz javňijše tak, čo tže vo XII-tom stolitu bačimo na mitropoličom ta episkopskich prestolach ľudij, zatroinych Keruľarijevskoju nenavištu suproti Holovi Cerkvi”. —

— “A čtoby i vo narod’i zbuditi jak najbolšu otrazu do Rimu, stali hrecki vyslanniki rozpovsjadnovati pro Papov ta katolicku Cerkov taki riči, čo viritisja ne choče, čo ti, čo sluchali ich, ne prohnali iz svoho kraju tych, čo take hološili.

Podrobl’uvaňe pis’m rus’kich svjatyh.

— “Čtoby ruskij narod viriv ich bajkam ta vydumkam, spisovali Hreki pis’ma ruskich Svjatitelov, jakich narod počitav duže vysoko i jakim viriv u vsim. Bo i chitry byli sii Hreki. Sam Prepodobnyj Nestor, peršyj ruskij litopisec (istorik), monach slavnozvisnoi kievo-pečerskoj Lavry (monastyrja), čo živ z počatku XII-ho stolit’a, piše, čo Hreki lstivy (podstupny) byli”.

— “Tak primirom, jakijš’ “lstivyj” Hrek, čo nazyvavsja Teodozij, napisav pis’mo proti katholickoj Cerkvi, movby to bylo pis’mo Svjatoho Teodozija Pečerskoĥo do kňazja Izaslava. Miž tym Svjatyj Teodozij takoho pis’ma ne pisav. On byv spravd’i velikim Svjatym i peršym ihumenom kiivo-pečerskoĥo monastyrja. On uloživ perše pravilo dla ruskich monachov i byv najvirňijšym synom katolickoj Cerkvi, jakoho ona i počitaje Svjatym”. —

— “A čoho tam vo tym pismi nema proti nenavisnych latiňan ta ta katolickoj Cerkvi? Avtor seho pis’ma, “lstivyj Hrek”, radit kňazevi Izjaslavovi: “Z latiňakami ne brataj sja, ne klaňaj sja im, ne ciluj ich, ne již i ne pij z nimi z odnoi posudi, bo oni žijut nečisto, jid’at z kotami i sobakami, jid’at lvov, dikich konej, psov, udušeninu, stervo, mjaso z medved’a i bobra, a navit’ bobrovyj chvost. Oni ne cilujut ňi svjatyh obrazov ni moščej, a cilujut chrest na zemli” (se naši poklony) i mnoho, mnoho inšich ňišejitnic. Dež taki riči moh pisati Svjatyj Teodozij Pečerskij? A narod viril svojim “lstivym” učitelom i stavav čímraz bolše curatisja latiňan, a s nimi i katholickoj Cerkvi.”

. Čija vira je pravoslavna?

— “A precii Svjatyj Teodozij byv pravoslavnym”, — perervav choryj.

— “Tak, d’ijsno” — promoviv o Petro. — “Svjatyj Teodozij Pečerskij byv d’ijsno pravoslavnym, bo cila katolicka Cerkov je pravoslavna, sebto taka, čo slaviti pravo, viriti pravo (dobro). Precii v našym Bohosluženju vsjuda uživaje sja slova: “pravoslavnyj”. —

— “A čtož my je?” — zapitav choryj.

— “Vy ne je pravoslavny, bo vy ne virite pravo, tak jak my, vy toľko nazývajte sebe pravoslavnymi, bo dumajete, čo majete pravu viru”.

— “A jakžež vy nazývajte nas?” — pitav ďalše choryj.

— “My” — odpoviv O. Petro — “povinný vas nazývati schizmatikami, sebto takimi, čo odorvali sja ot pravdivoi Cerkvi, bo hrecke slovo “**schizma**”, značit tiľko čo “**otorvaňe, rozdor**”.

— “A precin nas učili, čo to vy schizmatiki, bo to vy otorvali sja ot hreckoi Cerkvi” — hovoriv choryj. —

— “N’i brate”, — prodovžav o. Petro — “tak ono ne je. Os’ Vam primir. Ot dereva otlomila sja velika haluz’. Jak Vy skažete? Či haluz’ otorvav sja ot dereva-pňa, či derevo-peň, ot haluzi?”

— “Ta pevno” — pospišiv odpovisti choryj — “čo haluz’ otorvala sja ot dereva-pňa, a ne derevo-peň ot haluzi, bo peň lišiv sja na nus’ci, de stojav perše”.

— “Vy dobre skazali” — hovoriv ďalše o. Petro. — “Čtož otorvav sja, čto zrobiv schizmu vo Cerkvi, čto schizmatik? Či katolicka Cerkov, čo lišilašja na tom samom mistci, pri toj samej nauci, na toj samej skaľi, na jakij zbudovav jeji Christos, či hrecka, čo pošla za naukoju takich ľudej jak Fotij ta Kerularyj?”

— “My povinný vas zavse nazývati schizmatikami, ale os’ ja hovorju z Vami ta ňi razu ne nazvav Vas schizmatikom, a se tomu, čto-by Vam ne zrobiti prikrosti, ne vraziti Vas. My, katoliki, deržime sja toho, čo choť znajeme, čo vaša vira je nepravdivoju, to vse takich tych, čo jeji vyznajut, chočeme ľubiti jak bratov ta ne obražati ich, čto-by ne robiti mež vami a nami sče boľšoho rozdoru. My chočemo, čto-by vsi ľudi stali odnym stadom Christovym, a peredovsim Rusiny, čo žijut vo rosijskim carstvi ta i Rosijany”. —

— “Seho tak duže bažav Spasiteľ, tak horjačo moliv sja o se na posľidnoj večeri. Sja Jeho molitva byla movby zaviščeňem, a Christovy d’iti mali by ne sluchati Jeho? Myž prečiň vsi christijany”!

— “Tomu to ja vašu Cerkov nazývaju abo hreko-rosijskoju, abo korotko, rosijskoju, a hrecku ne zjedinenu z apostolskim prestolom korotko, hreckoju, čto-by otrizniti jeji ot našoi, jaka je hreckoju i katolickoju”.

— “Vaši Otcy duchovny ne dobre, ne po christijanski roblať, koli katolicku Cerkov nazývajuť papišackoju, ňiby tomu, čo ona Papu prižnaje svojim vidimym Holovoju, a našu uže čo najboľše uniatskoju, a zvyčajno zhordno ruteňskoju. — Vašym Otcom duchovnym pre-

ciň, koli oni choťat byti pravdivými učenikami Christovými, povinno takož zaležati na tom, čtoby vsi stali odnym stadom, a taki zhordny prozvisča ne to, čto ne vedut do zhody, a kopajut 'sče bolšu provalinu". —

Či rosijska Cerkov je katolicka?

— "Naša Cerkov je takož katolicka" — promoviv po chvilí choryj.

— "N'i brate", — skazav o. Petro, — "Hrecke slovo "katolicka" značit toľko čto soborna, sebto vsesvitna, a vaša Cerkov ne je sobornoju, choť vy jeji vo Simvoľi viry nazyvajte sobornoju, koli kažete: **"Vo jedinu, svjatoju, sobornuju i apostol'skuju Cerkov"**, Ale vy nazyvajte jeji sobornoju, sebto katolickoju tomu, čto vy majete Simvol viry, jakij uložili Svjatii Otcy Cerkvi na dvoch peršych soborach, vo Nikei i Carhorod'i, značit sja, sče vo tím časi, koli hrecka Cerkov naležala spravd'i do sobornoj, katolickoj Cerkvi. Nyňi ti Cerkvi, čto začisľujut sebe do hreckoj, sebto schodnoj Cerkvi, jak: Hrecka, rosijska, bolharska, rumuňska i inšy, ne je katolickimi, bo každa z nich je Cerkvoju dľa jakohos' naroda, značit sja Cerkvoju narodnoju, rosijska dľa tych, čto naležat do deržavy rosijskoj, hrecka dľa Hrekov, bolharska dľa Bolharov. Niž tym katolicka Cerkov ne je Cerkvoju narodnoju; ona je zarovno dľa Francuzov, N'imcov, Poľakov, Rusinov, Rosijan i dľa vsich inšych Narodov.*)

Či vo hreckij Cerkvi je jednost?

— "T'i Cerkvi, čto začisľajut sebe do hreckoj, ne je z soboju spoľučeny vo odnu, vsesvitnu Cerkov. Kožda z nich maje svoho verchovnoho načalnika, nezavisimoho ot druhich. Na čoli rosijskoj Cerkvi stoit car', na čoli carhorodskoj patriarch, na čoli hreckoj sinod vo Atinach, na čoli bolharskoj, mitropolit i tak u vsich. Primirom, na čoli hreckoj Cerkvi, do jakoj naležat Rusiny i Rumuny na Bukoviňi, stoit černoveckij mitropolit, zovsim nezaležnyj ot nikoho."

"Ot času, koli nastav rozdor za Kerul'arija, schodna Cerkov ne sklikala ni odnoho spoľnoho sobora i ne sklikala jeho nikoli, meždu

*) Tuj vo Americi rosijska Cerkov dala dľa cily Amerikanski Spoľučeny Deržavy zazakonitisja, — začarterovatisja — po anglicki — imenem: **"Russian Orthodox Catholic Church"** —, sebto po ruski: **"Ruska Pravoslavna Katholicka Cerkov"**. — Čtoby mož lechko vsich nas rus'kich, pravoslavnych katolikov polapati. Rosijska Cerkov ne pohanov, ne protestantov navertaje, no pravoslavnych rus'ko-katolikov.

tym jak katolícka Cerkov sklikala ot času Keruřarija až 12 vselen-
ských soborov.”

“**A čomuž schodna Cerkov ne skliče sobora?**” — spytať cikavo
choryj.

“**Bo ne može sklikati**” — odpoviv o. Petro. — “A ne može tomu,
čto meřdu tymi Cerkvami, čto začisľajut sebe do schodnoj Cerkvi,
nema zhody vo nauci.”

“Odin svitskij učenyj, čto zajmavsja religijnymi spravami hre-
ckoj Cerkvi, spytať raz moskovskoho mitropolita Filareta, čto treba
robiti, čtoby oživiti znosiny meřdu Cerkvoju rosijskoju, a materju,
sebtó hreckoju? Na se odpoviv Filaret: “**A im po čto mati znosiny
so soboju?**”

“Hrecka Cerkov, jaka vo svojej hordosti ľubit sebe nazývati ka-
tholíckoju, ostatnymi časami dvyči chořila proholositi anatemu (pro-
klate) na rosijsku Cerkov, značit sja, otlučiti jej ot hreckoj.”

“Car’horodskij patriarch otlučiv ot schodnoj Cerkvi (vo roci 1872)
bolharsku Cerkov, na čto mověki pristali i rosijska Cerkov, choť Cer-
kvi bolharskoj ne uznaje jeretičnoju. Z odnoj storony hoditsja na
se, čtoby bolharsku Cerkov otlučili ot Cerkvi schodnoj, a z druhoj
kaže, čto nema začto jej otklučovati, bo ona ne ješť jeretičnoju. —
Taka to putanina panuje skriz’ meřdu simi Cerkvami, čto začisľujut
sja do hreckoj Cerkvi.”

“Neraz byvaje take, čto se, čto učít odna z nich, perečit druha. —
Os’ Vam primir.”

“Koli kto ješť ľuterskoj viry, choče perejti do Cerkvi rosijskoj,
to ne potribuje nanovo krestitisja, meřdu tym jak hrecka Cerkov ža-
daje, čtoby takij dav okrestitisja druhij raz. — Vo rosijskoj Cerkvi
kresčeňe ľuterskoj Cerkvi ješť važne, a vo hreckoj ňi. I deř ti Cer-
kvi majut znanija (znaki) pravdivoj Cerkvi Christovoj, koli odna iz
nich učít se, čto perečit druha?”

“A vže najbidňiřsoju iz vsich ješť Cerkov Jerusalimska. — Ona
musit hoditi i hreckoj Cerkvi i rosijskoj. Hreckoj tomu, čto pod-
lahaje car’horodskomu patriarchovi, a rosijskoj tomu, čto Rosija da-
je jej uderžaňe. Kolib ne Rosija, to Jerusalimskij Patriarch ne mav
by z čoho žiti.”

“Os’ do čoho dojšľa slavná kolis’to hrecka Cerkov. Rozpalasja na
kol’kodesjat Cerkov, jaki so soboju ne stojat v nijakoj jedností. —
Odna na druhu divitsja z hory, odna druhu posudžuje o jeresi ta
blud’i. Ne možut zojťisja na spolnu radu, jak to robit katolícka
Cerkov, sklikujuči episkopov z ciloho svita, bo ne majut spoľnoj pod-

valiny—kamiña, na jakim zbudovav Christos svoju pravdivu Cerkov, ne uznajut Christovoho Namistnika svojim vidimym Holovoju.”

“A čtož robiti schodnoj Cerkvi?” — zapytav choryj po chvilí movčanki. —

“Vernuti nazad do skaly Svjataho Petra” — odpoviv o. Petro, — “priznati Rimskoho Papu svojim vidimym Holovoju, priznati nauku, jakoj učít katholicka Cerkov i stati znova slavnoju sestroju Rimskoj Cerkvi; zrobiti tak, jak zrobila ruska Cerkov, čto proti vlasnoj volí otvorana ot katholickoj Cerkvi, v konci taki zlučilasja s neju.”

“Koli se stalosja?” — spytav choryj?

“Os’ posluchajte.”

Pričta pro jerichonsku rožu.

“Vo zemlji svjatoj, nad berehom Jordanu jest rostina, čto nazyvajesja jerichoňskoju rožeju. Divna sja Boža rostinka. Ot tak taki na nahoj skali roste ona. Svoimi drobošeňkimi mov volokno korincjami deržiťsja kamiña ta tahne soki potribni jej do žiťa. A jakuju hornuju kraskuju pišajesja ona! S’viža, povna žiťa zeleň tak až manit oko do sebe, a milyj zapach až bje ot nej. I žije sja divna rostina, čot’ horjače sonce až peče z hory.”

“Ale koli povie suchij viter, to neraz otrivaje rostinku ot skaly, a ona zaraz zmiňaje svoj harnyj vid. V očach taki hine jej harna zeleň. Jej korincy sochnut’, cila rostina korčitsja, a viter kidaje neju mov bod’akom. A koli tolko ustane viter, što jej otrovav ot skaly, ona znova lovitsja svojimi korincjami skaly i znova, majže v očach, odživjaje. Nabiraje harnoj, zelenoj kraski i znova tahne do sebe oko podorožnoho. A koli ’sče, za Božuju voleju, vpade do nej kaplja nebesnoj rosy, tod’i jej listočki nabirajut takoho žiťa, a cila ona dychaje takim nižnym zapachom, čto každyj, čto bačit jej musít skazati: “Spravd’i, jaka čudna ta harna otsja Boža rostinka.”

Zmahaňa Unii na Rusi.

“Meňi neraz prichodit na hadku taja Boža rostinka, koli prihoduju sobi istoriju Svjatoj Cerkvi Christovoj, a v osobennosti, istoriju rus’koj Cerkvi.”

“Jakuju harnuju zeleňu pyšalasja ona z samoho počatku, koli deržalasja skali Sv. Petra? Či byv koli narod, jakij by v tak kórotkim časi, tak sčiro priľah do Christovoj viry, jak rus’kij narod? Či žertvovav kotryj narod tolko svojej kervavicy na slavu Božu, jak on? — Tym to i harnym zapachom napovňala ona Božij svit. Ta povijav

suchij viter z poludňa sebtó z Hrecii, jaka otpala ot pravdivoj víry Christovoj, i otvorjav rostinu ot skaly Sv. Petra. I v očach stala ona ind'iti, stratila svoj cvit, zavmerla sovsim."

"Dva razu probovala otsja Boža cvitka chopitisja nazad skaly Sv. Petra."

"Raz za koróľa Danila, za jakoho počinom vernula ruska Cerkov do katolickoj Cerkvi. Ta povijav suchij viter iz schodu, ot Mongolov, jaki zahrozili, čto zrujnut Rus', nakoli ne otlučitsja ot Rimu — i otvorjav rostinku ot rodnoj skaly."

"Druhij raz za kiivskoho mitropolita Izidora, koli to ruska Cerkov, razom s hreckoju, na florentijskim sobori przinala katolicku nauku. Ta i sim razom povijav pohanyj viter z povnoči, z Moskvý, jaka ne chotila spoluki s Rimom ta uvjaznila Izidora i otvorjav jej ot skaly Sv. Petra, zaki 'sče uspila dobre zapustiti koriňe."

Unija na Rusi.

"Až za tretim razom, malo čto bolše, jak trista lit tomu, udalosja rus'kim episkopom vernuti do katolickoj Cerkvi. Zolotymi bukva-mi zapisav rus'kij narod imena tich, čto cileju svoho žita postavili zjedineňe rus'koj Cerkvi s katolickoju. **Stalosja se na sobori vo Berestu** v roci 1596, a imena tich, čto doveršili seho prevažnogo d'ila, suť: Episkop volodimirskij, **Ipatij Potij**, episkop luckij, **Kirilo Terleckij**, mitropoli ktiivskij, **Michajlo Ragoza**, a ottak jeho druhij naslidnik **Josif Veľamim Rutsnij**. Se spravdešni dobrod'ii rus'koho naroda. Borolisja s čužimi, borolisja i so zasľipleňem samych Rusinov."*)

"Ta z nadto dovho kidav viter nesčasnoju rostinoju, z nadto bohato polomiv jej korincov... Choť chopilasja ona rodnoj skaly Sv.

*) Čto by dehto ne moh vam ložno skazati, čto to pišet uniat-katholik, i čto vo Rossii inšak znajut, tut pomistime čast istorii veliko-rossijskoho istorika D. Ilovajskoho. Sija isotria vydana vo Moskvi 1901-ho roka, vo ktoroj knizi na 83-om boku zhadanyj Ilovajski tak pišet za "**Cerkovnu Uniju**":

"Cerkovna unija sostojala v tom, čto by Russkie sochranili svoi obrjady, no priznali Rimskaho Papu hlavoju svojej cerkvi. **N'ikotorye pravoslavnye episkopy i sam kievskij mitropolit Michail Ragoza priňali uniju**; no bolšaja čast duhovenstva s nimi ne sohlašalas'. Vo eto vremja (1596 h.) sobralsja sobor vo horod'i Brest'i. Sjudu sojichalos' mnoho duhovnyh i svitskich lie; no oni totčas razd'ililis' na d'vi storony, pravoslavnuju i uniatskuju." —

Petra, ta ne mohla otrazu zažiti davnym, svetlym žižem, až doki ne vpala na nej kapľa nebesnoj rosy.

Svjatyj Svjasčenučenik Josafat.

“A seju kupleju nebesnoj rosy, čo vpala na zavmerlu rostinku, — rus’ku Cerkov — byla krov svjataho Svjasčenučenika Josafata Kunzeviča, polockoho Archiepiskopa.”

“Čija?” — spytať choryj. — “Seho, dušechvata?”

“Tak! Jeho!” — hovoriť ďalšie o. Petro. — “Vy nazývate jeho dušechvatom. On byv spravd’i dušechvatom, ale takich dušechvatov daj Bože, čtoby jak najboľšie bylo na sviti. On spravd’i “chvatať”, sebto zabirav duši, ale zabirav ich dľa Boha, do pravdivoj Cerkvi. On išov za prikazom Spasiteľa, jakij veľiv apostolam “loviti” duši do nebesneho carstva. Chiba ne kazav Christos do Sv. Petra, čo zrobit ejho lovcem ľudij? Takimi “dušechvatami” byli vsi apostoly, takimi byli i vsi svjaty Otcy Cerkvi. Abož Sv. Hrihorij Bohoslov, koli zostav car’horodskim Episkopom, de majže vsi Cerkvi byli vo rukach Arian, ne chodiv po chatach, ne loviv duš dľa Christa? A sv. Josafat byv precii takož episkopom, takož naslednikom apostolov. Prizvisče “dušechvata”, jake ne uvažajete zhordnym, jest dľa neho najvyššim priznaňem i on ne byv by spravdešnym episkopom, nakoli by seho ne robiv.”

“No, tak” — perervav, vže trochi lahodňiše, choryj, — “ale Josafat robiv podstupom, nasiľno.”

“Podstupom?” — prodovžav o. Petro. — “Jakim? Chiba molitva jest podstupom? Zahľajte vo istoriju jeho žita, a pobačite, čo podstupom i siloju byla molitva. Vo molitvi mav on rozradu s’če v d’itočim vici, molitvoju borovsja proti pokus v molodečim, molitvoju kripivsja, živ, koli stav monachom, a opisla i episkopom. — Koľko to razov zastavali jeho na molitvi v monastyrskoj kelii tod’i, koli cilyj monastyr spočivav hlubokim snom? S’vidkom jeho horjačich molitv bylo i monastyrskie kladbisče, de jeho neraz na pov zamrzloho znachodili v noči vo molitvi. Jemu za malo bylo monastyrskich molitv, po pravilu Sv. Vasilija Velikoho, on čuv, čo jeho duša musiti mohutnišim letom znestisja do Boha, čím inši, to čo ona potrebuje boľšie duchovneho kormu, čím druhi.”

“A čo skažete, brate, pro se, čo stverdilo prisjahoju bohato s’vidkov, jak Sv. Josafat neraz do živoho bičovav svoje tělo tak, čo zemľa dovkoľa červoniła kapľami teplej krovi. Chiba se takož podstup?”

“A tvrda volosinnica, jaku nosiv na holom tili, a lancuch, jakij

jemu tak vydavsja v tilo, čo on neraz umlivav z boľu, či se takož podstup?”

“Ot simi to sposobami umiv Sv. Josafat tak podnesti svoju dušu do Boha; zd’ilati jej takim chramom Sv. Ducha, vyjedňati dľa nej tolki lask, čo spravd’i on bohato duš naveruv do pravdivoj Cerkvi Christa, među jakimi bylo čimalo naverneň, jaki musime nazvati čudesnymi. — Vsi, čo znali jeho, prijateli i vorohi, bačili, čo on spravd’i byv Božim čelovikom. On u svoju apostolsku prácu umiv vliti christianskoj ľubovi, čo vorohi musili priznati, čo Cerkov, jakoj on služiv, musit byti pravdivoju Cerkvoju Christa i tomu išli za jeho holosom, jak ovce, čo iduť za holosom dobroho pastyrja.”

“Druhim sposobom, jakim Sv. Josafat zjednovav duši dľa Boha, ta navertav nezjedinenych christian do katolickej Cerkvi, byla jeho propovid’. On propovidav Bože slovo vsjuda. Propovidav vo Cerkvi, propovidav na dorozii, propovidav na misti ľud’am, čo prijzdili na torh, propovidav tovarišam, s jakimi odbyvav podorož. A propovidav tak, čo ľudi zabyvali pro vsjo i tolpmi spišili, koli tolko doznalisja, čo Sv. Josafat bude propovidovati.”

“A znajete, čomu tak sluchali jeho? Tomu, čo on holosiv pravdu, ne ľudsku, a Božu, a holosiv jej svjatymi ustami, jaki nikoli ne dopuskalisja loži. Znali pro se vorohi, znali pro se nesčasny Rusiny, jaki ne byli zjedineny s katolickej Cerkvoju i robili vsjaki zachody, čto by jeho pritahnuti do sebe. “My jeho ozolotili by — kazali oni — my pili by vodu, v jakoj on nohi myje, kolib on tolko schotiv byti našim.” Ta ne moh Sv. Josafat stati ich, bo byv sluhoju Pravdy, a Pravda tolko v katolickej Cerkvi.”

“Sče odin sposob mav Sv. Josafat, jakim loviv duši dľa Christa, a byla nim Sv. spovid’. Spovidav ne lišeň v monastyri, i to v každym časi dňa i noči, ale vsjuda, de liš kto zholosivsja. — Nikoli nikomu ne otmoviv jej, a kolko razov so slezami v očach prosiv o nej. Dľa spovidi kidav vsjo, bo znav, čo nihde tak sčiro ne otvirajesja duša čelovika, jak v Tajňi Pokajanijsja.”

“On ne zvažovav sja nikoli tym, čo neraz ti, do jakich serdec promovľav, v peršoj chvíli poslednymi slovami bezčestili jeho, trovili psami, z chaty prohaňali, bo jeho svjata duša počuvala, čo oni taki piduť za jeho holosom. I jeho počuvaňa zd’ijsnovalisja duže skoro. T’i, čo tvorili jeho psami i prohaňali iz svoich chat, prosvičeny čudesnym svitlom Božoj laski, samy prichodili do neho.”

“A robiv se Sv. Josafat ne dľa korysti, ne dľa slavy. Vsjo, čo mav, rozdavav među bidnych. — Koli zostav episkopom, ne nosiv

inšoj odeži, jak taku, jak nosili vsi monachi. Lučilosja, čto odin iz navernenych kupiv Sv. Josafatu kožuch, znajuči pro jeho slabe zdorovle. Ta ne nosiv jeho Svjatitel', a kazav z neho porobiti šapki dla monachov."

"Se byv spravdešnyj pastyr, čto išov šukati svoich ovec tam, de najboljša hrozila im nebespeka. Jeho vorohi bačili, čto 'sče kolka fit takoj apostoľskoj pracy, a cila Rus' stane katolickoju i tomu starali sja vsjakimi sposobami ottahnuti jeho ot nej."

"Speršu obicovali jemu dostoinstva, ta dostatki ta vskori poznali, čto sim ne zvedut Pravednika z jeho dorohi. — Ottak hrozili jemu smertu, ale i seho ne takavsja Svjatitel'. On ždav na smert', on pročuvav jej."

"Koli vyjizdiv do mista Vitebska, čtoby privernuti tam katolicku viru, chotili prijateli otmoviti jeho ot sej podoroži, bo znali, čto vorohi zrobili zahovor na jeho žite, ale Sv. Josafat ne davsja otvesti. On skazav: "Ja ne bojusja smerti. Choču umerti, čtoby žiti s Christom." Prasčajučisja so svojimi sluhami, kotry so slezami v očach prosili jeho, čtoby ostav v Polocku, a ne jichav do Vitebska, skazav Svjatitel': "Ja znaju, po čto idu. Mene žde smert', ale ja z radostu idu naproti jej."

"Čiž ne išov Sv. Josafat slidom Isusa Christa, kotryj dobrovolno išov na strašnu smert'? Či ne tak robili Apostoly, čto išli propovidovati Sv. Viru sereď pohaňskich narodov, choť znali, čto ich žde strašna, mučeniča smert'?"

"Koli Isus Christos kolko dňov pered svojimi mukami vjizdiv do Jerusalimu, toppy naroda vitali Jeho s'pivom: "Osanna Synu Davidov", bo bačili, čto On Mesija, bo bačili čuda, jaki On tvoriv. Ale toj sam narod za kolka dňov podburenij farisejami ta knižnikami, kričav na podvorju Pilata: "Raspni, raspni Jeho!" — Koli Sv. Josafat prijichav do Vitebska, tod'i meškancy Vitebska i to tak katoliki, jak i nezjedineny, tovpami spišili do neho, čtoby on rozsuzďovav ich spory, bo znali, čto on Pravednik, čto jeho sud zavse byv spravdivij. Ale toj sam narod podburenij vorohami katolickoj Cerkvi, za kolka dňov napav na palatu episkopa i v strašnyj sposob zamordovali jeho." —

"Ne za se rozpjali židy Christa, movby On zrobiv čto zloho, a za se, čto holosiv Božu pravdu. I Sv. Josafata zamordovali ne za se, movby on čto zloho zapod'iv komu, a za se, čto holosiv nauku katolickoj Cerkvi."

"Poslidnyj večar pered svojeju smertu pereviv Sv. Josafat v to-

varistvi svojich najblížšich. Jeho posledná večera podobaje zovsim na poslednú večeru, jaku spoživ Božestvennyj Spasiteľ zi svojimi apostolami. Jak Christos ukriplav svojich učeníkov, napomínajúci ich, čtoby ne bojalisja, bo nebezpeka hroziť tolko Jemu, tak i Sv. Josafat rozmovlav o svojej smerti tak sčiro i otverto, čo prisutnyj pri večeri dijakon Dorotej, prosiv jeho, čtoby perestav hovoriť pro svoj koniec. Na se skazav Svjatiteľ: “Čto v tím divnoho, čo choču smerti za Christa, za katolícku viru?”

“Poslednu noč pereviv Sv. Josafat v molitvi, jak Christos v Olivny mhorod’i. Starec Tifan, kotroho Sv. Josafat deržav pri sobi, bačiv, jak Svjatiteľ dovho-dovho v noči ležav chrestom na zemli i molivsja. Bačiv, jak risni slezy plivali po Jeho lici, jak on, sčesej poslednoj noči, strašno bičovav svoje tělo. Naočny svidki stverdili prisjahaju, čo sej noči nadzemska jasnosť stojala nad domom episkopa.

“Koli na druhij deň rozbojníci vderlisja do komnaty episkopa, vyjšov Svjatiteľ proti nich, jak kolis’ Christos naproti toppy, jaku provadiv Juda, i skazav: “Boh s vami moi d’iti. Čoho znuščajete sja nad moimi sluchami? Čto oni vam vinny? Nakoli majete čo proti mene, os’ ja. Lišit v supokoju moich sluh, ne vbivajte ich.” A koli toppa na sii slova Svjatiteľa pristanula, jak kolis’ toppa Judy pered Christom, tod’i z druhoj komnaty vpalo koľkoch nižich rozbojnikav, a odin z nich sokiroju udariv v holovu Svjatiteľa. Za jeho primiom pošli inši, zavdajuči raz po raz novy rany.

“Posledny slova Svjatiteľa byli: “O Bože moj!” Sčese raz vernuli katy do ležačoho na zemli těla Svjatiteľa i dvoma kuľami doversili strašneho d’ila. Do jakoho z’virstva doveli katy, vidko choťby iz seho, čo po zamordovaňu Svjatiteľa vbili psa, počali na kusni i kinuli na jeho tělo.

“Jak kolis židy znuščalisja nad rozpjatym Christom, tak ubijcy Sv. Josafata znuščalisja nad jeho tělom. Odná žonka, čo vyryvala vološe z borody Svjatiteľa, oslípla na miski i do konca žiťa oplakovala svoj zločin.

“Vchvíli strašneho ubijstva stojala nad domom Svjatiteľa čorna chmara, a jasnyj promin sonca, čo prodiravsja kriz’ nej, padav na jeho mertve tělo. Se stverdili čislenny svidki toržestvennymi prisjahami.” —

“V konci vzjali katy tělo Svjatiteľa, privjazali do neho jeho volosinnicu napovnnenu kamiňem i kinuli z hory. I znova stalasja čudesna rič. Choť z vysokoj hory skotilosja tělo Svjatiteľa razom s kamiňem, ostalo cile i nepokaličene. Tod’i kiľkoch ľudij vzjalo tělo na

čovno, poplyli na riku Dvinu i privjazavši velikij kamiň do šiji Svjatiteľa, vkinuli jeho v veliku hlubiň, čo nazývalasja: "Svjata studňa". V toj chvíli opovidaje naočnýj svidok, pobačeno svitľanyj stovp, a v nim považnu stat', čo zojšla v vodu. Za chvíľu vyplylo tilo Mučenika. Pereľakany sim čudom katy vtikli.

Tak jak kolis' židy, choť bačili čuda' čo d'ijalisja po smerti Spasiteľa, ne navernulisja, tak i si katy, choť bačili čudo, vernuli nazad i nanovo zatopili tilo Svjatiteľa. Bylo se 12-ho padolista 1623. roku. Dňa 17-ho padolista pobačeno svitlo nad vodoju i tam znajdeno tilo Sv. Josafata, choť čerez pjať dňov darmo šukali za nim. Odin z najbolšich vorohov Sv. Josafata, radnik mista Vitebska, Chodiha, čo bačiv na vlasny oči čuda, jaki d'ijalisja pri smerti Svjatiteľa, do tyžňa navernuvsja i priňav katolicku viru.

"Koli tilo Svjatiteľa vystavleno v cerkvi Sv. Michaila, tod'i vsji meškanci Vitebska odnymi ustami slavili jeho svjatost'. — Katholiki slavili jeho d'ila, nezjedeneny molilisja, plakali i proklinali tych, čo ubili jeho, protestanty prijšli z svojim pastorom, jakij choťiv navit' nesti domovinu Svjatocho. Navit' židy slavili svjatost' jeho žita i pritudno hovorili, čo se pravdive čudo, čo tilo Svjatiteľa ne psuvalosja.

"Iz toho času mnohimi čudami proslavilisja mosčy Svjatocho. Ne čas rozkazuvati pro nich. Nakoli chočete pro nich znati, pročitajte knižočku p. z.: "Žite Sv. Josafata".

"V rok pozdňiši otbyvsja sud nad ubijnikami Sv. Josafata. Vsi svidki zoznali pod prisjahoju, čo Sv. Josafat nikoli ňikomu ne zapod'ijav ni najmeňšoj krivdy i čo ubili jeho toľko tomu, čo byv virnym pastyrem katolickoj Cerkvi. Miž svidkami byli i nezjedeneny, z kotrych ni odin ne zoznav ničoho zloho na Svjatiteľa. Odnoholosno zoznavali, čo Sv. Josafat byv episkopom, jakij z apostofskoju revnostu sterih svoich ovec, čo nad vsjo ciniv i ľubiv svjatyj, hreckij obrjad, čo ne pozvolav ničoho v nim zmiňati, to čo vbili jeho z namovy Silvestra, vyslannika nezjediennoho episkopa Smotrickoho. —

Naverneňe Meletija Smotrickoho.

"Čto za Smotrickij?" — pererval choryj. — "Či može Meletij Smotrickij?"

"Tak, toj sam" — otpovidav o. Petro. — "On byv najbolšim vorohom Sv. Josafata i katolickoj Cerkvi. On to podburiv narod proti Svjatiteľa. Ta tut sklalasja čudna pod'ija. Sv. Josafat otvd'ačilsja Smotrickomu za se, čo on pridbav jemu vinec mučenika. Smotrickij, najbolšij voroh katolickoj Cerkvi, v koľka lit pozňijše, stav

katholikom i umer jak najlipšij syn katolickoj Cerkvi, oplakujuči sčiro svoj hrich.”

“Krov Sv. Josafata byla toju nebesnoju rosoju, čo vpala na rusku Cerkov. Vsi poznali, čo Cerkov, jaka vydaje takich ludej, musit byti Cerkvoju Christa. Katholicka Cerkov po hreckomu obrjadu, stala čimraz bolše rozširjatisja na Rusi.

“Zahaľnyj holos domahavsja, čto by Cerkov počislila Sv. Josafata meždu Svjatyč. V roci 1628. zjichalasja komisija zložena z episkopov, jaka peresluchala pod prisjahoju 116 svidkov. Zoznavali katoliki, nezjedineny Rusiny, protestanty i židy. Vsi odnoholosno slavili svjatost Sv. Josafata. Dobyli mosči Svjatocho i na velikij podiv vsich, perekonalisja, čo oni ostali dosi netlinnymi. Ves' narod kinuvsja do domoviny Svjatocho i z tysjačok hrudej linula molitva do Sv. Mučenika. Narod uznav jeho Svjatym, sče zaki oholosila se Cerkov. Čislenny čuda, čo dijalisja pri hrobi Svjatitefa, pronesli višt pro jeho svjatost po cilom sviťi.

“Dňa 16. maja 1643. r. papa Urban VIII. po perevedeňu jak najtočnijšich dopytov, vydav pis'mo, v jakim Sv. Josafata oholosiv Blaženym, a vo osemnadcjať sotok lit po smerti Sv. Apostola Petra, dňa 29. červňa 1867. roku, papa Pij IX. začisliv jeho meždu Svjatyč, priznajuči na svjatkovaňe jeho pamjati deň 12-ho padolista.

“Tak Sv. Unija zrošena krovju Sv. Svjasčennomučenika Josafata, stala čimraz biľše razpovsjudnovatisja meždu ruskim narodom, a majuči v ňim mohučoho zastupnika pred prestolom Božim jest pevná, čo i sily pekla ne peremožut jej.” —

Doľa hreko-katolickoj Cerkvi v Rosii.

“A čomuž teper' nema vašoj viry v Rosii?” — pospitav choryj. — **“Preciň ruski zemľi perejšli pod rosijske panovaňe.”**

“Tak, spravd'i, najbolša časť ruskich zemel jest nyňi pod panovaňem rosijskoho car'a” — hovoriv ďalše o. Petro — “a v tych zemľach ni sľidu davnoj, katolickoj viry po hreckomu obrjadu. **T'ažko** hovorit' pro se; bo čelovika serce bolit zhaduvati po ti zli dňi, jaki vyterpiv ruskij narod, a s nim i hreko-katholicka Cerkov ot rosijskich carej. Ta koli pitajete, ja rozkažu choť kil'koma slovami.”

“Koho Boh navidit, seho i navisčuje riznymi nesčastami” — kaže naša narodna pripovidka. Terpiv Božestvennyj Spasiteľ ot svoich i ot čužich, a Boh pozvoliv, čto by cile more ľudskoj zloby ta ne navisti vyľalisja na Neho. I Sv. Unija terpila i terpit ot svoich, i ot

čužich, a Boh v bezkonečnoj svojej premudrosti dopuskaje se. — Čomu?

“A kto može zbahnuti nedostižimy stežki Božoho Provid'ňa? Nepoňatny oni v žitu poodinokich ľudej, a čož hovoriti o žitu ciloho naroda? Terpili Sv. Mučeniki, a ich krov byla nasiňem, z jakoho vyrostali novy polki borcov za Christovu viru; terpila Sv. Unija, a jej terpiňa rovnož ne možut ošati bez uspichev. — Kto znaje, či z členov hreko-katholickoj Cerkvi ne vyjduť borcy, čo pronesut sviťlo pravdivoj viry meždu christijanski narody, jaki ne suť zjedineny so svjatoju, katholickoju Cerkvoju? My virime, čo hreko-katholicka Cerkov spovnit velike zavdaňe i čo čerez ňu sd'ijsňatsja slova Božestvennoho Spasiteľa, čo přijde čas, koli vsi christiany stanut odnym stadom, a na ich čoli odin Pastyr, Svjatišij Otec, — papa rimskij. —

“Po smerti Sv. Josafata rozhorilisja strašny vojny, v jakich časť ruskich zemel', tych čo ležat po ľivom boci Dňipra, razom s Kiivom perejšla pod panovaňe moskovskich carej. — Tut zdavleno hreko-katholicku viru do nasčadku. Moskovskim carjam bylo duže ne na ruku, čtoby Rusiny byli katolikami, a do toho sče i hreckoho obrjadu. Car' Petro Velikij stremiv do toho, čtoby stati samoderžavcem ne lišeň vo deržavi, ale i v Cerkvi. On to peršij postaviv sebe na čoli rosijskoj Cerkvi, a katolikov hreckoho obrjadu, sebtu Rusinov, siloju pereviv na schizmu.”

Rozvoj hreko-katholickoj Cerkvi v Poľšči.

“V tych ruskich zemľach, čo sče ostalisja pri Poľšči, rozvivajalsja Unija pri Božoj pomoči duže harno. Vsi ruski episkopy, z vyimkom odnoho, pristupili do katholickoj Cerkvi hreckoho obrjadu, choť poľskij rjad obchodivsja s Rusinami katolikami horše jak mačocha s čužimi d'itmi.

“Voroži našoj sv. viry holosjat, movby to Unija sered ruskoho narodu, byla robotoju poľskich politikov to čo oni robili se na zlost Moskaľam. Ale každyj, čo choť trocha znaje istoriju ruskoj Cerkvi, musit priznati, čo poľskij rjad nikoli hreko-katolikam ne priznav tych prav, jaki mali v Poľšči rimo-katoliki. Pravda, byli poľski koroli, čo sprinjali Unii, ale poľska šľachta, jaka rjadila v Poľšči, rado byla by zmela Uniju z lica zemli. Byvali navit' časy, de poľskij rjad popirav schizmu proti Unii.—

“Ta najhorše na tym vyjšla sama Poľšča. Koli by poľskij rjad byv priznav Rusinam-katolikam povny prava, a jak neraz upomi-

naljsja dľa nich rimskii papy, to Poľsća byla by stojala do nyňi. — A tak vpala Poľsća, a najboľša časť ruskich zemel', tych, čo ležat po pravom boci Dňipra, Pravoberežna Ukraina, Podiľe; časť Voliňa, Poľise, Biła Rus' perejšli pod rosijske panovaňe." —

Honeňe hreko-katholickoj Cerkvi v Rosii.

"Tut povtorilosja to same, čo s ruskimi zemľami, jaki ležat po livym boci Dňipra. Carica Katerina znesla hreko-katholicku jerarchiju, polišajuči liš odno episkopstvo, a na misce hreko-katholickich episkopov postavila vsjudi episkopov rosijskich, nezjedinenych. Otak poznosila vsi hreko-katholicki monastyri OO. Vasilijan to 9,000 hreko-katholickich parochij.

"Car Nikolaj I. pošov sľidom caricy Kateriny i do ostanku zniščiv hreko-katholicku Cerkov na ruskich zemľach. Pri katholickoj Cerkvi hreckoho obrjadu, ostalasja liš odna diecezija Cholmska, jaka bohato pozňijše perejšla pod rosijske panovaňe, čím inši ruski zemľi. Ta i jej ne pošćadila ruka rosijskich carej.

"Car Aleksander II. byv tym, čo v cholmskej diecezii siloju zniščiv hreko-katholicku Cerkov. Šće žijut svidki tych nasiľstv, jakich dopuskalosja rosijske praviteľstvo nad hreko-katholickim naseleněm cholmskej diecezii, a istorija nazyvaje ti časy, časami Nerona devjatanadćjatoho stolťa.

"Na najspokojňijšich ľudej noćiju napadali žandarmy i zakovovali v kajdany najvirňijšich synov katholickoj Cerkvi za to toľko, čo oni ne chotili pokinuti svojej batkovskej, katholickoj viry ta vyvozili ich v daleki kraji rosijskej deržavy, de i vistka pro nich propadala. A koli hreko-katholicka hromada ne chotila prijmiti rosijskoho svjasćennika, tod'i bağnet ta karabinova kuľa rosijskoho vojaka robili svoje. Kladovisća kolo cerkvej neraz červonili krovoju nevinnych žertv, jaki tym toľko provinilsja, čo chotili byti katolikami. Kolko to hreko-katholickich svjasćennikov vyvezeno tod'i v hlubinu Rosii, a kolko z nich musilo vydati rodnu ta utikati. — Do našoj Haličiny utiklo povereh simdesjat svjasćennikov cholmskej diecezii. Bohato z nich žije šće, bo se kervave peresľiduvaňe hreko-katolikov rosijskim, bud' čo bud', vse taki christijanskim praviteľstvom, zbylosja ne davňijše, jak sorok ľit tomu nazad. —

"Ne choću boľše hovorit pro se, bo znaju, čo i Vam, jak Rosijaninovi, soromno ta boľučo, čo rosijske praviteľstvo vo svojej nena-
vist i do katholickoj Cerkvi, mohlo zajti tak daleko, čo ne vahalosja

kazati strýlati navíť do žinok ta d'ítej, **ZA TO TOL'KO, ČTO ONI BYLI VIRNY HREKO-KATHOLICKOJ CERKVI. —**

“Tak upala hreko-katholicka Cerkov v Rosii. Upala pod naporom sily, jak padali Sv. Mučeniki! Nyňi uderžalasja hreko-katholicka Cerkov toľko v Haličiňi ta povnočnych Uhrach.

Rusiny hreko-katholiki v Americi.

“V posľidnych rokach bohato Rusinov pereselilosja do Ameriki, de je koľko desjať (160) hreko-katholickich ruskich parochij. Ta i tut ne daje supokoju rosijskij rjad ispovidnikam hreko-katholickoj viry, a posylaje platnych ľudej, čo starajutsja vsjakimi nečestnymi sposobami namoviti hreko-katholikov do toho, čtoby pokinuli svoju viru. Ale milosernyj Boh ne opustit svoich virnych synov. —

Preosvjasčennyj Soter Ortinskij.

“Pjať lit tomu imenovav Svjatišij Otec hreko-katholickoho Episkopa dľa amerikanskich Rusinov, čo poselilisja v Spolučenych Deržavach povnočnoj Ameriki. Je nim Preosvjasčennyj Soter Stefan Ortinskij, čelovik, čo svojeju revnostu nahaduje tych Svjatitelej katholickoj Cerkvi, čo ni odnoj chvíľi ne nadumovalisja, koli prihodilosja odati navíť žíte v oboroňi svjatoj viry ta povirennoho sobi stada. T'ažka jeho praca, tak težka, čo sud'ači po ľudski, perechodit sily čelovika, ale vira ta oduševleňe dľa Božoj spravy, se taka sila, čo zmože poboroti vsi perepony, jaki kidaje jemu pod nohi, či to ľudska zloba, či pekelňi vorota. **Vs'i Rusiny hreko-katholiki po sim i po tim boci okeana, hľad'at na neho, jak na muža Božoho Provid'ňa, a klevety, jakimi obkidajut jeho vorohi katholickoj Cerkvi ta rus'koh onarodu, ne polišajut ni najmeňšoj tyny na jeho čistom charakteri ta ne v sili ni na chvíľu zachitati viry v neho. My virime, čo On, jak odin z najľipšich synov katholickoj Cerkvi, žertvuje vsjo, čtoby bidnych, ruskich pereselencev sered bezľičy rožnych religijnych sekt, uderžati pri batkovskoj, katholickoj viry, a jak najvirnišij syn ruskoho naroda, privjazanyj cilym svoim jestvom do hreckoho obrjadu, ne dopustit, čtoby jemu stalasja jaka nebud' krivda. —** Sju jeho apostol'sku revnosť vidko iz pastyr'skoho poslanija, jake on napisav do svoich virnych, jak toľko pribyv do Ameriki, a ti čo znajut jeho lično, suť perekonany, čo ot episkopskoj pracy zmože jeho otortvati chiba odna smetr. **On cilyj pošvjativsja katholickoj Cerkvi**

ta ruskomu narodu i nema u neho inšoj cili, jak spovniti voľu Christi, čo poklikav jeho na se trudne, a prevažne stanovisče.*)"

Ta ne vsi Rusiny katolíki, čo pereselilisja do Ameriki, naležat do diecezii Preosvjasčennoho Sotera. Čimalo ich rozkinenych po bezmežnych prostorach Canady.**)

"Do tych pereselencov jizdiv dva roki tomu Preosvjasčennyj Mitropolit Andrej Šeptickij, čtoby na misci perekonatisja, jak im živesja.

Mitropolit Andrej Šeptickij.

"Pro vašoho mitropolita čuv ja bohato" — perervav choryj. — "Maje se byti poľskij graf, čo choče vsich Rusinov perevesti na latinskij obrjad i zrobiti z nich Poľakov."

Počuvši taki slova, zadumavsja na chvíľu o. Petro, a vkinci skazav: "D'ijsno, divuvatisja naležit ľudskoj zlobi, jaka z biloho potrafit zrobiti čorne. Mene menšie divovalo by, nakoli by vy skazali, čo ja Rusin z d'ila-prad'ida, je vorohom ruskoho narodu i choču opoľáčiti vsich Rusinov, jak koli čuju, čo vy se hovorite pro našoho mitropolita. Ono tak samo, jak by kto skazav pro ľikara, jakij robit vsjo, čtoby pomoči nedužnomu, čo on je jeho vorohom."

"Naš mitropolit pochodit spravd'i iz starinnoho rodu grafov Šeptickich, ale čiž se naležit jemu vmiňati v zlo? Chibaž v Christovej Cerkvi malo Svjatiteľov, jaki svoi rody vovodili ne ot grafov, ale ot kňazov, koroľov, ta c'isarov? A precii svit ne to čo ne osužduje ich za se, a s najboľšim podivom i pošanoju klonit pered nimi svoju holovu. Čiž se ne je dokazom osobennoj Božoj laski, koli molodyj čelovik, pochod'ačij z starinnoho, bohatoho rodu grafov, končit naj-

*) Sija kniha pisana 1912-ho roku i čo za Episkopa Preosvjasčennoho Sotera pisav, majže proročeskim predviďiňem, — vypolnilosja. Peršij ruskij Episkop vo Ameriki dostal ot Rimskoho Prestola polnu vlast', nedorozuminia zlahodilisja, to uže dokazano, čo Episkop "privjazanyj cilym svojim jestvom do hreckoho obrjada, i ne liš ne dopustiv, čtoby jemu stalasja jaka nebud' krivda", no zachraniv i rozvije vsju krasotu seho obrjada, — takže dokazavsja byti "najvirnijšim synom ruskoho naroda" — i prijdet neodovha čas, čo i vo narodnom dviženju zrozumľat jeho i ti, jaki za jeho ruskost' jesče i dnes napadajut jeho. — Jedno bizovno uže, že do istorii rus'koho naroda i greko-katolíckoj cerkvi Preosvjasčennyj Episkop Ortinskij zapisav imja svoje neuvjadajemyi svoimi d'ílami. —

**) Uže dnes i braťa Rusiny greko katolíki v Kanad'i majut svojeho rus'koho Episkopa, Preosvjasčennoho Nikitu Budku. —

vyšši školy, skladaje trojaki strohi ispyty, oderžuje potrijnyj doktorat, sebto potrijnyj titul učenoho čelovika, a ottak vyrikajesja svitloj budúcnosti, jaku moh osjahnuti, i jak potomok starinnoho rodu i jak pravdivo učennyj čelovik, vstupuje do b'idneho monastyra oo. Vasilian i na rovni s vsimi inšimi, podčiňuje svoju voľu nastojateľu monastyra, jakij daleko ne dorivňuje jemu ni rodom, ni može znaňem?"

"A čto skažete pro se, čto sej molodec stav ne tolki monachom, ale monachom takim, jakij strohostu žita perevyššiv vsich svoich tovaryšiv-monachov?"

"A takim molodym, učenyj čelovikom, takim monachom stav Andrej Šeptickij, teperišnyj naš mitropolit."

"Zostavši mitropolitom on v ničim ne zminiv svoho monašoho sposobu žita. Ta sama monaša rjasa, čto vkryvala tilo b'idneho monacha, od'ivaje nyňi kňazja ruskoj Cerkvi. Tu samu prostu, nevybahlivu stravu, a duže často 'sče prostijšu i meňše vybahlivu, jaku jiv monach Andrej, jist nyňi halickij mitropolit. Sče horše jak za monašich časov, mertvit on svoje tilo, a praci dvihaje v desjatero bolše. Os' vam obraz našoho mitropolita."

"Dotyčno seho, čto vy kažete, čto naš Mitropolit pochodit z pol'skoho rodu, to mušu spraviti vašu v tym naprjami chibnu hadku. Rod grafov Šeptickich je starinnym rus'kim, a nie pol'skim rodom. Na dokaz naj poslužit se, čto z rodu Šeptickich bylo čimalo takich, čto duže zaslužilisja dľa rus'koj Cerkvi i narodu. Dosyť zhadati pro mitropolitov Varlaama Šeptickoho, Atanasija Šeptickoho i L'va Šeptickoho, čto upravľali rus'koju Cerkvoju v XVIII. stolitu. Jakij žež se pol'skij rod, koli z neho byli rus'ki mitropolity?"

"Tut mušu sče zaznačiti, čto rod Šeptickich zavsjudy vyznačav-sja velikoju ľubovju do rus'koj literatury i čimalo knižok zavd'ačuje rus'kij narod jakraz ich trudem i opici. Sju ľubov do rus'koho pis'menstva, sju pošanu dľa každoj, choťby najmeňšoj knižki drukovanoj v rus'kij movi, sju popadlivost' pri zbiraňu vsjakich starinnych rus'kich drukov i rukopisej, oderžav naš Mitropolit v spadsčini po svoich predkach."

"Ale vaš mitropolit byv ochreščennyj v latiňskim obrjad'i" — pėrėrvav čoryj.

"To i čto z toho? Se jakraz dokazuje, s jakoju pošanoju odnosiv-sja on dľa hreckoho obrjadu, koli jeho priňav. I tut prichodit meňi na hadku velikij prorok staroho zavita, Mojsej. On byv vychovannyj na dvori čhipetskoho koroľa Faraona i v molodosti uvažav sebe

Ehiptaninom. Ale koli poznáv istoriju svoho naroda i dovidavsja z nej, čto on ne Ehiptanin, a Izrailitanin, koli pobačiv, jak sej jeho narod terpit nevoľu, pokinuv korolivskij dvor, vyriksja dostoinstva korolivskoho syna, pošov miž svoj narod, terpiv razom s nim, a často i ot neho, stav jeho providnikom, vyviv jeho z nevoľi i zaviv do obicannoj zemli.”

“I Mitropolit Andrej je naš, potrojno naš. Raz tomu, čto on iz starinnoho rus’koho rodu i našim Mitropolitom, po druge tomu, čto on spravdešnym dobrod’ijem rus’koho naroda, po trete tomu, čto jeho vymoliv ot smerti rus’kij narod tod’i, koli navit’ likary ne robili nad’ii na jeho žita! My ne damo nikomu vyderti sobi jeho. Kolko je Rusinov-katholikov, tolki najsčirijšich prijateľov maje on!”

“O koby vy, brate, byli v Haličiňi minuloho roku, koli naš Preosvjascennyj byv znova tažko zachoriv tak, čto vže mala byla nad’ija na jeho podužaňe! Koby vy byli vidili sju prjamo rozpuku ciloho rus’koho naroda, koli by vy byli čuli si sčiry molitvy, jaki linuli pered prestol Vsevyšňoho — navit’ z takich hrudej, čto ridko molatsja, — tod’i vy byli by poznali i otčuli, čim je teperišnyj Mitropolit dľa rus’koho naroda!”

“On spravd’i dobrod’ijem rus’koho naroda. — Nema ni odnoj spravy, jaka otnositsja do dobra rus’koho naroda, v jakij naš Mitropolit ne brav by jak najživijšoj učasti i jakoj ne popirav by cilouju silouju svojej povahi i znaňa.”

“On peršij promoviv za rus’kim narodom važke slovo v palati panov, v jakim otverto skazav, čto rus’komu narodu v Haličiňi d’ije sja krivda.”

“On stanuv na čol’i deputacii, jaka jizdila do našoho c’isarja, čto by predložiti potreby ta bažanja rus’koho naroda. I čtož zyskav on za se? Či može jaku otnaku, počest’, abo choť priznaňe ot mohučich seho mira? N’i! Simi svoimi vystupami zyskav on ljubov ta dovirie rus’koho naroda, jakij bačit v nim pravdivoho muža Provid’iňa, čto je ne lišeň najvyššim zverchnikom rus’koj Cerkvi, ale i najsčirijšim synom rus’koho naroda.”

“Sče koli naš Preosvjascennyj byv episkopom stanislavovskim, žaňavsjasja zasnovanem velikoj biblioteki, z jakoj korystaje ne pol’skij, a rus’kij narod. A zasnovav jej ne z dochodov stanislavovskoho episkopstva, a z svoich vlasnych, rodovych hrošej.”

“Ta najbiľšu d’ijalnosť rozvinuv on, koli zostav imenovanyj Ilovskim mitropolitom.”

“Pojdit v zabudovaňu Sv. Jurja u L’vovi, a tam pobačite muzej,

v jakim mistatsja skarby ruskoj starinnosti, čto dajut nahľadnyj dokaz, čto ruskij narod, to ne jakijs' narod "kalakutov", jak jeho nazyvajut rosijski vorohi katolickoj Cerkvi, a narod, čto rozvinuv vysoku kulturu tod'i, koli 'sče inšim narodam, ot choťby i rosijskomu, i ne snilosja pro ňu. Knihi, rukopisy, obrazy zobrany v t'im muzeju majut vartost poverch povtora miliona. A čto dav na se choť odin sotik? Mitropolit sam pozbirav ta zakupiv se ne dľa sebe, a dľa ruskoho naroda. Či dumajete, čto se, čto vydaje mitropolit rok ročno, na narodny, ruski cili, može v cilosti pokryti iz dochodov mitropolii? N'i! De treba tam on ne požaluje i svoho rod'innoho majna."

"Spytajte, komu zavd'ajuje ruskij narod, čto vo seli Milovaňu može vesti hospodarsku — sadivniču školu, v jakij čto roku po kiľko desjat selan včitsja, jak z maloho kusnika zemľi dobuti najbolše dochodov?"

"V posľidnych misjacach svoim, spravd'i kňazovskim darom vo Koršovi, dav Mitropolit možnosť do osnovaňa ruskoj hospodarskoj školy. —

"Spitajte, komu zavd'ajuje Tovaristvo vakacijnych oseľ, čto rok ročno može koľkodesjat najbolšich mistских d'itej vyslati na litynyj vidnych na selo i dati im uderžaňe ta vsjo, čoho potribuje d'itina.

"Pojdit do Pidľutoho — tam pobačite ličnicu, v jakij koľkonajcjať molodych studentov, chorych na hrudi, rok ročno ličitsja na svoju chorobu. Čto dav do seho počin, čto dav fondy? Mitropolit, ne čto inšij.

"Spitajte, koľko žertvovav Mitropolit na bursu dľa b'idnych školarov u L'vovi, a koľko ich znova uderžuje na svoim fond'i?"

"Spitajte, čto značit, čto u L'vovi maje budovatisja druha bursa dľa školarov imeni Mitropolita Andreja Šeptickoho.

"Spitajte v kinci, koľko to molodych studentov, zavd'aki pod-moham Mitropolita, može pobirati vysši nauki za hraniceju. Je miž nimi molody profesory, maľari, rizbari, je vsjaki, čto tolko choťat obrazovatisja.

"A koľko ľudej vyratovav Mitropolit z rižnych kľopotov ta nuždy, v jaku popali často i ne z vlasnoj viny, pro se i hovoriti hod'i, b ohod'i zradžovati čijis ličny spravy.

"Pojd'it do L'vova, a tam nedaleko Cerkvi Sv. Jura pobačite dom, a na ňim napis': "Narodna ličnica", sebto zavedeňe, v jakim ličat chorych bezplatno. Znajete, čto on košťuje? Poverch 200.000, a hroši na se dav znova ne čto inšij, a Mitropolit Andrej.

“Ne davno tomu osnovali Rusiny “Zemelnyj Bank”, a ľvina časť kapitalov, čo stanovlat osnovnyj fond, zloživ Preosvjasč. Andrej.

“Tak! tak! Takich vorohov ruskoho naroda, daj nam Bože jak najboľšie!

“Mov najľipšij baťko, čo dbaje ne toľko pro sich d’itej, čo ostajut v doma, ale i pro tich, čo vyjšli z rodnoj chaty ta šukajut doľi u širokim sviti, tak i naš najvyššij Otec duchovnyj, Mitropolit, dbaje i pro tych nesčasnych, čo vyhnany z rodneho kraju nuždoju, pošli šukati chľiba v čužich krajach. On pamjataje i za tych, čo poselili-sja v Bosnii. Vsjuda vysilaje svjasčennikov, duže často na svoj vlasnyj košť i to svjasčennikov, jaki byvajut spravdešnymi dobrod’ijami bidnych pereselencov. Dľa nich to ne pobojav-sja Preosv. otbyti dalekoj podoroži do Ameriki, choť sam nemočnyj i slabyj atk, čo neraz majže umľivaje z boľu, jakij spričiňuje jemu neduha, na jaku terpit z d’itočich ľit.

“A čo skazati pro jeho pracu jak najvyššoho kňazja našoj ruskoj Cerkvi. Koždoho roku vesnoju i oseňu, otbyvaje episkopskij ohľad parochij. A varto znati, jak on se otbyvaje. Ne jak nastojateľ, a jak peršij robotnik v Christovim vinograd’i. Razom z inšimi svjasčennikami sidaje do spovidalnicy i rižnitsja chiba tym, čo peršij sidaje do praci i vstaje posľidnyj. Ja vam rozkažu, čo lučilosja meňi tomu dva roki. Preosvjasčenyj zapoviv svoj prijizd do odnoj miscevosti vo horach, de parochom je moj blizkij svojak. Sej pro-siv mene, čtoby na toj deň prijichati jemu do pomoči, bo spod’ivav-sja duže bohato ľudej do svj. spovidi. Mitropolit v perejizd’i z druhoj parochii, prijichav do miscevosti, de parochom je moj svojak, o hodiňi pov do dvanajc-jatoj v noči. Hod’i bylo navit’ zisti večeru, bo na druhij deň pripadala ned’ila i vsi svjasčenniki musili mati Službu Božu. Tak my razom s Preosvjasčennym, perekusivši dečto, pošli spati. Ja znav, čo Preosvjasčennyj vstaje duže rano i ide do Cerkvi spovidati i tomu postanoviv sobi, byti v cerkvi sčie ranše, čtoby jemu uslužiti, nakoli by seho potrebovav. Ja prijšov do cerkvi o hodiňi pol do pjatoj rano i — pobačiv Mitropolita vže v spovidalnici.

“Ta ne konec na tom. V každij parochii, pri každij nahod’i, propoviduje Mitropolit Bože slovo i to ne raz, a po koľko razov, a propoviduje tak, čo ľudi z daleka prichod’at, čtoby počuti jeho nauku, bo vmije tak sčiro promoviti do serca čelovika, čo nema tak prostoho čelovika, jakij ne zrozumiv by jeho, ta ne vidčuv v svoim serci jak najpobožňijsich počuvaň. Perejd’it cilu schodnu Haličinu, a idu s vami ob zaklad, čo ne znajdete hromady, v jakij ne znajšlo by sja

choť koľkoch, čo ne čuli jeho nauk. Imja našoho Mitropolita, sčie jak byv monachom, zvisne bylo po cilij Haličini z tych propovidej, jaki vyhološovav na misijach ta z tych bratstv, jaki osnovav.”

“A koľko duchovnych vprav dav Preosvjasčennyj Andrej dľa samych svjasčennikov. Neraz na cilyj tyždeň zamykajesja on so svjasčennikami v monastyri či v seminarii i tam spoľno s nimi, rozdukuje nad tym, jakich užiti sposobov, čtoby jak najuspišnijše vesti svoje stado do vičného spaseňa.

“Jak to vitkom byvaje nabita cerkov, koli Mitropolit daje duchovny vpravy dľa svitskoj inteligencii? Tam spišit ona, ne tak jak v Rosii, čtoby jej pobačili, a na te, čtoby počuti Bože slovo z ust svoho najdorožšoho Archipastyra.

“A tam, de ne može pribyti Preosvjasčennyj izza braku času, tam posylaje svoi pastyrski pis'ma-poslanija, v jakich tak vmije promoviti do rozumu i sercja, tak vmije zahľanuti v dušu čelovika, jak ta rozumna matir, čo čitaje v serci d'itiny mov z otvorenoj knižki.

“Čiž može ruskij narod mati bol'soho dobrod'ija jak Preosvjasčennyj Andrej, jakij žertvuje dľa neho sebe ciloho, vsju pracu i zdorovľe? Či može byti choť odin sčirij syn ruskoho naroda, jakij ne plativ bý jemu za jeho požertvovaňe pravdivoju synovskoju ľubovju?

“Ta sčie odno. Vy skazali, čo naš Mitropolit choče zlatinsčiti hreckij obrjad i vvodit novy, latynski Bohosľužeňa. Ne znaju, pro čo vy dumajete, ale dohadujusja, čo vam chodit o “majske Bohosľužeňe” v čest Prečistoj D'ivy Marii, o častijše svj. Pričastie ta o “Naboženstvo do Serca Isusa Christa”.”

“Tož znajte, čo cile majske Bohosľužeňe ne je ničoho inšoho, jak Moleben do Prečistoj D'ivy, uloženyj na počatku devjatoho stolitia pis'mennikom hreckoj Cerkvi Sv. Teosteriktom. Se Bohosľužeňe čisto hrecke, jake zavsidi otpravľalosja v hreckij Cerkvi sčie pered Fotiem, jake i nyňi otpravľajesja v rosijskoj cerkvi. (Paraklis.)

“Te same treba skazati pro časte sv. Pričastie. Časte sv. Pričastie ne je sovsim vytvorom latinškoho obrjadu. Perši christiany pristupali do sv. Pričastija čo dňa, a v pismach hreckich Otcov Cerkvi, znachodime duže často napomneňa i zaochotu, čtoby virny pristupali do sv. Pričastija jak najčastijše. Dež tut jake nebud' latinsčie hreckoho obrjadu?

“Oдно toľko Bohosľužeňe do Serca Isusa Christa je v našim obrjad'i nove. Ale prihadajte sobi te, čo ja vam skazav kilka dnov tomu, čo obrjad musit rozvivatisja, bo inakše stane on odežinoju,

jaka perestane sovsim hriti. A vpročim, čiž ne každýj christianin molitsja do Isusa Christa, v jakoho Serci horit taka horjača ľubov do ľudej, čo On sam sebe otdav na strašnu muku na kresti? Čiž ono zle molitisja do toho serca, jake tak ľubit ľudej? Inakše dumati i hovoriti može chiba čelovik, jakoho Serce ne otpovidaje sovsim ľubovju na ľubov Serca Isusa Christa.

“Na konec skažu vam, čo naš Mitropolit je takim horjačim ľubitelem vsjakoj starinnosti, čo on rado pootnovľovav by i najdavňiši hrecki obrjady, z jakich i slidu nema vže nyňi, ni v hreckij, ni v rosijskij Cerkvi, nakoli by ti obrjady otpovidali duchu času ta mohli pričinitisja do podnesenia nabožnosti sered christijan. Može v ciloj hreckij ta rosijskij Cerkvi nema ni odnoho episkopã, jakij by s takuju pošanoju ta ľubovju odnosivsja do starinnych hreckich obrjadov, jak Mitropolit Andrej!”

Na sim zakončiv o. Petro svoju rozmovu s chorym, a poprasčavšesja s nim serdečno, otišov.

Choryj lišivsja sam so svojimi dumkami. A musili oni byti duže považny, bo dovhij čas po otchod’i o. Petra, ležav on neporušimo jak čelovik, čo rozdumuje nad duže važnoju spravou. —

IV.

SVJATYJ PETRO, VIDIMYJ HOLOVA CERKVI.

V subotu večerom vyjšov o. Petro do komnaty choroho s velikoju knihoju pod pachuju (pazuchom). Choryj čitav knižku, ale pobačivši vchod’ačoho o. Petra, otloživ jej na bok i usmichajučisja, prostahnuv do neho ruku. O. Petro hľanuv na zaholovok knižki. Byla se “Istorija Unii”, vydana z nahod’i 300-ľitnoho juvileju beresteňskoj Unii. Choryj slidiv za pohľadom o. Petra, a vyčitavši v jeho očach mov by pytaňe, sam odpoviv.

“Otsju knižku dav meňi vaš syn. Ja prosiv jeho o jaku istoriju, a on prines meňi otsju knižku. Z nej ja dovidavsja bohato, čoho ne znav dosi, choť i učivsja istorii Cerkvi.

“A čo za knihu prinesli, otec?” — pospítav pospišno choryj, mov by otsim pytaňem choťiv zvesti rozmovu na čo inšo.

“Se Mineja” — odpoviv o. Petro.

“Mineja? Či taka sama, jak jej uživajut u nas pri Bohosľužeňu?” — pytav choryj.

“Tak!” — odpoviv o. Petro. — “Ne toľko čo taka sama, ale navit’ vydana u vas, v Kiivi. Z takoj Minei otpravľajesja Bohosľužeňe

v rosijskoj Cerkvi. Ja jej priišis naročno, čtoby vam pokazati, čto taki u vašich bohoslužebnych knihach je čimalo takoj nauki, jakoj deržitsja katholicka Cerkov, a jakoj ne choče priznati rosijska, čot i otpravľaje z nich Bohoslužena. Ta zaki vkažu vam oti misc'a v Minei, mušu pred tym dečto rozpovisti."

"Odnou z najvažnijšich rižnic miž naukoju katholickoj Cerkvi, a naukoju Cerkvi hreckoj ta rosijskoj je se, čto katholicka Cerkov priznaje rimskoho papu svojeju vidimoju Holovoju, a vaša Cerkov seho priznati ne choče. Tomu to ja choču pro se vam rozkazati. Ta zaki rozkažu, mušu vpered rozpovisti pro verchovnoho apostola Sv. Petra ta pro te, jak to Isus Christos postaviv jeho vidimoju Holovoju svojej Cerkvi." —

Spasitel' obicuje postaviti Sv. Petra vidimoju Holovoju Cerkvi.

"Svjatyj Evanhelist Mathej vo XVI. hlavi svoho Evanhelija rozkazuje os' take: Odnoho razu prijšov Isus s svojimi učenicami v storongy mesta Kesarii Filipovoj. Iduči dorohoju, zapytav svoich učeníkov: "Za koho majut mene ludi?" — Učeniki stali otpovidati: "Odin" — kazali — "majut Tebe za Ivana Krestiteľa, druhi za Iliju, inši za Jeremiju, abo za jakohos' proroka." — "A za kohož majete mene vy?" — pytav daľše Isus Christos." — Tod'i Simon Petrov otpoviv: "Ty jesi Christos, Syn Boha živaho." Na se skazav Isus: "Blažen jesi Simone var (synu) Jona, jako plot i krov ne javi tebi, no Otec moj, iže na nebesich. I Az že tebi hlahoľu, jako Ty jesi Petr i na sem kameni soziždu Cerkov moju i vrata adova ne odolijut jej. I dam tebi kľuč carstva nebesnaho, i ježe asče svjazeši na zemľi, budet svjazano na nebesich, a ježe asče razrišiši na zemľi, budet razrišeno na nebesich."

"Každому, kto z uvahoju pročítaje oti slova Spasiteľa, musit prijti na hadku, čto Christos čotiv nimi svjatomu Petrovi priobicjati čtos', čoho ne priobicav inšim apostolam. Isus Christos skazav: "Ty je Petro i na sim kameni zbuduju moju Cerkov." Imja Petro je utvorene z hreckoho slova i značit toľko, čto kamiň, skala. Prote i značiňe tich slov Isusa Christa je: "Ty je kamenem (skaloju) i na sim kameni ja zbuduju moju Cerkov."

"Čimžež maje byti Petro? Ne čim inšim jak kamenem, sebtó fundamentom, podvalinoju, na jakoj Christos čotiv zbudovati svoju Cerkov. Fundament je najvažnijšoju častu budinku, bo na nim stoit budinok i v nim cila jeho sila i trivkost'. Cerkov Christova je zborom (tovaristvom) vŕich, čto vyznajut nauku Isusa Christa, a

Petro maje po slovam Spasiteľa, byti najvažňjšoju jeja častu, na jakoj ona soit. — Čimžež maje byti Petro vo Cerkvi Christa? Vo budinku najvažňjšoju častu je fundament, a vo tovarystvi sej, čo jemu provodit, čo soit na čoli tovaristva, značitsja, holova. Prote Petro, jakoho Isus Christos nazvyvaje (fundamentom) podvalinoju Cerkvi, mav zostati jeja Holovoju.”

“Sče jasňjšimi stanut oti slova, koli prihadjeme sobi, čo Isus Christos skazav ich vo jazyci jevrejskim, jak oni i je zapisany u Svjataho Matheja; jakij cile Evanhelie pisav po jevrejski. Po jevrejski kamiň značit “kifa” i Christos odpovidajuči Simonovi skazav: “Ty je kifa i na sim kifa zbuduju moju Cerkov”, čo značit: “Ty je kamiň i na sim kameni zbuduju moju Cerkov.”

“Za čo Christos obicuje Petra postaviti Holovoju Cerkvi? Za te, čo Petro priznav Jeho Synom Boha živoho. Movby chotiv skazati: “Ty priznav mene Božim Synom; a priznav mene nim, ne iz svoho vlasneho znaňa, bo ni tvoje tilo, ni krov ne objavili tobi seho, a z objavlěna nebesneho Otca, značitsja, z objavlěna vičnoj Pravdy, tož za se objavľu ja tobi pravdu, skažu tobi, čím ty budeš. Ty budeš podvalinoju, Holovoju Mojej Cerkvi.”

“Ale id'im daľše. Koli Christos priobicav Sv. Petrovi, čo jeho zrobit Holovoju svojej Cerkvi, kaže: “I tobi dam kľuči carstva nebesneho.” Kto maje kľuči domu? Pravda, čo hospodar, holova gazdovstva? Tož i Christos otdajuči Petrovi kľuči nebesneho carstva, robit jeho hospodarem, Holovoju svojej Cerkvi i to hospodarem, čo maje vlast “vjazati i rozvjazuvati”. Čto značať slova “vjazati i rozvjazuvati”? “Vjazati” značit tolko, čo vydavati prikazy, bo prikaz vjaže (obovjazuje) toho, do koho on zvernennyj, a “rozvjazuvati” tolko, čo znositi prikazy, abo i zakazuvati, bo koli sej, čo maje pravo vydavati prikaz, znese jeho, toďi toj, do koho prikaz byv zvernennyj, vže voľnyj od neho — rozvjazanyj. A sii prikazy Holovy Cerkvi majut taku silu, jakby ich vydavav ne zvyčajnyj čelovik, a sam Boh, bo Christos kaže: “Čto ty zvjažeš na zemli, bude zvjazane v nebi, a čo rozvjažeš na zemli, bude rozvjazane v nebi”, značit sja: “Čto ty prikažeš, to tak, jak by prikazav sam Boh v nebi, a čo ty zakažeš, to tak, jak by se skazav sam Boh.” —

Čto učili hrecki Otcy Cerkvi?

“Čudovo do sich slov hovorit Svjatyj Joann Zolotoustyj, kotroho tak vysoko počitaje hrecka i rosijska Cerkov, čo priznaje jeho odnym z najboľšich Otcov Cerkvi. On pitaje: “Čto značit: “Dam

tobi kľuči?" — i odpovida je: "Jak Otec dav tobi poznaňe ob meňi (čto ja je Synom Božim), tak i ja dam tobi. On obicuje dati Petrovi se, čto vlastivo prinaležit Otcevi ta robit Cerkov nepochitnoju sered vsich burij i prostoho čelovika robit tverdšim od vsjakoho kamňa." Opirajučisja na sich slovach Spasiteľa, vsi christiany priznavali Sv. Petra Holovuju Cerkvi."

"Ne choču navoditi seho, čto ob tím hovorjat Sv. Otcy zachodnoj Cerkvi, čto by vy ne dumali, čto tak virili ta učili toľko oni. V tím, čto Isus Christos ustanoviv Svjataho Petra Holovuju Cerkvi, odnakovo učat i zachodny i schodny (sebito hrecki) Otcy Cerkvi, jakich i rosijska Cerkov priznaje Svjatymi."

"Svjatyj Kirilo, episkop jerusalimskij, vyrazno nazývaje Svjataho Petra najperšim miž apostolami, najvyššim Učitelem Cerkvi, a Sv. Joann Zoloustyj prjamo kaže: "**Petro se Cerkov Boža**". V inšim misci sej velikij Učiteľ hreckoj Cerkvi, rozдумujući nad slovami I. Christa: "Ty je Petro i na sim kameni zbuduju moju Cerkov", kaže: "**Petro zvanyj je kameňem, bo na nim vystaviv Christos svoju Cerkov.**"

"Blaženýj Teofilakt piše: "Hospod' daje Petrovi veliku nahorodu za se, čto on vyznav Jeho Synom Božim; obicuje na nim zbudovati svoju Cerkov." — Sej Teofilakt byv episkopom bolharskim i živ v tím samym časi, čto Kerularij, jakij otvoravsja ot pravdivoj Cerkvi Christovoj. Navedenny slova bl. Teofilakta dajut najľipšij dokaz, čto inši episkopy schodny, jaki žili rovnočasno s Kerulariem, virili, čto Christos postaviv Svjataho Petra podvalinoju svojej Cerkvi, čoho ne choťiv priznavati Kerularij i za dľa čoho odoravsja ot katholickej Cerkvi."

"Ta ne toľko Otcy Cerkvi, ale navit' najbolši jej vorohi virili vo se, čto Christos Svjataho Petra zrobiv podvalinoju, Holovuju Cerkvi. Takij najzavzjatijšij voroh papov, jak Firmilian kesarijskij vyrazno kaže: "**Na Petri položeny osnovy (podvaliny) Cerkvi.**"

"Ne choču navoditi bolše vyskazov Svjatyh Otcov, a zahľanu razom s vami, do otsej knihi, čto ja jej priňis, z jakoj v rosijskoj Cerkvi otpravľajesja čtodенno Bohosľužеňe."

Čto kažut bohosľužebny knihi hreko-rosijskoj Cerkvi?

V Mineji, na deň 16. sična, koli to i rosijska Cerkov obchodit svjato: "**Poklonenie čestnym vericham (okovam, lancucham) svjataho i vsechval'noho apostola Petra**", čitajeme os' taki slova pro Sv.

Petra: "Nyňi Petro, podvalina Cerkvi, kamiň vıry, pokazuje nam svoji čestny lancuchi."

"Ty (Sv. Petre) utverdiv Christovy zakony i prestupnikov naučiv spravedlivosti jak zverchnyj načalnik Apostolov, jak kripskij fundament dogm (pravd vıry)."

"Vychvaľim najvyššoho i peršoho apostola... velikoho Petra."

"O nastavniku Apostolov blaženňijšij Petre."

"Ty lancuchi nosiv, deržači peršij prestol meže Apostolami."

"A zahlaňmo sčę na deň 29. i 30. Junia, koli to Cerkov obchodit svjato Verhovnych Apostolov Petra i Pavla. Tam čitajemo: "Petre, podvalino apostolov, skalo Cerkvi Christovoj, počatku christijan, pasi slavno ovcy svoho stada, zachovaj svoi jahňata ot chitrych vovkov, spasi svoje stado ot napasti zlych."

"Dostojno zaspivajmo v čęst, verhovnoho načalnika apostolov."

"Tebe Sv. Petre, Predvičnyj naznačiv načalnikom svojej Cerkvi."

"Ty, Petre, byv peršim episkopom Rimu... podvalinoju Cerkvi, jakoj ne peremožut pekeľni vorota."

U vstupni na deň 30. červňa nazyvajesja Sv. Petro Pastyrem, čo deržit vlast nad vsimi apostolami, vožd'om apostolov, učitelem apostolov, žerelom pravdivoj vıry, a v stichiri: "Kijmi pochvaľnymi vıncy", veličaje Cerkov Sv. Petra: "Apostolov Pervonačalnika".

"Či vystarčajut vam otsi misca iz vašich bohoslužebnych knih? Kto ich tam pomistiv? Ti, sčę ich skladali: Hrecki Otcy Cerkvi.

"Či može teper' sovisnyj čelovik zaperečiti, sčę davna, hrecka Cerkov virila, sčę Christos postaviv Sv. Petra Holovoju Cerkvi?

"A teperišna hrecka Cerkov ta i vaša rosijska, čo prijmili ti knihi ot davnoj, hreckoj Cerkvi, z časov pered Kerulariem, či virjat, čo Isus Christos ustanoviv Sv. Petra Holovoju Cerkvi? — Ne choťat, choť v čęst jeho, jak Holovy Cerkvi, pochvaľni pisňi spivajut. Čiž prote vaša vira je viroju davnoj Cerkvi hreckoj? Vsjakij musit skazati, čo teperišna, hrecka Cerkov, rosijska ta iňši, čo s neju deržať, pokinuli davnu, pravdivu viru Christovu."

Choryj vzjav v ruki Mineju, stav perekidati listki ta sčę raz otčituvav navedeny vysše slova, movby ne choťiv viriti soim vlasnym očam. Ottak pohľanuv na peršij listok knihi ta pročítav, čo se spravd'i kniha, jakoj uživajesja v rosijskoj Cerkvi, jaku i vypečatano v Kii v roku 1811. —

Dumki choroho.

I čudni hadki prichodili jemu na dumku. Jak se može byti, dumav on, čtoby naši učiteli zatajuvali se pered nami? Tak tut cilkom

jasno stoit napisano. My samy priznajemo Sv. Petra peršim vidimym Holovoju Cerkvi, sež jasno stoit v našich bohoslužebnych knihach. A ōtsi knihi stary-prestary, oni ne je vydumkoju katolikov, a dorohoju spadsčinoju po našich d'idach-prad'idach. Značitsja, naši predki virili, čto Isus Christos ustanoviv Sv. Petra Holovoju Cerkvi. A čomuž my nyňi ne chočemo seho priznati? My inakše virimo, jak virili Sv. Otcy hreckoj Cerkvi, značit my pokinuli pravdu, a katoliki deržať jej.

Tak dumav choryj ta skazati seho ne mav otvahi.

Otec Petro zloživ Mineju na bok i stav hovoriti dašše.

Simon Petro.

“Ne dumajte, brate, čto Spasiteľ tolko v odnom sim myslì vy-skazav, čto Sv. Petra postavì vidimym Holovoju Cerkvi. Vy znajete, čto Sv. Petro, zaki 'sče Christos poklikav jeho na Apostola, nazyvavsja Simon. Koli brat Petra, Andrej, priviv jeho peršij raz do Isusa, to Isus skazav: **“Ty je(si) Simon, syn Joni (var Jona). Ot teper' budeš nazyvatisja Petro”** (po jevrejski Kifa). — Čto značit otsja peremina imeni? Vo davnici, koli komus' zmiňovali imja, to se označalo, čto priznačujesja jeho do jakohos' duže važnogo urjadu. Tak primirom, car Nabukodonozor zminiv imja Daniilovi na Val-tazar, bo priznačiv jeho na kňaza, a Faraon, Josifovi, na Psomto-fanich, bo priznačiv jeho na svoho namistnika. I Isus Christos zminiv Simonovi imja na Petro tomu, čto vže zazdalehid' priznačiv jeho do važnogo urjadu, na Holovu Cerkvi, svoho namistnika.”

Petro sered Apostolov.

“Inši Apostoly vže tod'i dohaduvalisja, čto Christos Sv. Petrovi zadumuje odati jakus' duže važnu službu, važňišu čim usim inšim, bo ňi odnomu ne zminiv imeni, tolko Sv. Petrovi. I proti ne divuvalo ich zovsim, koli Christos zaplativ čudesnym sposobom podatok tolko za sebe i za Sv. Petra, choť moh se tak samo zrobiti i za inšich Apostolov, jaki rovnož byli b'idny, a može 'sče i b'idňiši, čim Sv. Petro.

“Ne divuvalo ich takož zovsim, čto Christos brav Sv. Petra na svidka, usich važňišich pod'ij.”

Otrečeňe Sv. Petra.

“Tak se pravda” — perervav choryj — “ale precìň Sv. Petro vy-riksja Isusa Christa i to tri razy, zaki kohut zapiv dva razy.”

“Dobre, čo vy meňi se nahadali” — prodolžav o. Petro.

“Skažiť meňi: Či Christos znav, čo Sv. Petro jeho otrečesja?”

“Tak! Bez sumňivu, bo Christos byv Bohom ta i napered predskazav se” — odpoviv choryj.

“A preciň, choť Christos znav, čo Sv. Petro otrečesja jeho, to vsetaki skazav do neho, čo on bude podvalinoju — holovoju Cerkvi” — hovoriv ďalše o. Petro. — “Christos znav, čo Petro vyrečesja Jeho, ale znav takož i se, čo znajdutsja taki, čo poklikujučisja na otrečeňe Sv. Petra, budú vystupati proti Petra, jak Holovy Cerkvi, i tomu vo poslednych chvíľach svoho žita, pri poslednoj večeri zvernuvsja do Sv. Petra so slovami: “Simone, Simone, se satana prosit vas, daby sijal, jako pšenicu. Az (Ja) že molichsja o tebi, da ne oskud’ijet vira tvoja i ty ňikohda obrasčsja, utverdi bratiju tvoju.”

“Simi slovami skazav Christos: ‘Simone! Otse zlyj duch prosit, čtoby moh vas sijati mov pšenicu, (značiť, spokušuvati vas do zloho, rozryvati vašu jednosť, zachituvati vas vo viri), ale ja molivsja za tebe, čtoby tvoja vira nikoli ne zmaľila, a ty jak navernešsja, (značiť, koli po otrečeňu, rozkaješsja) utverdžuj navit’ svoich bratov-apostolov.” — Vyrazno kaže Christos: “Ty otrečesja mene, ale se otrečeňe ne otbere tobi vlasti, jaku ja priobicav dati tobi, bo tvoja vira bude nepochitna (nikoli ne zmaľije) tak, čo budeš musiv navit’ inšich bratov utverdžuvati vo nej.”

“Tomu to i Sv. Joann Zoloustyj kaže: “Boh tomu dozvoliv upasti verchovnomu apostolovi (jak pozňijše i dejakim jeho nasľidnikam, papam rimskim), čtoby zrobiti jeho pokornym i pobuditi jeho do boľšoj ľubovi, bo komu boľše otpuskajesja, sej i boľše ľubit.”

“Blažený Teofilakt, rozдумujući nad tym, hovorit: “Sim dav Spasiteľ do poznaňa, čo se utverdžuvaňe vo viri odnositsja ne lišeň do Sv. Petra i Apostolov, ale i do vsich ich nasľidnikov, čo budú do konca svita.”

Spovneňe velikoj obitnici.

“Obitnicu, postaviti Sv. Petra Holovoju Cerkvi, spovniv Isus Christos po svoim voskreseňu, koli to nad halilejskim ozerom, po čudnoj lovľi ryb, vo časi obidu z apostolami, zvernuvsja do Sv. Petra s slovami: “Simone Jonin, ľubiš li mja pače sich?” Na se odpoviv Petro: “Jej Hospodi, Ty visi (znaješ), jako ľubl’u T’a!” Tod’i skazov Christos: “Pasi ahncy (jahňata) moja.” I to ne raz, a tri razy pytav Christos Sv. Petra, či ľubit on Jeho boľše, čím inši Apostoly. A koli Sv. Petro za každy razom potverdžuvav se, Christos skazav do neho: “Pasi moi ovcy, pasi moi jahňata.”

“Dľa čoho by Christos pytav, či Sv. Petro ľubit Jeho boľše, čím inši Apostoli, nakoli by ne chotiv jeho zrobiti čims’ “**boľšim**” ot pro-čich Apostolov?”

“Sv. Joann Zoloustyj zovsim spravdľivo kaže, čto tomu, čto Sv. Petro byv vybranyj z pomiž Apostolov, byv ustami učenikov, peršim, verchovnym v ich zbori.”

“Čim žež robit Christos Sv. Petra? Pastyrem ciloho svoho stada, usich ovec i jahňat, ciloj svojej Cerkvĭ, bo svoju Cerkov nazyvav Christos stadom.”

“V našim Sv. Pis’mi, sebto tĭm, jakoho užĭvajeme my, Rusiny hreko katholiki, jakoho užĭvaje i rosijska Cerkov, je skazano: “**Pasi moi ovcy, pasi moi jahňata**”, meždu tym, jak vo hreckim, vo jakim i bylo napisane Evanhelie Sv. Joanna, de mistatsja otsi slova, je postavlene slovo, jake značit ne lišeň “**pasi**”, ale “**pasi s vlastiju**”. Značĭtsja, ne lišeň pasi, to je, kormi ich naukoju, **ale i rjadi nimi.**”

“Čomu Christos robit rižnicu meždu “**jahňatami a ovcami**”? Či se slučajno? N’i! Vo slovach Spasiteľa nema ničo slučajnoho! — Christos naročno robit se. Ovcy rod’at jahňata, a jahňata je ich d’ĭtmi. Apostoly propovĭduvali Bože slovo, navertali pohan i d’ĭlali ich Božimi d’ĭtmi; prote byli duchovnymi rodičami virnych, a virny ich duchovnymi d’ĭtmi. Tož Christos, nazyvajuči svoju Cerkov stadom, kaže do Sv. Petra: “Bud’ pastyrem, ne lišeň dľa “jahňat”, sebto duchovych d’ĭtej, jakich porodiť propovid’ Apostolov, značĭtsja virnych, ale i dľa “ovec”, sebto dľa tĭch, čto je ich duchovnymi rodičami, značĭtsja Apostolov. Robit’ prote Christos Sv. Petra verchovnym Pastyrem ne lišeň dľa virnych, ale i dľa samych Apostolov.”

“Tri razy pytaje Christos Sv. Petra, či on Jeho ľubit i tri razy otdaje jemu najvyššu vlast’, čtoby zaznačiti, ne zvyčajnu vahu seho urjadu. Čiž ne zovsim jasno, čto simi slovami postaviv Christos Sv. Petra najvyššim načal’nikom Cerkvĭ, sebto jej Holovoju?”

“Tomu to vo bohosľužebnych knihach, jaki užĭvajutsja i vo ro-sjskij Cerkvĭ nazyvajesja Sv. Petro: “**Predsidatelem Apostolov**”, a Dimitrij Rostovskij, jakoho priznaje rosijska Cerkov Svjatym, kaže: “Petre! Tebe žde načal’sťvo, ty budeš podnesenyj na stepeň zverch-nych, a tobi vručĭtsja paseňe ovec.”

“Ilia Mil’atin, jakoho tak vysoko počĭtaje rosijska Cerkov, vo na-uci na četvertu ned’ĭlu velikoho posta, os’ čto kaže: “Koli Christos skazav Petrovi: “**Pasi moi ovcy, pasi moja jahňata**”, to dav jemu (jak svidčit Sv. Joann Zoloustyj) **peršu apostol’sku vlast’ i čest.**”

Dňa 16. sična spivaje Cerkov: „Iz hlubiny prelesti lovja, Petre, čeloviki, jaka ryby privel jesi izbravšemu tebe ot rybarej isitno vo verchovnoho vsich Apostolov.“ Zahlaňte do Minií, z jakoj otpravljajesja Bohosluženie vo rosijskij Cerkvi, a znajdete si slova.”

Jak virili Svjati Otcy peršich simoch vselenskich soborov?

„I tak virili Apostoly, tak virili perši christiany, taka byla vira Christovoj Cerkvi ot samoho jej počatku. Svjati Otcy Cerkvi, zobraňany na peršom vseleńskom sobori vo Nikei, ottak na tretim vo Efezi, nazyvajut Sv. Petra vyrazno **“velikim načalnikom Apostolov”**. Na četvertim vselenskim sobori vo Chalkedoni nazyvajesja Sv. Petro **“kameňem i utverždeňem Cerkvi ta osnovuju pravoslavnoj viry”**. Semyj vselenski sobor vo Nikei, nazyvaje Sv. Petra **“kňazem Cerkvi i Apostolov”**.

„Ja naročno zhaduju tolko pro si sobory, bo peršich sim vselenskich soborov priznaje i hrecka i rosijska Cerkov, a nauku vyskazanu na nich, uvažaje naukoju Božuju.”

„Čomuž rosijska Cerkov, jaka holosit pered cilym svitom, čto ona nepochitno deržitsja nauki peršich simoch vselenskich soborov, ne choće deržatisja jej, koli sja nauka priznaje Sv. Petra načalnikom Apostolov, Holovoju Christovoj Cerkvi? Čomu zamykaje sobi uši na hromskij holos hreckich Otcov Cerkvi, jaki hovorjat do nej otsimi jakraz soborami? Čomu?”

„Os’ ja vam skažu čomu. Virny rosijskoj Cerkvi ne znajut ničoho pro se, čto hrecki Otcy Cerkvi ta i perši sobory, na jakich d’vi tretiny bylo hreckich Otcov, zavsehda priznavali Sv. Petra peršim Holovoju Cerkvi. Tiž načalniki rosijskoj ta hreckoj Cerkvi, jaki znajut pro se, movčat, bo bojatsja, čto koli by pro se skazali narodovi, to on hotov pokinuti ich Cerkov, a pristupiti do toj, kotra tak učit, jak učili najdavniji vselenski sobory ta hrecki Otcy Cerkvi, a oni samy lišili by sja načalnikami bez virnych. A toju Cerkvoju, čto učit tak samo, jak učili Otcy peršich simoch soborov, je Cerkov katolicka.” —

Či Apostoly priznavali Sv. Petra Holovoju Cerkvi?

„Otsi slova, jakimi Christos postaviv Sv. Petra Holovoju Cerkvi, byli dla Apostolov zovsim jasny i zrozumily. Oni sejčas uznali Sv. Petra svojim verchovnym načalnikom, a sam Sv. Petro byv rovnož svidomyj svoho vysokoho urjadu. On po Vozneseňu I. Christa, povoditsja ne tak, jak inši Apostoly, a tak, čto z jeho povodeňa vidko, čto on maje vlast nad usimi. — Sv. Petro sklikuje zbor iz 120 vir-

nych i staviť vneseňe, čtoby vo misce Judy, vybrati dvanajcjatoho Apostola.”

“Koli Sv. Duch, vo deň Zelenych Svjat, zyjšov na Apostolov, Sv. Petro peršij vystupaje s propovidiju. A koli zobraný tovy narodu, čujuči koždyj svoju rodnú movu, začali vysmivati sja z Apostolov i kazati, čto oni pjany, tod'i vo oboroňi Apostolov, jak d'ij-sno ličit verchovnomu načalnikov, vystupuje ne kto inšij, a Sv. Petro. Obstaje jak spravdišij načalnik, bo kaže: **“N'i, oni ne pjany.”**

“Petro peršij d'ilaje čudo vo imja Isusa Christa, koli uzdorovľuje čelovika chromoho ot urodžeňa. On pered židovskoju radoju otpovidaje za Apostolov, on znositsja s židovskim načalstvom jak d'ij-snyj zverchnik tich, čto virili vo Christa.”

“Sv. Petro peršij prijmaje pohanina, sotnika Kornila do Christovoj Cerkvi. Rič nečuvana, jaka zdivuvala ne lišeň tod'išnych christian, ale navit samych Apostolov. Ta nikto ne mav prava zaboroniti jemu seho, bo vsi znali, čto on ot Christa oderžav najvyššu vlast vo Cerkvi i čto on “zvjaže na zemli”, to tak, jak by zvjazav Boh na nebi.”

“A otsja obstavina, čto anhel, jakij javivsja Kornilovi, kaže jemu poslati do Jopii po Sv. Petra, a ne do Jerusalmu, de byv Sv. Apostol Jakov, — choť z Kesarii, de meškav Kornilo do Jerusalma blizša dorohia — či ona ne je znamenna? Anhel kaže poslati po Sv. Petra, bo Petro byv Holovoju Cerkvi, bo on mav zrobiti počatok prinimaňa pohan do Christovoj Cerkvi.”

“Koli treba bylo rišiti pytaňe, či starozavitny obrjady obovjazujut christian, čto navernulisja z pohanstva, zbirajesja sobor Apostolov vo Jerusalmi, a na sobori provodit Sv. Petro.”

“Sv. Petro, jak čitajeme vo D'ijaniach Apostolskich, zvidžuje (nasčivľaje) usi christijanski hromady, čto po slovam Sv. Joanna Zolotoustoho, bylo znakom jeho vsesvitnoho načalstva tak, čto navit Sv. Pavlo “izbrannyj sosud”, uvažaje svoim obovjazkom udatijsja do Sv. Petra, čtoby odati jemu čest, jako verchovnomu svomu načalnikov.”

“Koli Irod uvjazniv Sv. Petra, tod'i cila Cerkov molitsja za nim, a Boh uvolňuje jeho z vjaznici čudesnym sposobom, čerez Anhela.”

“Mimo toho, čto Sv. Petro, po Božij voli, byv opisľa episkopom mista Rimu, on vsetaki prijazdit do Jerusalmu, daje prikazy, a svoje perše apostolske piš'mo ne piše do odnoj hromady, a do vsich christian, jak načalnik, zverchnik ciloj Cerkvi.”

“Jak veliku povahu ta počest mav Sv. Petro u pročich Apostolov,

vidko choťby iz seho, čo pro jeho brata Andreja hovoriať Sv. Evanhelisty: **“Brat Simona Petra”**, zaznačujúci sim, čo se ne aby jaka česť, byti bratom Sv. Petra. Vo tropari, jakij spivajesja vo česť Sv. Andreja, čitajeho: **“Jako apostolov pervozvannyj i verchovnaho suščij brat”**, a vo tropari Sv. Evanhelista Marka: **“Verchovnaho apostola učeník byv”**. Os’ bačíte, jaka to česť byti bratom, abo choťby učeníkom Sv. Petra.”

“Koli Sv. Evanhelisty vyčisľajut Apostolov, to na peršom misci kladuť imja Sv. Petra, choť peršim apostolom, jakoho poklikav. Isus Christos, byv Sv. Andrej Pervozvannyj. Ne kladuť na peršom misci takož Sv. Jakova, choť sej byv svojakom I. Christa, ani Sv. Joanna, choť sej byv najľubľenňijšim učeníkom Christa. Často pišući pro Apostolov, zhadujut Sv. Evanhelisty tolko imja Sv. Petra, a pro inšich tolko dodajut, **“i proči”**, abo kažuť: **“Petro z odinajcatma”**. Ale imeni Sv. Petra nikoli ne opuskajuť, bo on byv peršij mežu vsimi, on byv zastupnikom Christa, vidimym Holovoju Jeho Cerkvi.

Petro novozavitnyj vožd.

“Christijany peršich vikov uvažali Sv. Petra voždóm novozavitnoho narodu Božoho, jak Mojseja voždóm vybraného narodu starozavitnoho i tomu vo katakombach, de choroneno (Vo časach Apostolov Petra i Pavla pod Rimom) christijanskich vmerlych, možna pobačiti obraz, na jakim zobrazenyj Mojsej, jak dobuvaie vodu iz skaly, a pod nim napis’: **“Petro”**, dľa zaznačeňa, čo Sv. Petro je skalóju, z jakoj bje struja živoj vody.”

“Na starinnych obrazach Sv. Apostolov, tolko odnoho Sv. Petra maľujut so sjajevom (zolytym okruhom okolo holovy) dovkola holovy, tak samo, jak Isusa Christa”.

“Otse vsjo najľipše svidčit, za koho mali Sv. Petra Apostoly ta Evanhelisty, za koho mali jeho i christijany peršich vikov.”

Četyri stovpy Cerkvi.

“A precii v apostoľskich časach uvažali stovpami Cerkvi četyrech Apostolov, jak se sľiduje iz pism Sv. Joanna Zoloustoho a to: **“Jakova, Petra, Joanna i Pavla”** — perebiv choryj besidu o. Petra.

“Tak” — odpoviv o. Petro — **“i cilkom prirodno**. Ne dumajte, čo odnosiny Sv. Petra do pročich Apostolov, byli odrazu taki, jak nyňi je odnosiny Holovy Cerkvi do episkopov. Ne treba precii zabývati, čo vsi Apostoly byli tovaryšami doľi i nedoľi. Živa pamjat pro Spasiteľa, čo tolko čo voznessja na nebo, pamjat pro Jeho na-

uku o pokori i ljubovi, zrovnovala boljše vzaimny odnosiny, bez ohladu na javne i bezsumnĭvne perseňstvo Sv. Petra. Tym to i vytvorilisja si četyri stovpy Cerkvi. Petro, jak Holova Cerkvi, Jakov, jak svojak Isusa Christa, jakoho navit' vorohi Cerkvi počitali za jeho pravednost', Joann, jak najľubijšij učeník I. Christa i opikun Prečistoj D'ivy Marii, a Pavlo, jak "izbrannyj sosud", Apostol, čto najbolše potrudivsja dľa Christa."

"A čomuž Sv. Pavlo, v pis'mi do Halatov, klade na peršom misci Sv. Jakova, potomu Petra, a odtak Joanna?" — pytav dalše choryj.

"Se cilkom zrozumilē" — odpoviv o. Petro. — "Sv. Pavlo rozkazuje, čto Apostoly, koli dovidalisja, čto Isus Christos poklikav Sv. Pavla na Apostola, podali jemu ruku do spoľnoj pracy, a to: Jakov, Petro i Joann, značitsja, **Sv. Pavlo ne vyčisľuje trech Apostolov po dostoinstvi, a pisľa času.** Najperše podav jemu ruku do spoľnoj pracy Sv. Jakov, potim Sv. Petro, a odtak Sv. Joann. Zhaduje pro nich v tym porjadku, v jakim oni jeho povitali jak Apostola. Se mohlo byti navit' ne odnoho dňa."

"Dobre. Se rozumiju" — skazav choryj. — "Ale čomu, v peršom pis'mi do Korintan, Sv. Pavlo klade Sv. Petra až na tretim misci, koli kaže: "Ja Pavlov, ja Apollosov, ja Kifin (Petrov), ja Christovyj."?" —

"I se maje svoju, duže važnu pričinu" — odpoviv o. Petro. — "Sv. Pavlo začinjaє ot sebe, movby od najhoršoho — znak pravdivoj pokory — odtak hovorit po Apollosa, a doperva pro Petra. Po Petri hovorit vže tolko pro Christa, čim i zaznačuje, čto **ponad Petra vže nema nikoho, chiba sam Isus Christos.** Začinjaє ot najnižšoho, a končit na najvyššom i tomu klade imja Sv. Petra pered imenom samoho Isusa Christa. Vpročim Sv. Pavlo byv čelovikom duže bystrym. On znav, čto jeho pis'mo dostanesja i v ruki pohan, tož ne choťiv staviti na peršom misci Holovy Cerkvi, čtoby ne zraditi pered pohanami, kto nim je i sim sposobom ne zvernuti proti neho najbolšoj nenavisti."

Počuvši taku otpovid', choryj movčav, rozдумujući nad usim, čto počuv nyňi z ust o. Petra.

Solnce začalo zachoditi, a v chatiňi zaľah večernyj sumerk. Čas bylo choromu spočiti. Tomu o. Petro perervav svoju rozmovu, obicujući znova zajti, jak bude mati chvilu voľnoho času.

Choryj ščiro poprasčavsja s o. Petrom i polišivsja so svojimi dumkami. A divny oni byli! Čuv, čto pod molotom pravdy, chitajesja

budinok doteperišnoj jeho viry, bačiv movby promiň, čto zvolna prodiravsja do jeho duši ta rozhaňav poťmu.

V.

SVJATYJ PETRO PERŠIJ PAPA RIMSKIJ.

Na druhij deň po tym, zajšov znova o. Petro do choroho. Sim razom ne mav on namiru polišitisja dovše, bo mav večerňu, ale choryj sam navjazav besidu do včerašneho rozhovoru. On skazav:

“Včerašnoju rozmovoju vy d’ijsno perekonali mene, čto Božestvennyj Spasiteľ postaviv Sv. Petra Holovoju Cerkvi. Ale zvidki Papa Rimskij maje byti Holovoju Cerkvi, seho ja ne možu porozumiti. Preciň bez sumňivu, najstaršoju Cerkvoju je Cerkov jerusalimska, i nakoli kto maje byti Holovoju Cerkvi, to povinen nim byti episkop jerusalimskij.”

Na se skazav o. Petro:

“Ja včera ne mav času dokončiti rozmovy, bo i tak ona proťahlasja dovho, ale koli chočete, ja duže rado rozkažu vam se nyňi, bo maju šče kolka voľnych chvil, zaki zadzvoňat na večerňu. Os’ poslušajte.” —

Čomu v Rimi, a ne v Jerusalmi osiv Holova Cerkvi?

“Jerusalim byv spravd’i mistom, de d’ilav, terpiv i pomer Spasiteľ. Z Jerusalmom vjažutsja najvzneslijši spominy, do neho hne sercé každoho pravovirnogo christianina. — I my, katolíki, bolše može čim inši christijany, spišime do hrobu Spasiteľa. Os’ nedevno kolka sotok Rusinov, pōd provodom svoho uľublenoho Mitropolita Andreja, jizdilo poklonitisja svjatym miscam. My ne malovažime Jerusalmom, my uvažajeme jeho najsvjatijšim miscem na zemľi, kolyskoju ciloho christijanstva.”

“To čto z toho? Po pri se te, my pamjatajeme takož i se, čto skazav pro Jerusalim sam Spasiteľ: “**Jerusalime, Jerusalime, izbivyj proroki i kameniem pobivyj poslannyja ko tebi; kol’kokraty voschotich sobrati čada tvoja, jakože sobirajet kokoš ptency svoja pod kryli, i ne voschotiste. Se ostavlajetsja vam dom vaš pust.**” (Mat. 23, 37—38.)

“Choť jak može po nutru každoho christianina byloby, čtoby Jerusalim, de zbylasja velika, kervava žertva Novoho Zavita, ostav serdcem ciloj Christovoj Cerkvi, čtoby tam, a ne de inde, osiv Holova Cerkvi, ale čtož? Boža voľa byla inša. Jerusalim spovniv svoju zadaču. On byv prestolnym mistom starozavitnoj Cerkvi ta ne vmiv

ciniti svoho dostoinstva, ne vimv ostojaťsja na ťim prestižu, na jakim postaviv jeho Boh. On povbivav ne lišeň prorokov, ale naľoživ ruku na samoho Spasiteľa i jeho musila dosjahnuti Boža kara. Na ňim musili spovnisťsja slova proroka Daniila: **“I vo svjatilisči merzosť zapustinija budet, i daže do skončanija vremene, skončanie dastsja na opustinie.”** (Dan. 9, 37.) Ne minulo koľkodesjať ťit, a z harnoho Jerusallima, z budovel, jakimi oduševľalisja Apostoly, ne ostalo kamaňa na kameni. V 70-tom roci po Christi, rimskij vožd Tit, zburiv Jerusallim. Ta malo toho. V jakich 65 ťit pozdňijše, druhij raz zburjeno Jerusallim, a misce, de on stojav, zaorano tak, čo z davneho Jerusallima ne ostalo i slidu. Na jeho misce zbudovano nove misto, čo nazyvalosja Elija Kapitolina. **Do četvertoho stoľtia ne bylo navit' nazvy Jerusallima.** Až za časov cisarja Konstantina otžila davna nazva Jerusallima. — Proto Isus Chřistos, jakij predskazav cilkovite zburjenje Jerusallima, ne moh choťiti, čtoby v Jerusallimi, jakoho čerez 200 ťit majže ne bylo, byv osidok Holovy Cerkvi.”

“A vpročim, hľajte i na nyňišnyj Jerusallim. V jakim ponižeňu on nyňi. Pohanin Turok panuje nad nim. Turok deržit v svoich rukach kľuč i ot najdorožšich pamjatkov chřistianstva. Bez jeho dozvolu ne možna navit' otpravľati Bohosľužeňa. A koľko tam chřistian? Ledvy koľkonadcať tysjašč. Strašna kara Boža spovnilasja: **“Dom jeho pust.”**

“Tož kuda mav zvernutisja Sv. Petro, de mav založiti svoj prestol? V Jerusallimi seho zrobiti ne moh, ale čtoby zaznačiti, čo Jerusallim vse ostane najdorožšoju pamjatkoju dľa každoho chřistianina, pristav na se, čtoby v Jerusallimi zostav episkopom sej Apostol, čo byv najbližšij Spasitelovi, Jeho svojak, Apostol Jakov, jakoho navit' vorohi nazvali Pravednikom.”

“Sče jakijs' čas, majže 3½ roku, ostav Sv. Petro v Jerusallimi, propovidujuči Chřistovu viru ta otvidujuči chřistianski hromady v Palestini, a odtak udavsja do Antiochii, de po pereslidovaňu zobravsja najbolšij hurt chřistian. Ta ne dovše, jak 7 ťit perebyvav Sv. Petro v Antiochii. Antiochia ne nadavalasja zovsim, čtoby v nej osiv Holova Cerkvi. Misto položene daleko ot morja, sered nedostupnych pustyň Asii, ne mohlo byti tym, do kotroho mali pribihati usi chřistiansy.”

“A čomuž ne vybrav Sv. Petro Car'horodu?” — spytav choryj.

“Čomu ne vybrav Car'horodu, pytajete” — skazav o. Petro. — “Ne vybrav po prostu tomu, čo **Car'horodu toďi sče zovsim ne bylo.**

Byla lišeň nevelička osada, čo nazyvalosja Vizantija. A vpročim hľaňte na nyňišnyj Car'horod. I nad nim panuje Bisurmon, a car'horodskomu patriarchovi navit' ne voľno meškati v misti, liš na pohanim peredmistu Fanariot. Christijan v Car'horod'i nazyvajut Turki psami ta zhordnymi prizvisčami "džavrov". **Car'horodskich patriarchov vybiraje bisurmeňskij sultan**, a koli oni jemu ne do vpo-doby, to skidaje ich, ne pytajučisja pro se nikoho."

"A v jakim ponižeňu žijut nyňišni "fanariotski", car'horodski patriarchi, jak zachod'atsja oni, čtoby mati lasku u sultana! Ne lišeň nevirnym sultanam, ale navit' jeho veziram klaňajutsja do zemli, a neraz i v ruki ich cilujut. Až žal' bere, jak zhadajesja pro ti časy, koli to na cilyj svit svitila bleskom car'horodska Cerkov. — A teper' bačitsja jej v takim ponižeňu, čo mimovoli, znova prihadjutsja slova proroka Daniila pro "merzost zapustinija"!

Priznačene Rimu.

"Vedenyj Sv. Duchom, musiv Sv. Petro udatisja tam, de jemu naznačiv misce sam Boh."

"Starozavitna svjatyňa židovska, čo byla proobrazom Christovoj Cerkvi, byla tak zbudovana, čo vchod do nej byv iz schodu solnca, a najsvjatijša jej časť ležala na zachod. Každij pravovirnyj žid, koli molivsja, zvertav svoi oči na zachod, do "Svjataja Svjatyh".

"I na zachod zvernuv svoi oči Sv. Petro. A tam na zachod'i pyšalos' misto, čo bylo prestolnym mistom ciloj rimskoj deržavy, jaka obojmala todišnij svit."

"Tam zvernuv svoi kroki bidnyj rybak znad halilejskoho ozera. Strach perejmav jeho, koli tam išov. Čto on tam vd'ije? Kto jeho tam sluchati bude? Tam rimski cisary, čo veličali sebe bohami, tam hordy patricii, čo každoho, kto ne byv patriciem, uvažali nečelovikom, tam pohaňski filosoфы dojšli do toho, čo jestvovaňe bohov uvažali bajkoju, tam pohaňski žrecy smijalisja odin z druhoho, jak bačili, čo prinosjať žertvy boham, v kotrych ne virili. Ta nepoborima sila Boža kazala Sv. Petrovi iti u se hñizdo rozpustu ta hricha, čtoby dati nezbityj dokaz sily Christovoj nauki, jaka žerelo hricha peretvorila v žerelo Božoj laski. Mistom tym, byv Rim."

Či Sv. Petro byv v Rimi?

"Jak to?" — pytav choryj. — "Chibaž Sv. Petro byv v Rimi? Preciň v svjatom pis'mi nema pro se ni zhadki."

“I čtož z toho, čto v sv. pis'mi nema pro se zhadki?” — odpoviv o. Petro. — “Abož sv. pis'mo mistit' v sebi vse, cilu Christovu nauku? V sv. pis'mi ne zhadujesja ničoho pro svjatковаňe ned'ili, a precij vsi christiany ot počatku svjatkujuť jej. Bohato učiv Isus Christos ta Apostoly, čoho nema v svjatom pis'mi, bohato d'ijalosja ričej, pro jaki ne zhadujut sv. knihi, bo Christos ne dav Apostolam prikazu spisovati Jeho nauku, a tolko “iti vo svit i učiti vsi narody”.

“A byla jesče i važna pričina ne zhadovati pro se, čto Sv. Petro udavsja do Rimu. On byv Holovoju Cerkvi, a vorohi Christa v peršij miri zvertali svoju nenavist' proti neho. Čiž bylo poradnym zradžovati pis'mom, de on probyvaje, de založiv svoj prestol? Či tod'i ne zvernula by sja cila nenavist' proti Holovy Christovoj Cerkvi? Tomu to i misce probyvaňa Sv. Petra bylo vkryte tainstvennošču, čtoby ne naražovati jeho na neminuču pohubu.”

“A v Vaviloňi ne byv Sv. Petro?” — perervav choryj. — “Precij svoje perše pis'mo do Christian napisav on z Vavilona, bo kaže v nim, čto Cerkov, zobrana v Vaviloni, posylaje christianam v Palestiňi svoj privit.”

“N'i brate!” — odpoviv o. Petro. — “U Vaviloňi nikoli ne byv Sv. Petro, bo i ne mav tam čto robiti. Vavilon byv v tim časj majže pustyneju. Se, čto Sv. Petro v svoim peršom pis'mi zhaduje pro Cerkov v Vaviloňi, stverdžuje, jak raz se, čto ja skazav. Sam Sv. Petro ne choťiv zradžovati svoho misca perebyvaňa, bo znav, jak velika odvičatelnost' ležit na nim, jak Holovi Cerkvi, choť rado byv by pones i mučeniču smert' za svoho Učiteľa. Ale choťiv, čtoby christiany znali pro se, čto on v Rimi i tomu nazvav rimsku cerkov vaviloňskoju, bo christiany nazvali Rim Vavilonom izza toho, čto Rim spravd'i byv podobnyj do Vavilona svoim zopsuťem ta rozpustoju. Sam Sv. Joann nazyvaje Rim Vavilonom i christiany znali pro se. Ta ne znali pro se pohany. I Sv. Petro, povidomľujuči christian, de on perebyvaje, ne zradiv seho pered pohanami.”

Sv. Petro peršij episkop Rimu.

“Tam, v Rimi, po svidocstvam najdavňijšich istorikov, a navit vorohov Cerkvi, osnovav Sv. Petro episkopsku katedru, i byv čerez 25 lit episkopom, a zarazom peršim Holovoju Cerkvi.”

“Sučasnyj Sv. Petrovi, židovskij istorik **Filon**, vyrazno piše, čto Sv. Petro byv v Rimi. Tak samo piše starinnyj istorik **Evsevij**:

“Petro v Rimi vsenarodno propovidevav Bože slovo. Sv. Tarasij, car’horodskij patriarch, v svoim pis’mi do papy Adriana II-ho piše: “Božestvennyj Apostol Petro, jakoho prestol Vy (Adrian II.) zajmajete”. Sv. Joann Damaskin nazývaje Sv. Petra peršim episkopom Rimu. A precíň i rosijska cerkov priznaje Sv. Damaskina svjatym i spivaje pri Bohoslužěnach jeho čudovy pisni.”

“V Četi Minei, jakoj i vy v rosijskoj Cerkvi užívajete pri Bohoslužěnu, pod dnem 29. Čěrvňa-Junia čítajeme, čto Sv. Petro pered svojeju smertiju, (na’ pros’bu christian, čto bojalisja duže o žíte Holovy Cerkvi) chotiv opustiti Rim, de jak raz lutilo strašne pereslidovaňe christian za cisarja Nerona, ale sam Spasitel’ javivsja jemu na dorozí. Sv. Petro zapytav Spasitela: “Hospodi, kamo hrjadeši?” (Hospodi, kudy ideš?) Na se otpoviv jemu Christos: “Idu do Rimu, čtoby datisja rozpjati druhij raz.” Sii slova byli pričinoju, čto Sv. Petro vernuv do Rimu, čtoby prolati svoju krov za Christa. Se i stalosja 29. Čěrvňa (Junia), koli to Sv. Petro rozpjatyj na kresti stromholov otdav Bohu dušu. Na sim misci, de javivsja Isus Christos Sv. Petrovi, stoit do nyňi cerkov, jaka nazývajesja: “Quo vadis” — “Kamo hrjadeši”.

“V Četi Minei, na deň 4-ho Sičňa (Januara) čítajeme, čto Sv. Lin byv episkopom v Rimi po smerti Sv. Petra, a na deň 29-ho Čěrvňa (Junia), čto sam Sv. Petro vysvjativ jeho na Episkopa. — Tak samo čítajeme takož, čto Sv. Petro i Pavlo ponesli mučěniču smert’ toho samoho dňa 29-ho Čěrvňa (Junia) 67. r. po Christi.”

Ktož kaže pravdu?

“Bohato misc iz pism najdavňijsich Otcov Cerkvi moh by ja navesti, jaki odnoholosno stverdžujut, čto Sv. Petro byv v Rimi i tam pones mučěniču smert’. Ta ne choču seho robiti, bo zdajes’, čto vystarčit se, čto ja dosi skazav. Ja naročno ne navodiv slov Sv. Otcov zachodnoj Cerkvi, čtoby vy ne dumali, čto tak učat’ tolko oni. Ja holovno poklikovavsja na ti bohoslužebny knihi, jaki dosi užívajutsja i v rosijskij Cerkvi. Vy sami v svoich cerkovnych knihach veličajete Sv. Petra peršim episkopom Rimu ta Holovoju Cerkvi. Se i dokaz, čto ti, čto pisali ti knihi, a pisali ich hrecki Otcy, vse uznávali Sv. Petra svoim najvyššim Pastyrem, peršim episkopom Rimu i Holovoju Cerkvi. Ta ne chotat seho priznati nyňišny Hreki, ne choče priznati seho i rosijska Cerkov. Ktož hovorit pravdu? Či stary vaši knihi, jakimi vy tak dorozíte, či novomodny vaši cerkovny

učiteli? Kto pokinu pravdu? Či katolícka Cerkov, jaka virit tak samo, jak učit vaši knihi, či hrecka ta rosijska, jaki učit zovsim čo inšoho? Zdajes' na se i ne potreba odpovidi. — Pravda jasna jak solnce!" —

Jakaž semu pričina?

"Hordost car'horodskich patriarchov, jaki vmovľali v sebe, čo oni rovny, abo i vyšši ot patriarcha rimskoho, byla pričinoju, čo Hreki stali vyrikatisja nauki svoich vlasnych Otcov Cerkvi."

"Čomuž se tak stalosja?"

"Tomu, čo v Car'horod'i meškali rimskii cisary. Cisar, jak člen Cerkvi, musit v spravach viry sluchati Cerkvi, a ne Cerkov cisarja. Tak povinno byti, tak postupali Sv. Apostoly. Oni povinovalisja svitskoj vlasti, navit v molitvach pominali cisarej, choť sii byli po-hanami, ale koli išlo o spravu viry, tod'i, choťby cisar' i sto razov prikazovav dačo proti Christa, oni vse mali odnu i tu samu odpovid': **"Podobajet povinovatisja Bohu, pače neželi čelovikom"**.

"Ta v Car'horod'i bylo zovsim inakše. Patriarchi dbali holovno pro lasku cisarej, a cisary vmišovalisja v spravy viry, vydavali "ukazy", jak treba viriti. Cisary "popravľali" (?) Službu Božu, dodavali pisni, jaki samy ukladali. Povodilisja tak, jakby ne episkopam, a im byla dana vlast "vjazati i rozvjazovati". A patriarchi dľa svja-toho supokoju, pristavali na se."

"Čuv na sobi cisarsku ruku i Sv. Joann Zolotoustyj, jakoho za to, čo posmiv cisarskoj rodni hovorit pravdu v oči, vyslano na za-toččne, vyhnanstvo, de on i zhinuv. — Hrecki cisary choťili, čtoby episkopy ich prestoľneho mista, sebto Car'horoda, byli episkopami ciloho svita, abo, čo najmeňše, Holovami schodnoj Cerkvi, neza-visimo ot rimskoho episkopa, d'ijstneho Holovy vselenskoj Cerkvi, jaki odny smili opertisja chimernym ta bezbožnym prikazam hrec-kich cisarej."

"Primirom naj poslužit hreckij cisar' Lev Izavrijskij, jakij nazvav počitaňe obrazov idolopoklonstvom ta veliv povykidati iz cerkvi vsi obrazy. Hreckij patriarch ta episkopy hotovy byli na se pri-stati, a navit sklikali sobor, jakij povinujučisja cisarju, proholosiv, čo počitaňe obrazov je spravd'i idolopoklonstvom. Ta **ne povinovavsja prikazu cisarja Rimskij Episkop i stojav pri nauci Cerkvi**, čo počitaňe obrazov je bohohodnym d'ilom. I ne ustupiv, choť ci-sar vyslav svoju flotu, čtoby znisčiti Rim ta cilyj kraj. I Boh viťe čo bylo by sja stalo, jakby ne byv znajšovsja odin hreckij Otec. Sv.

Joann Damaskin, čo vystupiv v oborožni počitaňa obrazov. Ta jeho dosjahnula ruka hreckoho cisara. — Oklevetanyj hreckim cisarem, musiv kinuti svoj vysokij urjad i vstupiv do monastyrja”.

Kto je holovoju rossijskoj Cerkvi?

“U vašoj rossijskoj Cerkvi i teper’ ne jinakše. Čto zrobyv car’ **Petro Velikij**? Nevyhodnyj byv jemu moskovskij patriarch, bo Petro bojavšja, čo kolis’ može zas’isti na sim prestoli čelovik, čo v spravach viry, ne schoče sluchati carja, i tomu znis patriarchat, a na čoli rossijskoj cerkvi postaviv “svjatišij” (?) Sinod. Znav Petro, čo miž bolše ľudmi znajdesja zavse koľkoch takich, čo buduť tahnuti ruku za carem. A čtoby byti zovsim pevnym, postaviv na čoli sinoda “svoje oko”, oberprokurora, svitskoho čelovika, svoho zastupnika, jakij maje pravo znesti vsjaki rišeňa sinoda, čo ne podobajutsja carju. Nyňi cilyj svet znae, čo Petrovi Velikomu ne chodilo o dobro rossijskoj Cerkvi. On byv na skriz pereňatyj protestantizmom i episkopov ta svjasčennikov, čo ne hodilisja na jeho luterski pohľady, peresľidovav v strašnyj sposob. Ale svoho dokazav! Zasčipiv v rossijskoj Cerkvi protestantizm s ciluju jeho navištu do katolickoj Cerkvi. Zrobyv ju Cerkvoju ne Christovoju a carskoju.”

“Velikij, rossijskij učenyj ta ľubimyj syn rossijskoj Cerkvi, zvisnyj **Aksakov** piše: “Vidimo, čo rossijskoju Cerkvoju rjadit svjatišij sinod, kotroho členov naznačuje car’, i jaki podľahajut hraždaňskomu, abo vojennomu urjadnikov. Je nim oberprokuror svjatišjoho sinoda. Do neho naležit vsjakij počin vo cerkovnych spravach. Eparchiami upravľajut nominalno (a ne v d’ijstnosti) episkopy, naznačeny holovoju hosudarstva, po priporučěnu sinoda, značit sja, oberprokurora. Car’ maje pravo zmiňovati ich po svoim upodobau.”

“A znamenityj učenyj rossijskij **Solovjev**, os’ čo kaže pro rossijsku Cerkov: “Vsja rossijska Cerkov pereminilasja vo orudie svitskoj vlasti, abo prjamo pošla na službu car’a. Svitske praviteľstvo je storožem pravd našoj viry.”

“Teperišňa rossijska Cerkov oťčuvaje sama, čo takij ustroj, de na čoli Cerkvi stoit car, je pričinoju jej cilkovitoho zanepadu. Volišskij episkop Antonij, oholosiv v časopisach staty pro konečnosť priverneňa patriarchatu. Rossijskij patriarch byv by vidimym Holovoju rossijskoj Cerkvi.”

“Bačite, brate, čto sami rossijski episkopy priznavajut, čto ono protivitsja duchu christianskoj viry, čtoby na čoli Cerkvi stojav svitskij čelovik, ot jakoho volj' zaležit vsjo.”

“Episkop Antonij piše: “Ne mnohi, navit' z pomiž duhovenstva, znajut, čto imenovaŋe mitropolitov, naznačovaŋe členov sinodu, usuvaŋe ich, zaležit VYKL'UČNO ot oberprokurora ta čto sinodu o se zovsim ne pytajut.”

“Os' do toho doborolasja rossijska Cerkov, čto ne choče priznati vidimym Holovoju toho, koho postaviv Christos. A ti, jakich ona priznaje, sebto cary, sče i na hlum jej berut.”

“V 1885. roci, vyjšov ot rossijskoho pravitel'stva urjadovij dokument, jakij opovistiv, čto schodna Cerkov otkazalasja svojej vlasti i peredala ju carju.”

“Či ne čisty kpiny z ciloj rossijskoj Cerkvi? De, koli skazav se Christos? De, koli, kotryj z Apostolov zriksja svojej apostofskoj vlasti v koryst' vlasti svitskoj? Koli veliki Svjatiteli Christovoj Cerkvi, vse odno, schodnoj či zachodnoj, peredavali vlast' rišati v Cerkvi, carjam? I nikto z rossijskich episkopov ne važivsja za-protestovati proti seho, bo bojalisja vtratiti carskoj laski, vtratiti svoi prestoly”.

“Či tak robili Apostoly? Či tak robili kolis' episkopy katholičkoj Cerkvi? Ne znajšovsja nikto z rossijskich episkopov, čtoby stanuti v oboroŋi nauki Isusa Christa, jakij vlast' dav Apostolam, i ich zakonnym naslidnikam, episkopam, a ne pohaŋskim cisarjam ta rossijskim carjam? A čomu? Tomu, čto rossijska Cerkov pere-stala byti Christovoju Cerkvoju, a stala deržavnoju, car'skoju. — Holovoju rossijskoj Cerkvi stav car'.”

“A jakimi holovami je oni, svidčit choťby se, čto dľa svoich političnych cilej ne vahajutsja doptati ne to ustanovy cerkovny, zavedeny svjatymi mužami i vseleŋskimi soborami, ale navit' pravo Bože.”

“Jak žež se?” spytav choryj.

“A tak, čto primirom, car' Aleksander I. rozvjazav supruže svoho brata Konstantina, supruže važno zaključene i to ne dľa inšich pričin, a pričin političnych. Car', čto ne je navit' svjasčennikom, roz-vjazuje se, čto spolučiv Boh. Zvidki on maje siju vlast'? Kto jemu dav vlast' rozvjazovati? Koli Christos take skazav?”

“V svojej žažd'i vlasti i zarozumilosti dojšli do toho, čto važut'sja navit' zvolňovati monachov ot toržestvennych obitov.”

„Jakim činom maje čelovik svitskij zvoľňovati ot obitov, jaki skladaje monach Bohu?“

Choryj divivsja na o. Petra z pevného roda nedoviriem. Otec Petro zaprimitiv se i prodovžav daľše.

„Ja baču v vašich očach začudovaňe i ono ne divuje mene.“

„Spravd'i ne znati, čomu divovatisja, či toj zarozumilosti i hordosti carej, či toj rabskoj ulehlosti rossijskich episkopov, jaki pozvoľajut na take ponižeňe svojej vlasti.“

„Ta sče boľše zdivujetesja, koli ja vam skažu, čto rossijski cary potverždujot Svjatych. Ot nich zaležit, či rossijska Cerkov maje kohos' počitati Svjatym, či ňi. Časom ot bezbožnika abo rozpustnika, bož i taki možut byti meždu carjami, zaležit, či rossijska Cerkov priznaje kohos' Svjatym, či ňi!“

„A čto stanesja s viroju rossijskoj Cerkvi, koli na carskim prestoľi zasjade nedovirok? A na jeho posmichovisko narazit sebe rossijska Cerkov, koli na carskim prestoľi zasjade jaka žinka, jak pri-mirom zasidala Katerina, Elisaveta abo Anna? Jak pohoditi tod'i vyraznyj prikaz Sv. Apostola Pavla v peršom listi do Korint'an: „Ženy vo cerkvach da molčat: ne povelisja bo im hlaholati, no po-vinovatisja, jakože i zakon hlaholet.“ A tut, v rossijskoj Cerkvi, žinka-carica ne bude „povinovatisja“, a prikazovati. Jakich tod'i ukazov v spravach viry možna spod'ivatisja? Na hlum, na posmichovisče schodit cila rossijska Cerkov.“

„A duhovenstvo? Rossijski episkopy ta svjasčenniki prisjahajut najperše na virnosť carju, a doperva opisla na virnosť Cerkvi. Tož musjať sluchati najperše ukazov carja, a ottak doperva prikazov Cerkvi. A nakoli ti ukazy vyjduť ot carja-nedovirka? Čim stanut tod'i rossijski episkopy ta svjasčenniki? Stanut nedovirkami, jak ich car! Os' do čoho dojsla rossijska Cerkov.“

Dvojaka vlast.

„Ne taka voľa Spasiteľa. D'vi vlasti ustanoviv Boh; odnu dľa vičného dobra, sebto duchovnu, a druhu dľa dočasného, sebto svitsku. Duša vyšša ot тіla, a vične dobro važňiše, čím dočasne; тіlo musit sluchati duši, bo sim rižnitsja čelovik ot nerozumnoj skotiny. Vlast svitska musit vo spravach duši sluchati vlasti duchovnoj. De obi vlasti žijut vo zhod'i i každa z nich radiť vo svojim kruzi, de vlast svitska ne mišajesja vo spravy viry, tam virny možut osjahnuti i dočasne i vične dobro. Seho choče katholicka Cerkov, do seho stre-

mit, o se borolasja ot počatku, o se boresja i nyňi, i pri Božoj pomoci prichoditsja jej ponesti težki škody dočasny. Neraz musit vyrečisja majna, jake zapisovali jej pobožny lude, jak primirom teper' u Francii, de katolicka Cerkov stratila milliony tomu tolko, čto ne čotila poddatisja svitskoj vlasti."

"Meňi prichodit na hadku odna pod'ija, pro jaku pomistila vistku rossijska časopis "Peterburgski Vidomosti". Bylo se tod'i, koli katolicka Cerkov u Francii borolasja s francuzkim praviteľstvom. Na zasidaňu "svjaťijšoho sinoda", tod'ijšnyj oberprokuror Pobidonoscev skazav: "U nas Cerkov i deržava ne znajut borotby. My žijemo v tisnych objimach." Prisutnyj episkop Janišov podňavsja iz svoho misca i skazav oti pamjatny slova: "**Vaše Vysokoprevoschoditeľstvo! My zadychujemesja v vašich objimach. Tam, u Francii sče borjatsja, bo katoliki sče rozumijut cerkovne žite, a v nas lišilisja tolko sii objimy**" — a ja dodam: "**objimy, v jakich rossijska Cerkov hine.**"

Choryj sluchav slov o. Petra ne spuskajuči z neho očej, a vkinci skazav:

"Tak ono i je! Ja sam oťčuv na sobi siju svitsku vlast. Kolib ne ona, ja ne potrebovav by ležati ottut jak Lazar', ta može i na cile žite ostati kaľikoju."

V tym davsj a čuti holos cerkovnoho dzvona. Svjasčennik stav, čtoby odyjti, ta choryj stav prositi:

"Podožd'it sče chvilinu."

"Ne možu" — otpovidav o. Petro — "otse dzvoňat, muša iti do cerkvi."

"Naj lude trocha podoždut" — prosiv dalše choryj.

"O ñi" — otpoviv o. Petro — "se bylo by zle, koli by virny ždali na mene. Oni znajut, čto vsjake Bohosluženie začinajesja zavse v odnoj hodiňi. Ich vže povno v cerkvi. Kolis', jak podužajete zovsim, pobačite sami."

"Tak to tak" — hovoriv choryj. — "U vas ono jinakše. A u nas? Neraz hodinami ždut ludi na svjasčennika."

Choryj zadumavsja. Jeho zadumu perervav o. Petro pytaňem:

"Skažit meňi, brate, či u vas i dosi prideržujutsja toho, čto v cerkvi može byti odnoho dňa tolko odna Služba Boža?"

"Tak!" — otpoviv choryj. — "U nas i v najbolšich cerkvach, a navit i v katedralnych, pravitsja tolko odna Služba Boža."

“A proči svjasčenniki de pravľat v ned’ili ta svjata Služby Boží?” — pytav ďalše zacikavlennyj o. Petro. — “Preciň pri boľšich cerkvach je ich boľše jak odin?”

“De? Nihde!” — odpoviv rizko choryj.

“To u vas je svjasčenniki, čto v ned’ili ta svjata ne pravľat Služby Božoj?” — zaklikav ždivovannyj o. Petro. — “Jakiž oni svjasčenniki?”

“Je” — odpoviv choryj. — “Je i taki, čto vsjoho na vsjoho pravľat Službu Božu kolka razov na rok.”

“A dež virny sluchajut v ned’ili i svjata Služby Božoj?” — pytav znova o. Petro. — “Preciň v mistach ta boľšich selach oni ne pomistatsja razom na odnoj Službi Božoj?”

“Nihde ne sluchajut” — odpoviv po korotkoj movčanci choryj.

“Tož i jak?” — pytav ďalše o. Petro. — “Taž u vas virny takož obovjazany pod smertnym hrichom, sluchati v ned’ili i svjata Služby Božoj?”

Na se pytaňe choryj ne odpoviv ničoho, a z jeho vyhladu možna bylo dohadatisja, čto ne odpoviv ničoho tomu, čto ne mav čto otovidati. O. Petro zavdav sče odno pytaňe:

“A školna molodež, d’iti, učeniki de i koli sluchajut Služby Božoj v boľšich selach ta mistach? Ich preciň v mistach je tysjasči?”

I na se pytaňe ne doždavsja dovho o. Petro otpovidi. Choryj ležav na posteli i vdivľavsja zadumanyj v povalu. Po chvíli davsja čuti z jeho hrudej tažkij stohn, a z jeho ust vyrvalisja slova:

“Hine naša molodež. Ne majě spromožnosti vysluchati v svjato Služby Božoj.”

“Os’ bačite sami” — hovoriv lahodno o. Petro — “čto značit sľipo i nerazumno prideržovatisja davnych, perestarilych zvyčajov. Naj propadajut ľudi, naj misjacami abo i dovše ne čujut Služby Božoj, aby toľko vsjo bylo po davnomu obrjadu. I dochodit do toho, čto narod i molodež ne sluchajut Služby Božoj, a ne čerpajuči z toho bezdenneho žerela Božich lašk, rostut mov dike, derevo, dajut posluch usjakim, neraz krajno smišnym i zababonnym podšeptam i vydumuje sobi “Bohoslužeňa”, jaki byvajut tažkoju obrazoju Boha. Se vaši “**duchoborcy**”, **bezpopovščiki**” i inši.”

Choryj ne otpovidav ničoho. V konci o. Petro podnes sja, čto by odytji, a choryj promöviv:

“Zahľañte, koli laska, znova kolis’ do mene na rozmovu. Meňi

tak jakos' nijakovo na duši, tak jakos' pusto, čo sam ne znaju, čo meňi take."

"Duže rado" — odpoviv o. Petro. — "A čtoby vam ne bylo skuč-no, ja prines kořka poslanij našoho Mitropolita. Pročitajte ich sobi."

Za simi slovami poprasčavsja o. Petro i vyjšov z komnati cho-roho. —

VI.

PAPA RIMSKIJ — VIDIMYJ HOLOVA CERKVI.

Doderžajući obitnicy, o. Petro zajšov znova do choroho. — Sej povitav jeho duže rado.

"Včera byla u mene vaša paňi-matka" — hovoriv choryj. — "Pri-nesla meňi malinovoho soku do vody ta rozpytovala pro ranu. Dala meňi takož knížku do čitaňa: "Fabiola". Ja jej čitav do povnoči. Jakij to žar ľubovi byv tod'i v Christovoj Cerkvi. A teper'? Te-per' svarjatsja christijany miž soboju, a satana voroh tišitsja. Pro-pade Christova Cerkov, propade Boža pravda na zemli."

"N'i! Ne propade" — perervav o. Petro. — "Ne peremože sa-tana Božoj pravdy, ne zmože Christovoj Cerkvi, bo s neju Christos "po vsja dni do skončania vika", bo ona osnovana na skafi Petra, bo na jej čofi stoit Christovyj Namistnik, Papa Rimskij."

"Vy zhadali pro Papu Rimskoho" — zamitiv choryj. — "Ono pravda, čo Christos ustanoviv Sv. Petra Holovoju Cerkvi ta čo Sv. Petro byv peršim episkopom mista Rimu, ale bačite, ja jakos' ne možu zrozumiti, počto katolíki uvažajut Papu Rimskoho Holo-voju Cerkvi? Preciň Holovoju Cerkvi je Christos. On ju osnovav, On obicav byti s neju do konca svita. A vy, katolíki, ne chočete mati Holovoju Christa, a tolko čelovika, ta sče i kažete, čo sej če-lovik je svjatyj, i ne može nikoli zhrišiti, bo nazývajte jeho nepo-hrišimym. Chibaž je takij čelovik, čtoby ne hrišiv?"

Kto je Holovoju Cerkvi?

"Os' v tim i b'ida, čo vy dumajete, čo my, katolíki, ne choče-me mati Christa Holovoju Cerkvi ta virime čo Papa jest svjatyj i ne može zhrišiti" — skazav o. Petro. — "A ja vam kažu, čo vy du-majete c'ilkom ložno ta posudžujete nas, katolíkov, o taki riči, pro jaki nam navit' ne snilosja."

"My, katolíki, virime, čo Christos je Holovoju Cerkvi, tolko On je Holovoju takim, jakoho ne možna vid'iti, sebto nevidimym, a

Sv. Petro i jeho nasledniki Papy Rimski, je zastupnikami Christa, Jeho Namistnikami i prote, vidimym Holovoju Cerkvi."

"Ono čtos' podobno, jak v deržavy. Car' či c'isar', je holovoju deržavy, a v každym bošim kraju je jeho zastupnik, jak my kaže-me, namistnik, čto vykonuje vlast' v imeni c'isarja. Tak podobno ustroiv I. Christos i svoju Cerkov."

Potreba vidimoho Holovi Cerkvi.

"Christova Cerkov je vidimym zborom virnych i jak vidimyj zbir, musit mati takož vidimoho Holovu, tak jak vidime ľudske tělo maje takož vidimu holovu. Jak dovho stojit dom, potribuje podvalin, jak dovho je stado, potribuje pastyr'a. Cerkov se dom i stado Christove. Ona maje istnuvati do konc'a svita, tož do konc'a svita musit mati Holovu. Sim vidimym Holovoju je Papa Rimskij. A je on nim ne tomu, čto tak choťat katholiki, ne tomu, čto tak choťili episkopy mista Rimu, a tomu, čto tak choťiv I. Christos. Preciň Isus Christos osnuvav Cerkov, čtoby ona vela ľudej do vičného spaseňa i to vs'ich, jaki budut do konc'a svita. Koliž Christos choťiv, jak ja se roskazuvav vam davňijše, čtoby Jeho Cerkov mala svoho vidimoho Holovu v osobi Sv. Petra, tož c'ilkom zrozumilo, čto mus'iv choťiti, čtoby po smerti Sv. Petra, Cerkov ne lišilasja bez vidimoho Holovi, a čtoby vlast', jaku dav Sv. Petrovi, sebto "pasti", perejšla na kohos' inšoho, a po smerti toho, znova na jeho naslednika i tak až do konc'a svita."

"Teperišny christijany je takož "ovc'ami ta jahňatami" Christa i nakoli Christos choťiv, čtoby virny, jaki žili za Jeho časov, mali vidimoho Pastyr'a-Holovu, to mus'iv choťiti, čtoby i teperišny Jeho virny, mali rovnož vidimoho Pastyr'a-Holovu.

"Sli byv potrebnyj vidimyj Holova tod'i, koli to, jak sami kažete, u christijan byv takij žar ľubovi do Christa ta do Jeho nauki, to o skolkó bolše potribno takoho Holovi v pozňijšich časoch, koli toj žarostih, koli to "jahňata" a navit' i "ovcy", stali zabihati na manivsy." —

"Nakoli byla potrebna vidimaja holova dľa tych christian, jaki sče vlasnymi očami bačili Christa ta Jeho čuda i vlasnymi ušami čuli Jeho nauku, to o skolkó bolše potrebnyj on tod'i, koli žive pokoliňe, jak ne bačilo Christa, a Jeho nauku znaje toľko ot druhich?"

"Seho domahajesja prostyj rozum, na se ne potrebno zahľadati do sv. pis'ma."

Kto je vidimoju Holovoju Cerkvi?

“A ktož je tym, čo po Sv. Petri zostav vidimoju Holovoju Cerkvi? A kto je namisnikom cisarja, po smerti davnoho namisnika? Sej, čo sľiduje po nim. Tak i Christovej Cerkvi. Sej musiv byti vidimoju Holovoju Cerkvi, čo byv episkopom mista Rimu, de Sv. Petro pones mučeniču smert'. I tak d'ijstno bylo. Po Sv. Petri sľidovav Sv. Lin, odtak Sv. Anaklet, a po nim Sv. Klimentij.”

“Zahľaňte u vaši bohosluzebny knihi, zahľaňte do Četi Minei. Tam vyčítajete pod dnom 29. Junia-červňa, čo Sv. Petro vysvjativ sv. Lina na episkopa Rimu.”

“Tych to naslednikov Sv. Petra priznavala cila Cerkov svojimi vidimymi Holovami.”

Čto kažut pro se Otcy Cerkvi?

“Ne choču vas tomiti navodžeňem slov Otcov Cerkvi, bo i z slov tych, čo ja ich naviv davňijše, vže vychodit jasna pravda, ale zhadaju sče pro Sv. Irineja, jakoho i rossijska Cerkov priznaje svjatym. On rodivsja v Malij Azii, byv Hrekom i učeníkom Sv. Polikarpa, učeníka Sv. Joanna Evanhelista. Sej Otec Cerkvi kaže, čo izza toho, čo rimska Cerkov perevysšala vsi Cerkvi svojim Holovstvom, z daven-davna udavalisja do nej vsi, čo chotili polahoditi svoi viroispovidny neporozumiňa. Sv. Irinej kaže: **“Z daven-davna”**, a on sam poňis mučeniču smert' v roci 202. po Christu, značit sja, vže davno pered tym, inši Cerkvi zvertalisja v spravach viry do rimskej Cerkvi tomu, čo jej episkop byv Holovoju Cerkvi.”

“Toj sam Irinej kaže, čo tolko v odnoj rimskej Cerkvi možna vyčisliti vsich episkopov, počínajuci ot Sv. Petra i vyčisľuje ich až do svoich časov. Čomuž ne možna seho zrobiti v inšich mistach? Čomu ne možna vyčisliti episkopov Jerusalima? Vidko, čo rimska Cerkov byla vsim zvisna, i vsi virny znali, kto i koli je jej nastojatelem, a znali tomu, čo nastojatelej rimskej Cerkvi priznavali vidimymi holovami Cerkvi. A nyňi, či ne tak samo? — Či je na sviti choť odin, jako-tako obrazovanyj čelovik, čtoby ne znav, kto je episkopom Rimu? A koľko je takich, čo znajut, jak nazyvajesja episkop Peterburga, abo Car'horoda?”

“Sv. Ihnatij Bohonosec, učeník Sv. Petra i Pavla, episkop antiochijskij (pro jakoho opovidajut, čo on byv toju d'itinoju, jaku Isus Christos vzjav na ruki i poblahosloviv), v svoim poslaňu do Rimľan nazyvaje rimsku Cerkov Predsidateľkoju, sebtó Holovoju vsich Cerkvej.” —

Episkopy Rimu vykonuvali najvyššiu vlast v Cerkvi.

“Ot samoho počatku bylo zvyčajem v Christovej Cerkvi u vsich važnych spravach šukati rišeňa u episkopa Rimu. — Do Rimskoho Papy Klimenta, treťoho naslednika Sv. Petra, udajesja korintska cerkov o rišeňe sporov, jaki tod'i povstali v Korinti, choť tod'i živ šče v Efezi Sv. Apostol i Evanhelsit Joann. Z Korintu do Efezu nema dňa dorohi, miž tym, jak do Rimu, boľše jak tyždeň. Čomuž korintska cerkov udavalasja v svojej spravi do Rimu, a ne do Sv. Joanna? Tomu, čo episkop Rimu byv Holovoju Cerkvi, a Sv. Joann, choť i najľublenňijšij učenik Spasiteľa, ta Holovoju Cerkvi ne byv, i ne mav prava rišati sporov v čužoj cerkvi.”

“V sto lit pozňijše, koli miž azijskimi episkopami nastav spor o svjatkovaňe svjata Voskreseňa — Paschi —, odnosjatsja sporjači do episkopa Rimu, Sv. Viktora. Sej spravu rišiv, a koli dejaki ne choťili jeho posluchati, zahroziv im vykľučeňem z Christovej Cerkvi, a nikto ne perečiv jeho prava. Vidko, čo priznavali jeho Holovoju Cerkvi.”

“Jeretiki, jaki povstavali v peršich vikach christijanstva, zavse spišili do Rimu, čtoby opravdatisja, bo znali, čo rimskij episkop je Holovoju Cerkvi i koli on priznaje ich nauku dobroju, to priznaje ju cila Cerkov.”

“Primirom naj poslužit jeretik Nestorij (jeho i rosijska Cerkov uvažaje jeretikom), jakij učiv, čo Prečistoj D'ivy Marii ne možna nazyvati **Bohorodiceju**. Koli obvineno jeho o jeres', on poslav svoi propovidi do Papy Celestina, čtoby opravdatisja, čo on ne učiv jeresi. Papa provirivši jeho nauku, povidomiv jeho, čo koli do 10 dnej ne otkliče svojej ložnoj nauki, to on vykľučit jeho z Cerkvi. A precň Nestorij byv archiepiskopom Car'horoda! **Zvidki Rimskij Episkop mav by pravo vykľučovati z Cerkvi, nakoli ne byv Holovoju Cerkvi?** Čto boľše! Papa Celestin ne to, čo vykľučiv z Cerkvi Nestorija, ale navit' priňav nazad do Christovej Cerkvi tych svjaščennikov, jakich Nestorij jak archiepiskop vykľučiv iz svojej (car'-horodskoj) cerkvi za to, čo oni ne choťili zhoditisja s jeho ložnoju naukoju.”

“Papy Rimski iz samoho počatku mali pravo ne lišeň rišati v spravach viry, jak Holovy Cerkvi, ale navit' karati tych, čo ich ne sluchali. Papa Viktor I., čo živ pri konci druhoho vika, vykľučiv z Cerkvi koľkoch episkopov za to, čo ne hodilisja v nauci s nim, jak s Holovoju Cerkvi.”

“To same bačime i v sľidujučich vikach. Koli v treťom stoliťu kartaginskij episkop Agripin počav nanovo krestiti tych, čo z jeresi vertali do Christovoj Cerkvi, toďi Papa Stefan napisav do neho pišmo, v jakim prikazav, čo jeretikov ne treba nanovo krestiti, bo oni je važno okresčeny. I episkop seľčas posluchav seho prikazu.”

“Sej Papa Stefan (253—257) počav peršij nazyvatisja **“episkopom episkopov”** i nikto proti seho ne povstav, bo vsi virili, čo on je nasľidnikom Sv. Petra, jakomu Christos poručiv pasti ne lišeň jahňata (virniki), ale i ovcy (episkopov). Seho Papu priznaje Svjatym takož hrecka i rosijska Cerkov.” —

“Papa Julij vydav prikaz, čtoby vsi spory v spravach viry predkladano jemu do rišeňa. Sej prikaz priňala cila Cerkov, i hrecka i rimska. Do seho Papy spišit o ratunok pered arijanami Sv. Athanazij, velikij patriarch aleksandrijskij.”

“Navit hrecki cisary priznavali Rimskoho Papy vidimoju Holovuju Cerkvi, jak se vidno iz toho, čo cisar' Avreľijan priznav tych pravovirnymi, jaki hodilisja v nauci s Rimskim Papoju.”

“V četvertom vici vykonavav Episkop Rimskij taku vlast nad ciluju Cerkvoju, čo každyj mitropolit jizdiv do Rimu, čtoby z jeho ruk oderžati odznaku svojej vlasti. Bez zhody Papy ne voľno bylo postavľati episkopov.”

“V tym časi vyklučiv Papa Inokentij I. z Cerkvi hreckoho cisar'a Arkadia i jeho žonku Evdokiju, choť oni naležali do episkopa car'horodskoho, a vyklučiv za krivdu зробlenu Sv. Joannu Zolotoustomu.”

“Chibaž potreba boľšoho dokazu, čo Papy byli d'ijstno Holovami Cerkvi?”

“Čto Papa je verhovnym načalnikom Christovoj Cerkvi, dokazuje istoria vsich Vselenskich Soborov, a peredvsim peršich simoch, jaki i hrecka ta rosijska Cerkov priznaje vselenskimi.”

“Vsi ti Sobory, s vyimkoju druhoho, sklikovali Papy abo sami, abo čerez svoich odporučnikov. Druhoho sobora ne sklikovav Papa i tomu z počatku navit hrecki Otcy ne chotili jeho priznati vseľenskim, a priznali jeho vseľenskim až koli Papa Damaz potverddiv jeho rišeňa.”

“Sv. Teodor Studit, jakoho i rosijska Cerkov uvažaje Svjatym, vyrazno kaže, čo Sobor ne je pravosifľnym (sebtu pravovirnym), koli jeho ne sklikav Papa.”

Nauka Vselenskich Soborov.

“Ta ne toľko poodinoki Otcy Cerkvi, ale i cily Sobory priznavali Rimskoho Papy vidimoju Holovoju Cerkvi i to sobory, jaki i vy, členy rossijskoj Cerkvi, priznajete vselenskimi, otže nepomiľnymi.”

“Koli na četvertom Vselenskom Sobori v Chalkedoňi otčitano piš'mo neprisutnoho Papy L'va I. do Flavijana (patriarcha car'horodskoho), tod'i Otcy sobora odnoholosno skazali, čo tak je, jak piše Lev, bo “Petro hovorit' ustami L'va”. Toho Papu navit' rossijska Cerkov u svoich piš'nach cerkovnych veličaje Holovoju Cerkvi ta nazývaje **Predsidatelem Patriarchov.**”

“Na VI. Vselenskom Sobori nazývajúť Otcy Cerkvi Papu “blaženym i apostol'skim episkopom mista Rimu, Holovoju vsich Cerkvej”. V tym samom časi piše Sv. Petro Chrizolog do jeretika Evtichija: “Kažu tobi, čtoby ty u vsim byv poslušnyj blažennomu episkopu Rima, bo Sv. Petro, čo žije i sidiť na rimskim prestoli, počaje vsich pro pravdu.”

“Istoria učit', čo rišeňa vsich Soborov ne mali obovjazujučoju sily, doki ich ne zatverdiv Papa. O potverdžeňe chalkedoňskoho Sobora prosjať Papu vsi episkopy, a navit' hreckij cisar'.”

Dokazy z bohoslužebnych knih.

“Zahľajte v rossijski, bohoslužebny knihi, čo tam kažesja pro Papu **Silvestra** pod dňem 2-ho sična—Januara, pro Papu **Hipolita**, pod dňem 18-ho L'utoho—Februara, pro Papu **Hrihorija Dvojeslova**, pod dňem 12-ho Marta, pro Papu **Klimentija**, pod dňem 25-ho Padoľista—Nov. i pro inšich. Tam, v pochvaľnych piš'nach, priznajesja ich vsjuda Holovami Cerkvi. Primirom, pro Papu **Silvestra** čitajeme v Minei: “**Verchovnik javilsja jesi svjasčennoho sobora**”. Sii slova rossijskoj Minei je duže cinny, bo v nich nazývajesja Papu **Silvestra** holovoju sobora, čoť na sobori provodiv v jeho zastupstvi **Ošija.**”

“A kto skladav si pisni, jak ne starinny hrecki Otcy Cerkvi? — Tož bačite, čo ne lišeň katholiki, ale i Hreki i Rossijany priznavali ich Holovami Cerkvi, ta moľatsja do nich. V Minei, vydanoj v Moskvi, čitajeme piš' v česť Papy Sv. L'va: “Ty učitelem pravoslavija, nasľidnikom najvyššoho prestola Sv. Petra, Holovoju Cerkvi **Christovoj**, stovpom pravoslavija; Ty ukrašenyj jeho načalnoju vlastiju, zamknuv usta jeretikam.” —

“Tomu to velikij, rossijskij učenyj Solovjev piše: “**Jak Petro mav verchovnu vlast nad vselenškoju Cerkvoju, tak i Rimskij Epi-**

skop, čto zajmaje prestol Sv. Petra, je nyňi predstavitelem sej vlasti.”

“Papa Hrihorij I. Velikij (590—604), jakoho Cerkov nazývaje Dvojeslovom. sej, čto uloživ Liturhiju Preždeosvjasčennych, jaka otpravľajesja do nyňi v hreckoj ta rossijskoj Cerkvi, vykonovav vlast nad ciloju Cerkvoju. On to peršij přiňav titul: **“Sluha sluh Božich”**, jakim i do nyňi nazývavut sebe Papy. Jeho hrecka Cerkov do nyňi nazývaje: **“Pervoprestolňikom Cerkvi i nasľidňikom Sv. Petra.”**

Jak nazývali virny episkopov Rimu?

“Nezvyčajna počest', s jakoju virny ciloj Cerkvi odnosilisja do Holovy Cerkvi, byla pričinoju, čto vže v peršich vikach christijaňstva, počali episkopov Rimu nazývati rožnymi, počesnymi imenami, jak: **Nasľidňik Petra, Namisnik Christa, Namisnik Boha, Otec virnych, Papa** (sebto Otec vsich virnych), **Verchovnyj Učitel'**, a v promovach: **Svjatijišij Otče, Vaša Svjatost', Apostol'ske Veličestvo**, choťaj Papy nikoli nenazývavut sebe inakše jak: **“Sluha sluh Božich”**. Sej titul uvažali Papy najboľšoju počestu bo jak Christos stav rabom dľa rabov (hricha), čtoby svojeju smertu spasti ich od vičnoj pohuby, tak i Jeho Namisnik je Holovoju Cerkvi ne dľa sebe, ne dľa svojej česti. a tomu. čtoby byti sluhoju (rabom) dľa vsich Christovych sluh.”

“Tut mimo voľi prichodit meňi na hadku odna rič. Papy Rimski, pamjatajuči na slova Christa, čto sluha ne smije byti boľšim od svojho pana, nazývavut sebe: **“Sluhami sluh Božich”**, a hreckij patriarch car'horodskij pribiraje hordyj titul: **“Patriarch ciloho svita”**, mov by poza Car'horodom vže ne bylo svita.”

“Sče divňijše velit sebe nazývati schodnyj patriarch v Aleksandrii, čto pod svojeju vlastu ne maje boľše, jak 14,000 christian. On nazývaje sebe: **“Sudijeju ciloho svita i trinadcjatym apostolom”**. — Až smich bere čelovika, i Boh višť jaki hadki prichod'at na dumku: **“Trinadcjatyj apostol”**! Na čijež misce?”

Svjatijišij Otec, Papa Rimskij.

“A teper' zrozumijete, čto nazva: **“Svjatijišij Otec”** ne označuje zovsim, čto Papa je svjatym, a toľko je počesnym nazvaňem, titulom, jakij jemu nadajut virny, podobno jak my neraz nazývajeme **“blahorodnym”** čelovika, chota on zovsim ne **“rodiťsja** (pochodit) z **“blahoj”** (slavnoj) rodiny.” —

“Pevno, čto, choť jak kto, a Papa povinen byti svjatym, ale čož? Christos postaviv Holovoju Cerkvi ne anhela. a nemočnoho, slabo-

ho čelovika, jakoho tahne do hriča tak samo, jak nas. Bylo duže velike čislo Papov d'ijsno svjatyh, jakich hrecka ta rossijska Cerkov priznaje Svjatymi, ale byli i hřišny, byli navit duže hřišny. — I ne divota. Meždu 12-toma apostolami byv Juda, a meždu povtreća sotkami Papov ne malo by byti hřišnikov. Ne divujtesja, čo my katholiki, svoju Holovu nazývujeme: "Svjatijišij Otec". Chibaž rossijska Cerkov ne kaže, čo neju upravľaje "Svjatijišij Sinod", a precii ne virit, čo jeho členy je svjatymi."

"Tomu to rossijskij pisateľ Rjabynin v svoich "Bylinach" piše: "Čilkom jasno, čo hovoreňe antipapistov (sebto protivnikov Papov) pro značiňe Papstva poľahaje zovsim na ložnoj podstavi. Rimskij Papa ne Boh, ne Christos, ne Svjatij Duch, jak to starajutsja vmoviti v lechkoviňnych ľudij vsi papofoby (sebto ti, čo curajutsja Pappy), a po prostu verchovnyj Praviteľ Cerkvi Christa, na zemľi i v zmysľi Namisnik Christa, jak Toho, čo osnovav Cerkov."

Nepomiľnosť Papy.

"A preciiň vy, katholiki, vyrazno kažete, čo Papa je nepohřišnyj, značitsja, ne može zhřišiti" — perervav choryj.

"Os' v tom-to i bida, čo vy často podsuvajete katholikam taki riči, pro jaki oni ani dumajut" — hovoriv ďalše o. Petro. — "Nepohřišnyj" ne značiť, čt oPapa ne može zhřišiti, a toľko, čo Papa v nauci Christovej ne može pomylitisja."

"A chibaž se ne na odno vychodit? Vy čelovika robite neomyľnym, robite Bohom" — perervav choryj."

"N'i brate" — odpoviv o. Petro. — "Ne my, katholiki, robime Papu nepomyľnym, a зробila jeho takim voľa Isusa Christa".

"N'im rozkažu pro se, spytaju Tebe brate, nasampered: Či može Christos zrobiti, čtoby čelovik v jakijš spravi ne moh pomylitisja?"

"Tak, bez sumňivu. Christos je vsemohusčim Bohom, tož i može zrobiti, čtoby čelovik v jakijš spravi ne moh pomylitisja" — odpoviv choryj:

"Či se bude zasluha čelovika, čo on ne bude moh pomylitisja? — pytav ďalše o. Petro.

"N'i, se ne bude zasluha čelovika, se bude Božij dar" — odpoviv choryj.

"Či čerez se sej čelovik vže ne bude moh zhřišiti, bude svjatym? — pytav ďalše o. Petro.

"I se ni" — odpoviv choryj — "bo čo inšoho značiť: "Čto ne može pomylitisja", a čo inšoho: "Čto ne može zhřišiti."

“Duže dobre hovorite” — moviv o. Petro — “v tīm hodimesja zovsim. A teper' skaziť meňi, po čto prijšov Christos na sej svit?”

“Jak to, po čto?” — odpoviv choryj. — “Čtoby nas otkupiti.”

“Dobre” — hovoriv o. Petro. — “A či Christos vže bolše ničoho ne d'ilav, jak byv tut na zemli?”

“N'i” — skazav choryj. — “Christos takož učiv Iudej.”

“A čohož učiv Christos?” — pytav dalše o. Petro.

“Christos učiv, jak treba viriti i jak treba žiti, čtoby dostatisja do neba” — odpoviv choryj.

Zovsim spravedljivo” — prodovžav o. Petro. — “Značit sja, čtoby Iudi mohli dostatisja do neba, musjať tak viriti, i tak žiti, jak učiv Christos, bo nakoli buduć inakše viriti, abo inakše žiti, to ne buduć mohli dostatisja do neba.”

“I n atoj nauci duže zaležalo Isus Christu. On precij vyrazno skazav v svojej propovidi na hori, čto mine nebo i zemľa, a z Jeho slov, sebto nauki, ne propade — ne zminitsja — ni odno slovo, ni odin značok. Značit sja, Jeho nauka bude do konca svita nezminna, v Jeho nauci ne zajde nikoli pomyľka (blud).” —

“Ta se pravda” — dokinuv choryj.

“A ktož učit Christovoj nauki?” — hovoriv o. Petro.

“Kto? Cerkov” — odpoviv choryj.

“Možet prote Cerkov pomyľitisja v nauci Christa?”

“N'i! Cerkov v nauci I. Christa ne može pomyľitisja” — skazav choryj.

“Tož musiv Christos dati svojej Cerkvi dar nepomyľnosti i to v nauci, jak treba viriti (v nauci viry) i v nauci, jak treba žiti (v nauci obyčajov, moraľnosti). Či ne tak?”

“Tak d'ijstno” — hovoriv choryj. — “Nakoli Christos dľa spa-seňa Iudej umer na kresti, a seho spaseňa ne mohuť osjahnuti ti, čto ne virjať abo ne žijuť tak, jak učiv I. Christos, jakij z Iubvi do Iudej choťiv umerti, musiv choťiti takož tak zabespečiti svoju nauku, tak jej ochraniti pered vsjakimi pomyľkami, čtoby one vse byla toju samoju, jakoj On učiv.”

“Vy dumajete zovsim dobre” — skazav o. Petro. — “Christova Cerkov musit byti nepomyľna.”

“Ktož v Cerkvi je neomyľnyj? I. Christos dav vlast učiti svojim apostolam, koli skazav do nich: “Id'it' v svit i učit' vsi narody” i sja vlast perejšla na ich naslidnikov, sebto episkopov. Prote učiti v Cerkvi majut pravo episkopy, abo jak my kažeme: “Cerkov učasča”. I toj to “Cerkvi učasčoj” musiv dati I. Christos dar neomyľnosti.”

Nepomyšnosť katolíckej Cirkvi.

“A teper' postavľu Vam pytaňe: Kotraž z tych Cerkvej, čo nazývajúť sebe Christovymi, je d'jšno pravdiva Cerkov Christa?”

Choryj movčav.

O. Petro pytav ďalše: “Čomu ne odpovidajete?”

“Ne znaju” — promoviv ticho choryj.

“Vy ne znajete? Vy kandidat duchovného stanu i ne znajete, kotra Cerkov pravdiva?”

“Ja znav, doki ne čuv toho, čo Vy meni skazali” — hovoriv choryj. — “Ja dumav, čo pravdivoju Cerkvoju je Cerkov schodna, hrecka ta rossijska. A tut, ot Vas, počuv ja taki riči, pročítav taki knižki ta z vlasnych bohoslužebnych knih vyčítav take, čo nyňi uže ne smiju skazati, čo Cerkov hreko-rossijska je pravdivoju. Nam v seminarii, ne hovorili pravdu. My ne znali navit', čo učit naši, hrecki Otcy Cerkvi, my navit' ne zastanovľalisja nad tym, čo spivali v cerkvi. Knižok ne pozvoľali nam čitati, chiba ti, čo uživali do nauki, a v nich i zhadki ne bylo pro se; v nich na každoj kartci možna bylo vyčítati, čo katolícka Cerkov, se odna z najpohaňjšich vir.”

“Alež precij musit' byti des' pravdiva Cerkov Christova” — hovoriv ďalše o. Petro. — “Precij Christova pravda ne mohla propasti. Jej holosiv Christos ne lišeň dľa tych, čo žili s Nim, ale i dľa nas i dľa tych, čo buduť po nas d okonca svita. On,e, za nas pomer! My musime mati možnosť znať pravdivu nauku Christovu. Musit' byti Cerkov, v kotroj cilkom na pevno možna doznatisja, jak treba viriti i jak treba žiti, bo nakoli by takoj Cerkvi ne bylo, to či vinny byli by ľudi, nakoli by ne mali takoj viry, jakoj učiv Christos, abo ne žili tak, jak choťiv Christos? A nakoli ľudi ne byli by vinny, to či moh by Christos vyklučati ich za se ot vičného sčasta v nebi?”

“I taka Cerkov je! A je neju Cerkov katolícka!”

Choryj movčav.

“Vaše movčaňe” — hovoriv ďalše o. Petro — “je najľipšim dokazom, čo Vy sami priznajete katolícku Cerkov pravdivoju Cerkvoju Christa. Vam toľko ťažko pohoditisja s toju hadkoju. Vy tomu ne vinny, jak ne vinny milliony rossijskoho naroda, bo jakraz do vašich učiteľej odnosjatsja slova Christa: “Hore vam zakonnikom, jako vzjaste kľuč razuminija: sami ne vnidoste i vchod'asčim vozbraniste.” (Luka XI., 52.)

“Ale i meždu tymi, čo Vas učili, je čimalo takich, čo je perekonany, čo rossijska Cerkov je pravdiva. Ich tak navčili i tak oni učat inšich.” —

Nepomylnosť Papy.

“Ta my rozhovorili sja na dobre, a tut čas ne stoit. Vy priznajete, čo pravdiva Cerkov Christova musíť byti nepomylna, bo inakše ne bylo by pravdy na svitti. Toju pravdivoju Cerkvoju je Cerkov katolícka, a jej vidimoju Holovoju Papa Rímskij”.

“A teper’ okažiť samy. Či može byti, čtoby Holova pravdivoj Cerkvi Christovej upav v blud v tich spravach, za dľa jakich Isus Christos osnovav Cerkov i jeho postaviv Holovoju, sebto v tom, jak treba viriti i jak treba žiti, čtoby dostati sja do neba? Prečiň nakoli by Papa popav v nepravdu (vblud) v spravach viry i moralu, ta za nim popala by takož i cila Cerkov, bo cila Cerkov, vsi virny musjat’ jeho sluchati jak Holovu, bo i zvidki znati by im, čo on d’ijsno popav v blud. A tod’i propala by Boža pravda na zemli, tod’i cile velike d’ilo odkupeľna ľudského rodu, bylo by bez korysti; bez chosna byli by terpiňa i smert’ Christa. Bo jakij chosen byv z nich dľa ludej, nakoli by Holova, a s nim i cila Cerkov popala v blud i ne znala, jak treba viriti i jak žiti, čtoby dostati sja do neba?”

“Či može dopustiti do seho Christos, čtoby Jeho nauka propala? Chiba ne byv by pravdivym Bohom, a precíň i rossejska Cerkov virit, čo Christos je Bohom. Sv. Apostol Pavlo kaže: **“Asče Christos ne vosta, tsče ubo pro povidanie naše, tsča že i vira naša.”** “Nakoli Christos ne voskres, to pusta naša propovid’, pusta naša vira”, a ja Vam skažu, nakoli by Papa, jak Holova Cerkvi, jak najvyššyj Učiteľ i Pastyr’ moh popasti v blud v spravach viry i obyčajov moralu, tod’i pusta cila naša vira, bo my nikoli ne znali by, de je pravda.”

“Se ne vydumka katolíkov! Seho domahaje sja prostyj rozum, se musíť priznati koždyj, čo viriť v Christa, viriť, čo Christos osnovav Cerkov, jakij dav vlast’ i obovjazok učiti nezniknych Bozych pravd”.

Molitva Christa za sv. Petra.

Preciň sam Christos skazav do sv. Petra, jak čitajemo u sv. Evanhelista Luki: **“Simone, Simone, se satana prosit VAS, daby sijav, jako pšenicu. Az že molich sja O TEBI, de ne oskud’ijet vira tvoja: i TY nihohda obrasčja utverdi bratiju tvoju”.** (Simone, Simone, otse satana prosit, čtoby rozsypav vas mov pšenicu, ale ja moliv sja za tebe, čtoby tvoja vira ne zmaľila i ty koliťto navernuvši sja, utveržduj svojich bratov.) (Luka XXII, 31—32.). A či nezmaľila by vira sv. Petra, nakoli by on v Christovej nauci popav v blud? Či moh by on utverždati v viri navit’ svojich bratov-apostolov, nakoli by sam zachitav sja v viri? A si slova odnosjat sja ne lišeň do sv. Petra, bo jak

my bačili, Christos osnovav Cerkov ne lišeň dľa Apoštolov ta tých Judej, čo žili rovnčasno s nimi, a dľa vsich i tomu vlast ta darjakij dav sv. Petru, dav ne toľko jemu samomu, a takož i vsim jeho následnikam, značit sja, Rimskim Papam. Ne lišeň za sv. Petra moliv sja Christos, čtoby ne zmaľila jeho vira, a za vsich Holov Cerkvi, jaki budú do konca svita”.

“Simi slovami kaže Isus Christov ne lišeň, čo vira Holov Cerkvi nikoli ne “zmaľije”, ale navit, čo chotby “braťa”, sebto episkopy, popapli v bludy, to Holovy Cerkvi budú ich v pravdivoj viri podderžovati. A či moh bo Papa utverždati v viri inšych bratov-episkopov, nakoli by sam chitav sja (bludov) v nej”?

“Čiž ne tak je v ľudskom tiľi? A Cerkov, po slovam Christa, čiž ne je Jeho tilom, a virny čiž ne je Jeho členami? Byvaje, čo odni abo druhij člen ľudskoho tila odpade, zhine, a čolovik vse taki bude žiti, bude čolevikom. A či byv by on čolevikom, či moh by on žiti, nakoli by otpala holova? N'i! On tohdy trup! Tož i Christova Cerkov ne mohla by žiti, musila by propasti, nakoli by Holova odpav od pravdivoj viry”.

Kamiň viry i Pastyr' stada.

“A jak duže zaležalo Christu na tom, čtoby Jeho virny znali pro se, čo Holova Cerkvi ne môže odpasti od pravdivoj viry, značit sja, ne môže pomyľitisja v nauci viry i obyčajov, vidko choť by z toho, čo ne odni raz priobicuje sv. Petru i jeho následnikam dar nepomyľnosti. Preciň, sče kolo Kesarii Filipovej, skazav Christos, čo Petro bude kamenem, podvalinoju Cerkvi. Može podvalina chaty zachitatisja, a chata ne zavalitisja? N'i! Nakoli zachitajesja podvalina, rozvalit sja cila Cerkov. Nakoli by Holova Cerkvi, jakij je jej podvalinoju, zachitav sja v viri, tod'i propala by cila Cerkov, cila Christova nauka, cile Jeho d'ilo odkupleňa”.

A slova, jakimi Chritos postaviv Sv. Petra Holovoju Cerkvi: **“Pasi moi ovcy, pasi moi jahňat'a”?** Jakij by to byv pastyr', nakoli by svoi ovcy ta jahňata provadiv na taku pašu, jaka mohla by im zaškoditi? Jakij by to byv Holova Cerkvi, nakoli by svojim virnym podavav duchovnyj korm (nauku), v jakim byla by otruja loži, bludu? Ce ne byv by pastyr' a razbojnik, čo rozbivav by svoi ovcy. Mohžež Christos pozvoliti na se, čtoby Jeho velike d'ilo, spaseňa zniščiv “pastyr’”, ta zavel virnych na zlu “pašu”, podav virnym nauku, v jakej oni znajšli by otroju loži, bludu”?

Jak može byti čolovik nepomyľnym?

“Se pravda, čto Vy kažete”, — perervav choryj — “ale jak može byti čolovik nepomyľnym”?

“Vam se divno, čto Chritos moh nemožnomu, hrisnomu čeloviku dati dar nepomyľnosti”? — hovoriv dalše o Petro. — “A ja Vam skažu, čto Christos dav čolovikom, i to ne odnomu, a millionam, sče bolšyj “dar”. Chibaž se na bolšyj “dar”, čto na prikaz čelovika, jestvo chľiba peretvorjuje sja v jestvo Najsvjatijšoho T'ila Christa, čto sam Boh sluchaje čelovika i na jeho slova staje prisletnym pod vidom chľiba i vina v Najsvjatišoj Tajni Eucharistii? Abo, či se ne bolšoj “dar”, čto čelovik-svjascennik slovami: “Ja tebe rozrišaju ot vsich hrichov tvoich”, — odpuskaje druhomu čeloviku hrichi i z Božoho voroha robit jeho Božoju rodinoju? Tak brate! Spravedlivo spivaje psalmopivec: “Čim je čolovik, čto Ty, Bože, postaviv jeho malo-čto menšym ot anhelov”.

“Ne odnu vlast', ne odni dar dav Christos čeloviku, jakoho ne dav anhelam. I vy priznajete si dary, a divujete sja i ne chočete priznati daru, jakim nad'liv Christos Holovu Cerkvi, choť dar nepomyľnosti v porovnaňu s inšymi darami, daleko ne tak velikij i čudnyj”.

Proti voli nasuvajut sja čeloviku na hadku slova Christa, skazanij do farizejov, čto oni cid'ať komary, a polikajut' velbludy. Vy ne divujete sja bolšym daram, a divujete sja menšiju. To tak samo, čto inžiner vybudovav koľkodesjat vež, čto verškami sjahajut až u chmary, a divovav sja i ne choťiv viriti, čto toj sam inžiner vybudovav prostu, zvyčajnu chatu”.

Nauka katolickoj Cerkvi.

“Tomu to Cerkov na posľidnym Vselenskom Sobori, čto odbyv sja v Vatikani, v Rimi, v roci 1870., oholosila dogmoju, sebte pravdoju, v jaku musjať viriti vsi pravdivy christijany, čto Rimskij Papa, koli, spovňujuči čin (urjad) Pastyrja i Učitel'a vsich christian, svojeju najvysšoju, apostol'skoju povahoju, vyskazuje NAUKU VIRY ABO OBYČAJOV MORALU, kotru povinna deržati CILA Cerkov, maje toj sam dar nepomyľnosti, jakim Božestvennyj Spasitel' nad'liv svoju Cerkov v nauci viry i obyčajov”.

Ložy vorohov Cerkvi.

“A ja čitav, čto na vatikaňskom sobori bolše, jak polovina episkopov, byla protivna nauci o nepomyľnosti Papy, a navit', čto slavnoszvisnyj episkop Štrossmayer, vyholosiv pered Papoju promovu, v jakij javno vyskazav, čto Papa ne je nepomyľnyj” — skazav choryj.

Blažennoj pamjati episkop Štrossmayer.

“I pro se Vam rozkažu” — prodovžav o. Petro. — “Nasampered treba Vam znati, čto episkop Štrossmayer nikoli ne hovoriv na sobori pered Papuju, bo promovy episkov v spravi nepomylnosti, odbyvali sja zavse na spoľnych zasidaňach členov sobora, na jakich Papy nikoli ne bylo. Promovu episkopa Štrossmayera ofaššovav odin byvyšj monach. A bylo se tak”.

“V simdesjatyh rokach, tod'i jak odbyv sja vatikaňskij sobor, živ v Meksiku, v Americi, monach, čto nazyvav sja Josif Eskudero. On polišiv monastyr' i choťiv ženitisja. Ta katholicka Cerkov ne pozvoľaje ženiti sja monachom, choť by oni i vystupili z monastyrja, i tomu Eskudero perejšov na lutersku viru i oženiv sja. A čtoby odomstiti sja na katolickoj Cerkvi, napisav knižku proti papskoj vlasti, v jakij vypečatav besidu, jaku ňiby-to mav vyholositi episkop Štrossmayer. Koli Štrossmayer pro se dovidav sja, oholosiv u vsich časopisach svita, čto on takoj besidy nikoli ne hovoriv, a Eskudero na smerteľnoj posteli priznav sja, čto besidu sfalšovav. Koliž tomu sim lit, pomer episkop Štrossmayer, tod'i vorohi Cerkvi perepečatali knižku Eskudera, bo vže ne bylo miž živymi toho, čto moh by proti seho zaprotestovati. Ne davno tomu vypečatali sju besidu i v rossijskoj movi i Vy musili jej čitati”.

“Tak” — otpoviv choryj — “V tej knižci bylo takož skazano, čto dejaki Papy byli jeretikami, tak primirom, čto Papa Ivann XXII. perečiv bezsmertnost' duši i čto jeho za se zložili z papskoho prestola na sobori v Konstancii”.

“Os' bačite, jakimi to dokazami vojujut vorohi Cerkvi” — kazav na se o. Petro. — “Jak mohli Papu Joana XXII. zložiti z papskoho prestola na sobori v Konstancii, koli on umer na 80 lit pered soborom. Vpročim Papa Ivan XXII. nikoli ne perečiv bezsmertnosti duši.”

“V toj knižci bylo napisano, čto Papy zmiňovali neraz se, čto postanovili ich poperedniki, značit sja, ich poperedniki byli pomyľny” — dokinuv choryj.

“Tak!” — skazav o. Petro. — “Papy neraz zmiňovali postanovy svoich poperednikov, **ale v čim?** Či v nauci viry ta obyčajov? N'i, seho nikoli ne bylo. Zmiňovali, ale v spravach upravy Cerkvi, v spravach, jaki s viroju ta obyčajami ne majut ničoho spoľneho. V takich spravach Papy je tak samo pomyľni, jak i proči ľudi. Čto boľše! Papa, koli hovorit, abo piše jako privatnyj čolovik, može pomyľiti sja navit' v nauci viry i ybičajov. On e nepomyľnyj toľko tod'i,

koli hovoriť jak Namisnik Christa i Najvyššij Učiteľ vsich christian”.

“A se, čo bolšie jak polovina episkopov holosovala proti nepomylnosti Papy, či se pravda”? — pítav choryj.

“Taka sama, jak se, čo mav hovoriti bl. p. episkop Štrossmayer. V časi, koli hovorili pro sju spravu na sobori, byli dejaki episkopy protivny, ale ne samoj nauci, a tomu, čtoby jej ohološovati dogmoju Cerkvi, choť priznavali, čo tak virila za vse katolicka Cerkov. Koliž prišlo do holosovaňa, to na 535 episkopov, jaki holosovali, bylo dvoch protivnych sej nauci. Ale koli sju nauku oholešeno dogmoju katolickoj Cerkvi, tod’i i tych dvoch i vsi proči, jaki ne byli na sobori, priznali jej, jako nauku Bohom objavlenu. Na 1000 katholicich episkopov, bo tolko meňše-bolšie bylo ich tod’i na sviťi, ni odni ne zaprotestovav proti sej nauki”.

Či nauka pro nepomylnost Papy je nova pravda viry?

“Ale vse taki se nova pravda viry” — dokinuv choryj.

“N’i, brate” — hovoriť dalšie o. Petro. — “Katholicka Cerkov ne vydumuje novych pravd viry, a tolko čas ot času, ohološuje ti, jaki mištatsja v objavlenuj nauci Christovoj.”

“Čto i v peršich vikach christiany priznavali Papu nepomylnym v nauci viry i obyčajov, majeme najlipšij dokaz v tom, čo koli v V. vici část Hrekov pod provodom patriarcha Akakija, popala v jeres’, tod’i priňato nazad do Cerkvi tolko tich, čo podpisalisja na ispovidanie viry, jake uloživ Papa Hormizda, v kotrom skazano, čo vsi, čo choťat spasti svoju dušu, musjat hodoťisja s viroju rimskoho prestola, jakij chraniv zavse viru čistu i bez bludu. Čtož se je, jak ne to, čo cila Cerkov priznavala, čo Papa Rimskij ne može otpasti od pravdivoj viry Christovoj.”

“Podobny ispovidania viry podpisovali latiňski i hrecki Otcy Cerkvi na soborach, v Carhorod’i v r. 869, v Lion’i v r. 1274 i v Florencii v r. 1439. Značit sja, Otcy sich soborov virili, čo nauka, jakoj deržitsja Papa Rimskij, je naukoju pravdivoju, čt oproté Papy od pravdivoj viry ne možut otpasti, je nepomylny.

**A čomuž Cerkov ne oholosila nauki pro
neomylnost Papy davňijše.**

“A čomuž Cerkov ne oholosila sej nauki skorše?” — pytav choryj.

“Čomu?” — otgoviv o. Petro. — “bo ne bylo potreba. Os’ vam primir. Maje batko kol’kich synov, jaki s nim razom hospodarujut. Spilno pracujut, spilno jid’at, spilno kupujut odežinu. — Miž tym

odin z synov stav čas oť času brati sobi desčto z hospodarstva i prodavav dľa sebe. Dovidavsja pro se batko, sklikav synov i kaže: “D’iti! Ne voľno nikomu prodavati abo kupovati sobi čtos’ na vlasnu ruku!” Značit sja, batko ohološiv zakaz. A či pered tym voľno bylo synam prodavati na vlasnu ruku? N’i! I pered tym ne bylo voľno, ale batko ne ohološovav seho, bo ne bylo potreba, poneže ne bylo slučaju, čto by kotryj iz synov brav sobi desčto na vlasnu ruku. Tak samo i s dogmami katolíckoj Cerkvi.”

“Katolícka Cerkov zavse virila, čto Papa v nauci viry i obyčajov (moraľu) je nepomyľnyj, jak se korotko, ale jasno skazav Sv. Augustin slovami: “Rim skazav, sprava skončena”. Koli odnak dakto začav učiti, čto Papa može pomylitisja v nauci viry i obyčajov, tod’i Cerkov zobrala svoich d’itej i oholosila vsim, čto kto učiv by, čto Papa može pomylitisja v nauci viry i obyčajov, sej učiv by čtos’, čto protivitsja viri katolíckoj Cerkvi, značit, učiv by jeresi (ložnoj viry).”

“A ti, čto pered vatikańskim soborom ne priznavali Papy nemyľnym, či byli jeretikami?” — spytav choryj.

“Čto by se vam pojasniti, ja vernu do primiru, jakij tolko čto naviv” — odpoviv o. Petro. — “Či toj syn, čto pered zakazom batka prodavav na vlasnu ruku desčto z hospodarstva, robiv dobre či zle?”

“Ta pevno, čto zle!” — skazav choryj.

“A či byv on zlod’iem?” — pytav daľše o. Petro.

“Ta ne znati” — odpoviv choryj. — “Jak znav, čto voľa batka byla, čto by nikto ničoho ne prodavav na vlasnu ruku, to taki byv, ale jak neznav i dumav, čto se ne protivitsja voľi batka, to ne byv, bo robiv v dobroj viri, tož i ne mav hricha, bo čto by mati hrich, treba znati, čto robiťsja zle.”

“Tak samo i s dogmami” — hovoriv daľše o. Petro. — “Oť vatikańskoho sobora vsi znajut, čto posľa nauki katolíckoj Cerkvi Papa je nepomyľnym. Nakoli nyňi ne choče kto priznati jej nauku, u seho je vže zla voľa i on je spravdešnym jeretikom. Nakoli odnak kto ne priznavav sej nauki pered vatikańskim soborom, sej ne musiv byti jeretikom, bo moh ne znati, čto taka je nauka Cerkvi i moh ne mati zloj voľi.”

Rozvoj dogmy.

“A či katolícka Cerkov bude sče koli ohološovati jaki dogmy?” — pytav daľše choryj.

“Čomu ňi?” — odpoviv o. Petro. — “Jak tolko zajde potreba. Ona ne bude vydumovati novych pravd, a tolko ohološovati ti, jaki

je Bohom objavljeny, ale ne ohološený. Nauka Cerkvi je podobna do zerna horčici, jak se skazav I. Christos. Ono najmeňše iz vsich, ale koli rozrostedja, to staje velikim derevom. Zerno maje v sobi toľko zarodok dereva, ale iz zerna roste drevo. Tak samo i s dogmami katolickoj Cerkvi. Oni mistatsja v objavlenoj nauci Christovoj mov v zerni i z nej rozvivajutsja. Ničo ne može byti dogmoju viry, čo ne mistitsja v Christovoj nauci mov v zerni."

Či každýj Papa je nepomyľnyj?

"A Papy, čo byli hrišnikami, či mali takož dar nepomyľnosti?" — pospytav choryj.

"Tak" — odpoviv o. Petro — "bez najmeňšoho sumňivu, bo dar nepomyľnosti, se dar, jakij Isus Christos daje Holovi Cerkvi, ne dľa jeho ličnoho dobra, a dľa dobra ciloj Cerkvi i tomu Papa ne tratit jeho čerez hrich. Čtoby vam se ľipše pojasniti, ja postavľu odno pytaňe."

"Či miž svjasčennikami je hrišniki?"

"Tak" — odpoviv choryj.

"A koli takij svjasčennik-hrišnik skaže pri sv. Liturgii tainstvenny slova, či chľib perejestvľuje sja v Najsvjatijshe T'ilo?"

"Tak"—skazav choryj. — "Onžež je svjasčennikom, maje vlast'."

"Ale on hrišnik" — perervav o. Petro.

"To čo z toho?" — prodovžav choryj. — "Čerez hrich on ne tratit sej vlasti; nakoli by trativ, tod'i virny nikoli ne mohli by znati, či v Sv. Liturgii nastupilo peretvoreňe chľiba v Najsvjatijshe T'ilo či ňi, abo inšimi slovami, či byla Sv. Liturgia či ňi, bo nikoli ne mohli by byti pevny, čo svjasčennik je bez hricha."

"Sovsim spravdливо" — prodovžav o. Petro. — "Nakoliž svjasčennik čerez hrich ne tratit vlasti svjasčenničoj, to tomu mav by Papa čerez hrich tratiti dar nepomyľnosti. Chibaž tod'i virny mohli by znati na pevno, koli jeho nauka je pravdiva, a koli ložna?"

"Ono cilkom jasne" — skazav choryj. — "Preciň Juda d'ľlav čuda, jak se vidko iz slov sv. pis'ma, a seho daru ne utrativ, choť byv zlod'ijem?"

Strašnyj voroh Božoj pravdy.

"Oдно toľko sče ne daje meňi supokoju" — prodovžav choryj. — "Vy skazali poperedňoho razu, čo po slovam sv. Pavla, žena v Cerkvi ne maje holosu. A ja čitav, čo Papoju byla raz žena. Či ona byla takož nepomyľna?"

“I vy virite vo se, čto Papoju byla žena?” — skazav o. Petro. — “Vy virite v otsju nisenitnicu, jaku vydumali vorohi Christa, čto by ne liseň zbesčestiti katholiccku Cerkov, ale i cilu christiansku viru? Jej stydajutsja nyňi navit’ ti, čto jej vydumali. A vydumali oni jej tod’i, koli to sče možna bylo skazati jaku bud’ nisenitnicu, a ludi virili. Ale nyňi, koli nauka istorii tak rozvinulasja, čto istoriki neraz znajut lipše se, čto dialosja tomu tysjaču lit, niž se, čto d’ijesja nyňi, **nyňi vže v otsju bajku nkto ne virit**, bo vsi znajut, čto tod’i, koli otsja žinka mala byti Papoju, byv Papoju sovsim kto inšij. — Nyňi je se tak zahaľno zvisno, čto ja navit’ divujusja, čto vy, kandidat duchovnoho stanu, možete sče v tom sumňivatisja? — Čejže vam seho ne hovorili vaši učitelj?”

“N’i!” — odpoviv choryj. — “Ale ja se čitav v odnoj knižci na seli.”

“Tak, ja seho i dohadovavsja” — prodovžav o. Petro. — “Nema horšoho nesčasta, jak otsi knižočki, čto to ich pišut zaslipleny, abo taki sovsim slipy vorohi Cerkvi. A sče jak taka knižočka dostanesja pomiž prostyj narod, čto virit u vsjo, čto drukovane, tod’i ona nakujet tolko licha, čto i sto najlipšich bohoslovov ne napravit seho. Bo se ne trudno skazati na kohos’, čto on zlod’ij, ale jak semu b’idnomu dokazati, čt oon ne je zlod’ij?”

“Svjaty vaši slova, otče Dobrod’iju” — perervav choryj. — “Ne maje naš čelovik horšoho voroha, jak otsi knižočki, čto to kidajut sja mov skaženy na vsjo, čto svjate. Rujnovati ta buriti ne štuka, ale zbudovati, os’ v tom rič. Odnym udarom molotka možna rozbiti najkrasšu rič, a kolko to trudu stojalo zrobiti jej?”

“Ale, čto by vy ne dumali, čto ja choču pered vami čto nebud’ zakryvati, to ja rozkažu vam pro te, zvidki vzjalasja otsja bajka pro Papu-ženu” — hovoriv daľše o. Petro. —

Či Papoju byla koli žena?

“Otsja nesčastna žena, po slovam vorohov Cerkvi, mala byti Papoju v roci 855. i pod imenem Papy Ivana, rjaditi Cerkvoju boľše jak tri roki.”

“T’i časy, sebto devjate ta desjate stolite, se najsumňijši časy istorii Cerkvi. Tod’i to spravd’i zasidali na apostofskich prestolach Papy, jaki ne byli hodny seho najboľšoho dostoinstva. A pričinoju seho bylo, čto **tod’i vybirali Papu ne samy svjasčenniki, a šľachta, jaka choťila mati na papskich prestolach takich ludej, čto išli by jej na ruku.**”

“Šlachta ne dbala pro se, čtoby Papoju byv Božij čelovik, a toľko, čtoby on byv dobryj dla nej, ta popirav jej spravy. Osobenno odna šlachotska rodina, grafov toskaňskich, uživala vsjakich najohodňjších sposobov, čtoby na apostoľskom prestoli zasidali taki ľudi, jaki robili by se, čto ona choťila. V toj to rodiňi byli tri žensčiny, mati Teodora, i jej doňki: Teodora i Marocia. T'i ženy dopuskalisja pri vybori Papov jak najohidňjších zločinov, čtoby toľko vybrati takoho, jakij im byv vpodoby na to, čtoby opisla rjadiv v Rimi ne Papa, a oni. Tomu to i hovorili tod'i, čto v Rimi rjadit ne Papa, a ženy. Zvidsi i pošla vydumka, čto Papoju v Rimi byla žena.”

“Ta či se mohlo byti, osud'it' samy. V tam časi, koli to otsja. Joanna mala byti Papoju, vstupiv protiv Papy, najbolšij voroh katholickej Cerkvi, Fotij, pro kotroho my vže hovorili. Čtoby opravydati svoj vystup, on zbirav vsjaki najdrobňjši zakidy proti katholickej Cerkvi, os' primirom, čto rimska Cerkov v posti ne spivaje “Alliluja” i taki inši. Jak vy dumajete? Nakoli by tod'i na pap-skim prestoli zasidala žena, či Fotij ne byv by seho vykorystav, ne byv by holosiv na cilyj svit, čto os'to žena je Holovoju Cerkvi. — A precii on ani slovom ne zhadav pro se. A byv se provornyj čelovik, čto umiv navit' došukovatisja zakidov tam, de ich sovsim ne znajut! I on zamovčav by pro taku pod'iju?”

“Vpročim majeme cilkom pevnny dokumenty, čto Papa Lev IV. pomer v lipňi roka 855, a po nim bezposeredno sľidovav Papa Benedikt III., do roku 858. Po Benedikti, čerez desjat lit, rjadiv Cerkvoju Papa Sv. Nikolaj I., za jakoho vystupiv Fotij. Dež tut čas, v jakim mala byti Papoju žena?”

“Nyňi sju kazku odkinuli i najzahoriľši vorohi Cerkvi. Ona тов-česja sće chiba po mozgach ľudej, jaki pro istoriju, abo ničoho ne znajut, abo znati ne choťat.” —

Či byli Papy hrišniki?

“Ale byli Papy, čto veli bezbožne žite?” — zapytav choryj.

“Tak” — odpoviv o. Petro. — “Seho nikto ne perečit'. — I miž Apostolani znajšovsja takij, čto zradiv Isusa Christa. Ja-ž precii kazav vam, čto Papy je ľud'mi z takoho samoho tila, jak my. Ich tak samo tahne do hricha, jak nas. Byli hrišny Papy, navit' duže hrišny, ale se jakraz je dokazom, čto choť jakimi hrišnikami byli de-jaki Papy, to ni odin z nich ne oholosiv nauki, jaka protivila by sja nauci Christa. Značit sja, nad každyj Papoju, tomu, čto on je Pa-

poju, Holovoju Cerkvi, Christos roztahaje taku opiku, čto ne dopustiť, čtoby on odpáv od pravdivoj viry.”

“I pro se varto zhadati, čto choť jak nizko upali byli dejaki Papy, to Christova Cerkov, pri Božoj pomoči umika protahom koľkonadejatoch lit, z najhlubšoho upadku, ponižeňa, podnestisja na sam veršok sily i svjatosti. Tak bylo i po sich sumnych časach, pro jaki ja zhadovav, tak byvalo i pozdňiše. Vidko, čto Cerkvoju opikuje-sja vyšša, Boža sila.” —

Čto to byla inkvizicia?

“A či byli Papy, jaki mali svoich katov ta veli inkviziciu, na jakij strašenno-mučili ludej?” — pytav daľše choryj.

“Se takož odna z tich kazok, v jakij peremišano hrišno s pravednym, pravdu s ložiju” — odpoviv o. Petro — “i jakoju tumanitsja ludej, čto ne v sili rozobrat, de pravda, a de lož. Os’ posluchajte.”

“Inkvizicia byla spravg’i, ale **ne treba mišati inkvizicii cerkovnoj s inkvizicijeju svitskoju**. Cerkovna inkvizicia byv to cerkovnyj sud nad jeretikami, sebto timi, čto holosili nauki, protivny nauci Cerkvi. Nakoli bylo podozriše, čto ktos’ byv jeretikom, tod’i zavzyvali jeho pered cerkovnyj sud, jakij vypytoval jeho pro nauku. Koliž sej sud iz zoznaň zavozvannoho poznav, čto jeho nauka protivitsja d’ijstno nauci Cerkvi, tod’i ohološovav, čto nauka toho a toho čelovika, protivitsja nauci Cerkvi, čto jej ne naležit sluchati, korotko, čto on je jeretikom. Se bylo tym boľše potrebno, čto **tod’išny jeretiki, to ne byli supokojny ludi, ale podobny do našich anarchistov i dopuskalisja neraz strašnych nasil’stv i ubijstv**. Se byla cerkovna inkvizicia.”

“Sovsim čto inšoho byla svitska inkvizicia, abo jak jej nazyvajut inkvizicia ispaňska. Se byla ustanova čisto deržavna. Koli jakijs’ korol’ či knjaz podozrivav koho, čto on trimaje s jeho vorohami, tod’i stavili jeho na sud, de pitkami (torturami, mučeňem) staralisja do-byti z neho pravdu. Sej sud nazyvavsja takož inkvizicijeju. S cerkovnoju inkvizicijeju ne mav on ničoho spoľnoho, čiba odnu latin-sku nazvu “inkvizicia”, čto po našomu značit tolko čto dopyt. Byvalo i take, čto na sud deržavnych inkvizicij stavleno neraz i ludej sovsim nevinných, čtoby pozbytisja ich ta zahornuti ich majno do deržavnoj kasy. Taki inkvizicii byli i v rožnych deržavach, a najstrašňišja z nich to byla ispaňska.”

“Pravda, byv čas, čto na čolī toj ispaňskoj inkvizicii stojali Dominikany, primirom Torkvemada, ale tod’i spravovali oni svoj urjad

ne z prikazu Cerkvi, a jak urjavniki deržavny, z volí korola. Tomu to i Cerkov za ich d'íla ne odpovídaje. Čto bolše! Papy duže často osobnymi pis'mami upomínali koroľov, čtoby ti zališili dopytovatí ludej mukami, ale čtož, koroľi ne choťili sluchati holosu Cerkvi."

"Os' tut majete primir, jak to vorohi Cerkvi vojutut protiv nej. Raz vydumujut riči, jakich nikoli ne bylo, a druhij raz pomíšajut odno s druhim i se, čto robili inši, pripisujut Cerkvi."

Choryj sluchav uvažno slov o. Petra. Čto tam d'íjalosja v jeho duši, pr ose znav odin Boh, ale z jeho očej i tich pytaň, jaki staviv, možna bylo dohadovatisja, čto davna nenavist' i uperedžeňe (pred-rozsudok) do katolickoj Cerkvi ustupali, a na ich misce rodilosja bažaňe poznati pravdu. Po chviľi movčanki, skazav choryj:

Či potrebna cerkovna deržava?

"Sče odno bud'te laskavy pojasniti meňi. Posčto Papam deržavy? Preciň ňi Christos, ňi sv. Petro ne mali deržavy?"

"Pytajte, počto Papi deržavy?" — odpoviv o. Petro. — "Ono vyhladaje na peršij pohlad, čto Papi spravd'i ne potreba deržavy, ale koli prihľanemesja spravd'i trocha lípše, to prijdeme do perekonaňa, čto Papi taki potreba deržavy. Ne chodiť o se, či sja deržava bude velika. Najby ona ne zajmala bolše prostoru, jak chata, ale Papi treba mati take misce, de on byv by svojim vlasnym panom i ne podľahav nijakomu kňaz'u či koroľu, nijakoj svitskoj vlasti."

"A se čomu?" — spytav choryj. — "Preciň i svitska vlast' pochodit ot Boha."

"Pravda, čto svitska vlast' pochodit ot Boha," — odpoviv o. Petro — "ale ti, čto deržať jej, ne sovsim žijut so soboju v zhod'i. Najby tak koroľ, v jakoho kraju meškav by Papa, byv v nezhod'i s druhim koroľem. (Jak i v teperišňoj europejskoj vojňi Anglii, Francii, Rosii ta Italii oprotiv Austro-Uhorsčiny i N'imecčiny. Red.) Po čijej storoňi musiv by stanuti Papa? Svomu koroľu on musiv by prisjahati na virnosť i dľa prisjahi musiv by stojati na jeho storoňi. A jak by pravda byla ne po storoňi jeho koroľa, a po storoňi koroľivskoho voroha, čto tod'i?"

"Tod'i musiv by stanuti Papa po storoňi voroha" — odpoviv choryj.

"A čto skazav by tod'i jeho koroľ?" — pytav o. Petro. — "Skazav by, čto Papa zlomiv prisjahu virnosti, bo stoit po storoňi jeho vorohov i moh by, opirajučisja na svojej vlasti, suditi Papu jak zradnika. Či ono vyjšlo by na dobre Cerkvi, koli by Papa musiv ohla-

datisja na se, čto skaže jeho korol? A tak, koli Papa maje svoju državu, tod'i on nikomu ne prisjahaje na virnost, on tod'i svojim vlasnym panom i staje po toj storoži, po čijej pravda, a nikto ne smije jeho potahnuti do otvičalnosti. Papa musit byti sovsim slobodnym, musit byti ponad vsimi korolami i čisarami, on musit byti otcem vsich, tak kňazov, jak i nekňazov. Papa je dľa vsich i koli kto staje Papoju, musit zabyti o tom, čto on N'imec, Francuz či Italianec, a pamjatati toľko, čto on je Papoju."

Zasnovaňe cerkovnoj deržavy.

"A precin z počatku Papy ne mali svojej deržavy" — skazav choryj.

"Bo i ne bylo jej potreba" — odpoviv o. Petro. — "Se byli sovsim inši časy! Papa v peršich vikach christijanstva, choť ne mav svojej deržavy, byv v Rimi i na cilom sviťi tak považanyj, čto ne to čto christiany, ale navit diki Huny sluchali jeho. Papa Lev Velikij svoimi opomneňami skloniv korol'a Hunov, Atilu, a odtak korol'a Vandalov, Gajzerika, čto oba odstupilili ot oblohi mista Rimu. I tak bylo ne raz. Ta poznijše, v serednich vikach, v jakich kňazy beznastanno provadili so soboju vojny, a inši, čto meškali v Italii, raz v raz napadali na Rim i ne davali Papi vykonavati svojej vlasti jak Holovy Cerkvi, tod'i treba bylo dokonče, čtoby Papa mav svoju deržavu. I tod'i spravd'i ona povstala."

"Pobožny ludi z daveň-davna zapisovali zemľi dľa "Prestola Sv. Petra", a pobožnyj korol Pipin ta jeho syn, Karlo Velikij, pobivši vorohov Cerkvi, darovali apostolskomu prestolu po vičny časy čast Italii."

"To Papy mali svoje vojsko?" — perervav choryj. —

"Tak" — hovoriv dalše o. Petro — "bo musili boroniti svojej deržavy pred vorohami. A hospodar' ne bude boroniti svoho gazdovstva protiv razbojnikov? Papy pamjatajuči pro se, čto cerkovna deržava ne je ich vlasnostu, a vlasnostu apostolskoho prestola, dobrom Cerkvi, boronili jej dľa dobra Cerkvi. — Precin i nyňi musit svjascennik boroniti cerkovnoho dobra."

Aviňionska nevoľa.

"Ale byv čas, čto Papy pokinuli svoju deržavu i meškali u Francii?" — dokinuv choryj.

"Byli" — prodovžav o. Petro — "i se duže sumny časy dľa Cerkvi. Jakraz sich 70 lit, jaki Papy ne meškali v Rimi, a u Francii,

v Avinioni, je najlipšim dokazom, čo se, čo ja toľko čo skazav, je pravdoju. Čerez tych 70 lit,¹ byli Papy poddannymi francuzskich koroľov, jaki primušovali ich popirati interesy Francii proti inšich deržav."

"I čož vyjšlo iz toho? Po smerti Papy Hrihoria XI. vybrali Papoju Urbana, jakij ne chotiv meškati v Avinioni, a ostavsja v Rimi. Tod'i prichiľny Francii kardinaly, vybrali protipapu, jakij zaměškav v Avinioni. Nastav krajnyj nelad v Cerkvi. Christiany ne znali koho sluchati. Vsi potratili holovy, zjichalisja na narađu do mista Pizy i vradili, čo oboch Papov treba zložiti, a vybrati novoho. Jak skazali, tak i zrobili. Ta v tím bida, čo si, čo zobralisja na narađu do Pizy, ne mali prava zložiti zakonnoho Papy z jeho dostoinstva. Oba davňiši Papy ne chotili ustupiti, a sej, čo jeho vybrali na naraďi v Pizi, priznavav sebe takož Papoju. — Tak, čo misto dvoch bylo až troch takich, čo mali sebe za Papov."

Kto staršij, Papa či sobor?

"A čomuž sobor v Pizi ne mav pravo zložiti Papu?" — spytav choryj.

"A os' čomu" — skazav o. Petro. — "Raz, čo zobraňe v Pizi ne bylo soborom, a toľko zvyčajnoju narađoju, a po druhe, čo choťby zobraňe v Pizi navit' i bylo soborom to ne malo prava zložiti Papy, bo **Papa je nad soborom, a ne sobor nad Papoju.**"

"Jak to" — zapytav choryj — "to Papa je staršij jak sobor?"

"Tak!" — odpoviv o. Petro. — "I se vas divuje? A v rodiňi kto staršij, kto je nad nim? Či otec nad ciloju rodinoju, či rodina nad otcem? Či može rodina zobratysja i kazati: "My ne choćeme seho otca, bo on nam ne do podoby". Pevno čo ňi! Doki otec žije, abo doki sam ne ustupit' i ne oddast' svojej vlasti komu inšomu, dosi on otcem i holovoju rodiny."

"A vo hospodarstvi? Či hospodar' nad vseju čeladiju, či čelad' nad hospodarem? Či može čelad' zobratysja i kazati, čo ne choće seho hospodarja, a vybiraše sobi inšoho?"

"Tak samo je v katholickoj Cerkvi. Cerkov je velikoju rodinoju Christa, v jakoj otcem i hospodarem je Papa Řimskij. On maje po voľi Isusa Christa vlast' nad vsimi, a oni nad nim vlasti ne majuť i choť by vsi čtoś uradili, a Papa skazav, čo na se ne hoditsja, to vsi ich uchvaly ne majuť nijakoj sily i značěna."

"A jak-žež polahodžěno spravu s tymi troma papami?" — spytav choryj.

“V roci 1414. zobravšja Vselenskiy Sòbor do Konstancii. Dvoch papov zložilo dobrovoľno svoj urjad, a na tretoho, pro jakoho znav cilyj svit, što on ne je papoju, sobor ne zvažav zovsim i vybrav novoho Papu Martina V., jakoho priznav Papoju cilyj svit.”

“Os’ tut majete nahľadnyj dokaz, do čoho dochodiť, koli Papy podľahajuť jakoj nebud’ svitskoj vlasti. — Papa musiť byti nezavisimyj.”

“A teper’, či je otsja deržava?” — pytav choryj.

“Je, choť duže maleňka” — odpoviv o. Petro. — “Italijskiy korol Viktor Emanuil, čtoby rozšíriti svoju deržavu, zaňav v roci 1870. cilyj cerkovnu deržavu, polišajuči Papi, jak nezaležnu oblasť, časť mista Rimu, zvanu Leonovoju. Za se, što korol zrabovav cerkovnu deržavu, uchvaliv italijskiy parlament platiti Papi ročnu platňu 3 i pol milion frankov, ta Papa sej platni ne priňav.”

“Ne priňav zviž tri miliony?” — zaklikav začudovanyj choryj. — “Os’ bač!”

“Ne priňav” — hovoriv ďalše o. Petro — “bo koli by byv priňav, to vyhladalo by, što Papa hodiťsja na sju krivdu Cerkvi, jaku zapoďijav korol. Cilyj svit oburivsja na otseho korola-rabovnika, a Papa oholosiv vsim, što Cerkvi stalasja krivda, i što oni uvažaje sebe vjaznem. Tomu to i Papa iz svojej častiny mista nikoli ne vychoďiť, čtoby ne stupati po zemli toho korola, što zrabovav cerkovnoe dobro ta ne podľahati jeho vlasti.”

“Cilyj svit priznav Papi, što on i na sim maľom prostori je svojim panom i ne je poddannym italijskoho korola. Tomu to i panujuči svita majut pri palati papskoj v Vatikaňi, svoich zastupnikov, jak i pri vsich inšich dvorach panujučich. Takoho odporučnika, ambasadora, maje i rossijskiy car’. Papa rovnož, jak nezavisimyj volodar, maje pri dvorach panujučich svoich zastupnikov, što nazyvajutsja nunciami.”

“To Papa ne priňav platni?! A z čohož on žije?” — pytav cikavo-ďalše choryj.

“Ta Papa dľa sebe samoho vydaje meňše, čim ja dľa svojej rodiny” — odpoviv o. Petro. — “U Papy nema nijakich priňat, ni piv. Papa nihde ne byvaje. Papi samomu na uderžaňe vystarčila by zovsim taka parochia, jak moja.”

“Ale ja čuv, što Papa maje bohato služby” — perervav choryj.

“Spravd’i” — odpoviv o. Petro. — “Papa maje duže bohato rižnych urjadnikov ta služby, jakich uderžuje iz tich sotikov, što ich skladaje uves’ katholickij svit i nazyvaje “Petrovym hrošem”.

“A vse taki Papa je velikim panom” — perervav choryj.

“Panom? Kto vam se skazav? Teperišnyj Papa Pij X. pocho-
dit z prosto misčanskoj rodiny, a jeho prizvisče Sarto (kravec)
vkazuje, čto jeho rodina zajmalasja kravectvom.

“E, kažit svoje! Taki on je velikim panom. On navit ne choče
choditi, jeho nosjat v časi Služby Božoj na troňi ta cilujut v nohi”
— hovoriv dalje choryj.

“Al to vy po sim sudite pro jeho paňstvo? Tož znajte, čto Papy
v časi Služby Božoj nikoli ne nosjat na troňi a tolko v časi obcho-
dov. A v pročim nošeňe na velikom kryslí, abo, jak vy kažete na
troňi, ne je čtos' tak nadzvyčajnoho. Preciň davňijše, a v dekotrych
mistach sče i nyňi, je zvyčaj uživati vmisto povozov, lektik, jaki
nosjat sluhi. Koli Papu nesut na troňi, to tomu, čtoby tovy naru-
du, jaki tod'i zbirajutsja, mohli jeho bačiti ta oderžati od neho Apo-
stolske blahoslovenstvo.”

“A se, čto Papu cilujut' virny v nohu, to treba vam znati, čto oni
cilujut v krestik, jakij je vyšityj na obuvi, podobno jak na ruka-
vičkach episkopa. Sim cilovaňem okazujut virny vysoku počest' i
ľubov suproti Christovoho Namistnika. Vam divno, čto Papu cilu-
jut virny v nohu! A čto vy skažete na se, čto dijesja v hreckoj Cer-
kvi? Tam car'horodskij patriarch ciluje koľina abo i nohi nevirnogo
bisurmana, tureckoho sul'tana abo i jeho ministrov-vezirov. — Čto
ľipše? Či, čtoby virny z počesti cilovali nohu Christovoho Namis-
nika, či čtoby patriarch, holova hreckoj Cerkvi, cilovav nohu Turka?”

Choryj movčav, a o. Petro, pohľanuvši na hodinnik, stav prascati
sja s nim, bo musiv sče vydati rozporjadki dľa služebnych na za-
vtrijšij deň. Choryj lišivša sam, ta dovho sče rozдумovav nad
tym, čto počuv nyňi ot o. Petra.

VII.

OTPUST V DEN' PRENEPOROČNOHO ZAČAT'A.

V jakij tyždeň po posľidnoj rozmovy podužav choryj na stol'ko,
čto vže moh vstavati z ložka. Svojeju peršoju povinnoštu uvažav on
pojti do o. Petra i zložiti jemu sčiru pod'aku za opiku, jakoju sej,
razom so svojeju žonkoju, okružali jeho na ves' čas choroby. O. Petro
velmi zrad'iv, pobačivši choroho; zaprosiv jeho do svojej hostinnoj
komnaty i posadivši u vyhodnom krisli, stav rozpytovati pro stan
jeho zdorovľa.

Čto sponukalo Vasiľa Ivanoviča utikati z Rossii?

Choť iz zoznaň choroho, složenych 'sče toho dňa, koli jeho znajdeno ranenoho v lisi, o. Petro znav jeho imja i prozvisče, to odnak nikoli v rozmovi ne porušav seho pitaňa, bojači sja spominami dotknuti boľuchoj rany, jaku bez sumňivu musiv nositi nesčasnyj bihlec u svojim srdci. Nyňi choryj sam rozpočav pro se rozmovu."

"Ja prijšov, čto by vam, Vsečesnijšy Otče, zložiti sčiru pod'aku za vsjo čto Vy sd'ilali dl'a bidnoj siroty" — skazav choryj.

"To vy sirota?" — odpoviv o. Petro.

"Ňi otče, ja ne sirota u vlastivym zmysľi", — odpoviv choryj — "ja horš siroty, bo, choť maju otca i maťir, ta ledvy, či koli v žit'u budu ich 'sče bačiti. Ja nazyvajusja Vasilij Ivanovič Lomaniv. Moj otec je svjasčennikom v seli Bativ, kiivskoj gubernii. Mene oddali rodičy do duchovnoj seminarii i ja byv by jej skončiv, nakoli by ne nesčasnyj slučaj".

"O. Petro ne choťiv pitati pro pričinu, jaka sponukala choroho kinuti Rossiju, a utikati do Austrii. Znav tolko, čto on utik pered vojskom ta choryj stav sam rozkazovati".

"Ja byv vže na posľidnom roci seminarii, koli odnoho razu meže tovaryšami zavela sja rozмова pro pečat spovidi. Ja vyskazav hadku, čto svjasčennik obovjazanyj zavsehda doderžati pečati spovidi i nikoli ne voľno jemu zraditi jej, navit koli by chodilo o zradu deržavy abo o zahovor proti carja. Za se nakinuli sja na mene tovaryšy i kazali, čto svjasčennik obovjazanyj vyjaviti tajnu spovidi, koli ide o zahovor proti carja. Sprava donesla sja do upravy seminarii, mene зроблено buntovščikom i neblahonad'ožnym ta prohnano iz zavedeňa. Vslid za tym ždala mene služba v saldatach i to, chto znaje jak dovho i jak daleko od rodnych storon. Cile moje žit'e bylo zlomane. Ja ne mav odvahi jichati do rodičov, bo znav, čto moje prohnaňe, a sče boľše služba v saldatach, byli by dl'a nich strašnym udarom. Ja dovho rozдумovav nad sim, a v konci rišiv sja utikati za kordon ta šukati u čužych sposobu do žita".

"To posľa nauki rossijskoj Cerkvi, svjasčennik obovjazanyj vyjaviti tajnu spovidi, koli ide o zahovor proti carja"? — spítav o. o. Petro.

"Tak" — odpoviv Vasiľ Ivanovič — "ta iz sim ja ne moh nijak pohoditi sja. Po mojej hadci, tajna sv. spovidi je vyšša ponad vsjaki ľudski zhlady, i ne voľno jej nikoli zraditi."

"Spravd'i tak" — skazav o. Petro. — "Tak učit katolicka Cerkov. Navit koli by svjasčennik mav zoznavati pod prisjahoju, to mu-

siť zoznavati, čo ničoho ne znaje. Koľko to slučajov možna navesti, ale katolickij svjasčennik radšie pones smrť, neželi vyjaviv pered ľud'mi se, pro čo dovidav sja v sv. spovid'i"

"Tak to tak" — perervav Vasil Ivanovič — "u vas katolikov, inakše a inakše u nas. **U nas car' byvaje neraž staršij čim Boh**".

Jakij chram byv v parochii o. Petra?

Vyjavivši pričinu, jaka sponukala jeho do uteči za hranicu, si-d'iv Vasil Ivanovič jakijš čas zadumanyj, movby se priznaše vyčerpalo vsi jeho sily. Meže tym, pričinoju jeho zadumy byla žurba pro budúcnosť. Tak si-d'ili odin proti druhoho dobru chvíľu. — O. Petro šanovav smutok choroho, bo odčuvav, jaki to sumny hadki vorušajut' jeho um.

Tišinu perervav Vasil Ivanovič. On opitav, jakij chram je v parochii o. Petra, a pytav ne tak z cikavosti, jak radšie, čto by perervati nemilu movčanku.

"U nas chram Prečistoj D'ivy", — odpoviv o. Petro. — "V prazdnik Neporočného Začata u nas velikij otpust."

Počuvši taku otpovid', podňis Vasil Ivanovič holovu, a v jeho očach sľidno bylo zacikavleše.

"Čto se za prazdnik Preneporočného Začata?" — zapytavsjja.

"Se toj sam prazdnik, čo v rosijskoj Cerkvi nazyvaje sja: Začatie sv. Anny, 9-ho Hrudňa, Dekabrja".

"A dľa čohož vy nazyvajte jeho: Neporočne Začate?" — pitav ďalše Vasil Ivanovič.

Čto je Neporočne Začate Prečistoj D'ivy?

"My katoliki", — odpoviv o. Petro — "nazyvajeme jeho Neporočne Začate, čo začate Prečistoj D'ivy Marii bylo spravd'i neporočne, a Ona sama je d'ijstno neporočnoju".

"Čto se značit?" — spitav choryj — "pojasniť meňi. Ja uže deščo čuv pro se, ta ne točno. Ja čuv, čo vy, katoliki, robite Prečistu D'ivu bohineju".

"My?" — perervav o. Petro. — "Nechaj nas Boh chraniť ot seho. Sež bylo by idolopokloňstvom. Odin je toľko Boh, a Prečista D'iva Maria je toľko čelovikom. Os' ja vam rozkažu pro se".

"Vy bez sumňivu znajete nauku Cerkvi pro pervorodnyj hrich?"

"Tak" — odpoviv choryj. — "Se hrich, jakij učinili prarodiči v raju, a jakij so vsimi nasľidkami, karami perejšov na vsich ľudej."

“Na vsich” — perervav o. Petro — “s vyimkoju odnoj: Prečistoj D’ivy. Hrich pervorodnyj poľahaje v tom, čo čelovik prichodit na svit jak d’ita Božoho hñivu, pozbavlenyj sej pervisnoj svjatosti, jakuju nad’iliv Boh persich rodičov, koli ich sotvoriv, a jaku oni vtrátili čerez hrich neposluchu. Prečistu D’ivu Mariu ochraniv Hospod’ Boh od hricha pervorodného, značit sja, z ohľadu na zasluhi Isusa Christa, nad’iliv Ju od peršoj chvíli Jeja jestvovaňa svjatostu tak, čo Neporočne Začate je ne čo inšoho jak nad’ileňe Prečistoj D’ivy osvjačajusčoju laskoju ta inšimi česnotami v nazvyčajno vysokim stepeni od peršoj chvíli Jeja jestvovaňa. Prečista D’iva v objavleňu svjatoj Brigidy kaže: “Hospod’ Boh, jakoho ja mala privedi na svit, ne chotiv, čtoby ja ustupala v čistoťi pramateri Jevi, jaka byla sotvorenná bez hricha”.

“Sež precíň ně značit sovsim, čo Prečista D’iva je “bohineju”, bož i pramati Jeva byla takož sotvorena bez hricha, a ne byla “bohineju”.

Či davňijše bylo svjato v čest Neporočnoj D’ivy?

Choryj sluchav uvažno slov o. Petra, a vkonci skazav:

“Ale se svjato nove, v davnoj Cerkvi jeho sovsim ne bylo”.

“Bylo” — odpoviv o. Petro — “choť jinakše nazyvalosja, a čo najcikavijše to se, čo najdavňijši vistki pro neho, majeme jakraz v knihach hreckoj Cerkvi. Peršu vistku pro Neporočne Začate znachodime v pis’mach sv. Savy, okolo roku 485 po Christi. Perši pochvalny pisni v čest Neporočného Začata, napisav v semim stoliťu sv. Andrej Kristskij, toj sam, jakoho kanon spivaje i rossijska Cerkov. V os’mom stoliťu hološeno propovidi pro Neporočne Začate. Takož i sv. Teodor Studit v svojich besidach hovorit pro Neporočne Začate Prečistoj D’ivy. Z daven davna nazyvano v Cerkvi se svjato: Začatie sv. Anny”.

“Na čim-žež opirajesja nauka, čo Prečista D’iva je neporočna?” — spytav Vasil Ivanovič.

Jak veličaje Prečistu D’ivu schodna Cerkov?

“Zaki skažu vam, na čom opirajesja nauka katolickoj Cerkvi pro Neporočne Začate Prečistoj D’ivy, mušu zaznačiti, čo sama schodna Cerkov, vse odno, či hrecka, či rossijska, či inša, priznaje Prečistu D’ivu svobodnu od vsjakoho hricha, otžež i pervorodného. Zahľajte v Mineju ta pročítajte pisni, jakimi veličajesja Prečista D’iva v deň svoho Roždestva, dňa 8. Verešňa-Septembra, v deň

Vchoda v Chram, dňa 21. Padolista-Novembra, abo v deň Začatija sv. Anny, dňa 9. Hrudňa-Dekabrja. V tých pisňach Začate i Naroždeňe nazývajesja svjatym, prečistym, neporočnym, nevyrečennym, boholipnym, božestvennym, čudesnym. Koľko to razov v cerkovnych pisňach schodnoj Cerkvi čítajeme, čo Prečista D'iva je vysšaja nebes, čistijšoju vsich Anhelov i Archangelov i vsich nebesnych Duchov, preneporočnoju, osvjasčeennoju od začata, prenetľinnoju otrokovicuju, vseneporočnoju nevistoju, neskvernoju holubiceju, svjatopervočistoju, pochvaluju nebesnych Anhelov, čestnijšoju od Cheruvimov i slavnijšoju bez porovnaňa od Serafimov”.

“Nakoliž Prečista D'iva je čestnijša od Cheruvimov i slavnijša od Serafimov, to ne mohla nikoli mati na sobi jakoho nebud' hricha, bo ne mali jeho nikoli Cheruvimy i Serafimy, a Ona sčie čestnijša od nich.”

“A preciň si pisni skladali ne latiňski, a hrecki Otcy Cerkvi, i oni to v svoich veličaňach vyskazali viru hreckoj Cerkvi.”

“Čto bolše! Schodna Cerkov počítaje Prečistu D'ivu vysše čim vsich Svjatych, a v počítaňu uživaje slov, jakimi ona počítaje toľko samoho Boha. Koli v molitvach do svjatych Uhodnikov, uživaje schodna Cerkov slov: “Umoli, moli Boha za nas”, to v molitvach i pisňach v česť Prečistoj D'ivy kaže: “Presvjataja Bohorodice SPASI NAS”, abo “IZBAVI NAS”.

Čto hovoriť Sv. Pis'mo pro Prečistu D'ivu?

“Ale v svjatom pis'mi nema zhadki pro se, čo Prečista D'iva je Preneporočna” — skazav choryj.

“Tak dumajete?” — odpoviv o. Petro. — “A ja vam skažu, čo vy je v blud'i. Os' pročítajte v knizi Bytija (III., 15.) slova, jaki skazav Boh do zmija, čo zviv prarodičov do hricha: “I vraždu položu meždu toboju, i meždu ženoju, i meždu simenem tvoim i meždu simenem toja.”

“Čto se za žena, pro jaku hovoriť Hospod' Boh?”

“Se Prečista D'iva, Mati Spasiteľa” — odpoviv choryj.

“Tak” — hovoriť ďalšie o. Petro. — “Boh kaže, čo meždu zmiem, sebto zlym duchom, a ženoju, t. j. Prečistoju D'ivoju, položiť vraždu (neprijazň). Značiť, meždu zlym Duchom a Prečistoju D'ivoju nikoli ne bylo prijazni. A byla by prijazň, nakoli by Prečista D'iva choť odnu chvíľu mala pervorodnyj hrich, bo kto maje hrich, sej voroh Božij, a prijateľ diavola.”

“Tomu to car’ Solomon u svojej “Pisni pisnej” vyskazuje slova, jaki Otcy Cerkvi odnosjať do Prečistoj D’ivy: **“Vsja dobra jesi bliž-
ňaja moju i poroka nišť vo tebi.”**

“A z Novoho Zavita prihadajte sebi slova, jakimi Archanhel Havriil blahovistiv Prečistuju D’ivu, a jaki hovorit sja v čtodennoj molitvi: **“Radujsja obradovannaja (blahodatnaja) Hospod’ s toboju, blahoslavenna ty vo ženach.”**

“Čto značať si slova, jak ne se, čto Prečista D’iva byla povna laski (blahodati) i to sčě zaki zvistiv Jej se Anhel. Či moh by Anhel hovorit pro povnotu laski, nakoli by Maria, choť odnu chvilu byla v hrise, značiť sja v nelasci u Boha?”

Čto učať sv. Otcy Cerkvi?

“Tomu to i najdavňijši Otcy Cerkvi v svoich pis’mach vyskazujuť viru v Neporočnoe Začate Prečistoj D’ivy. V duže starinnom pis’mi hreckoj Cerkvi os’ jaki čitajemo slova: **“Jak peršij čelovik byv sotvorennij z neporočnoj zemli, tak musiv soveršennij čelovik — Christos — roditisja z Neporočnoj D’ivy.”**

“V Liturgii sv. Jakova, najdavňijšoj Liturgii hreckoj Cerkvi, jaka byla sčě pered Sv. Vasiliem Velikim, a jaku mav spisati Sv. Apostol Jakov molodšij, nazyvajesja Prečista D’iva Marija: **“neporočnoju i pod koždym zhladom nepovinnuju i bezdohannuju D’ivoju”.** —

“Cerkovnyj pisateľ hreckij, Origen, čto živ na počatku tretoho stoliťa i umer z ran ponesennych v časi honeňa christian za cisarja Dekija, nazyvaje Prečistu D’ivu vyrazno: **“neporočnoju, jakoj ne zviv zmij namovoju, ani ne oskverniv Jej svoim zakaženym od-
dychom.”**

“Sv. Jefrem sirijskij, rovnož Otec hreckoj Cerkvi, slaviť Prečistu D’ivu: **“neporočnoju D’ivoju, voľnuju od vsjakoj skverny i poroka.”**

“Prečista D’iva po slovam Otcov, je tym **“čistym žerelom, jakoho voda nikoli ne byla zanečisčena.”** Sv. Joann Damaskin porovňaje Jej s **“zamknеныm horodom, do jakoho nikoli ne dostavsja pe-
keľnyj zmij, bo nikoli ne oskverniv Ju hrich.”**

“Ne choču navoditi vyskazov Sv. Otcov zachodnoj Cerkvi, bo choču vam pokazati, čto jakraz sv. Otcy schodnoj Cerkvi byli perši, čto vyslovľovali svoju viru v Neporočne Začate Prečistoj D’ivy Marii. Mušu odnak navesti slova odnoho Otca zachodnoj Cerkvi, čto-
by vy bačili, čto vira v neporočnost Prečistoj D’ivy byla zahaľna v ciloj Cerkvi Christovoj. Maju tut na hadci Sv. Augustina, jakoho

vpročim i rossijska Cerkov veličaje odnym z najbolšich svjatych Otcov Cerkvi. On napisav knižku pro Božu lasku, proti jeretika Pelagija, kotryj učiv, čto hrich pervorodnyj zaškodiv tolko prarodičami. V toj knižci dokazuje Sv. Augustin, čto hrich pervorodnyj perejšov na vsich ludej, i čto vsi ludi prichod'at na svit v pervorodnym hrise. Odinokim vyjimkom je Prečista D'iva Maria. On kaže: "Nakoli je besida pro hrich (pervorodnyj), to z pod zahaľnoho zakona treba vyňati Prečistu D'ivu. Dľa okazaňa počesti samomu Bohu" — hovoriť ďalše sv. Otec — "ne choču navit podumati, čtoby Prečista D'iva byla koli nebud' v staňi hricha. Znajeme, čto Ona oderžala najbolši laski, jakich liš mohla dostupiti ľudska osoba, čtoby pobiditi hrich, bo sam Boh priznav Ju dostojnoju začata i nošeňa v svoim preneporočnom tiľi Toho, kotryj nikoli ne byv sposobnyj do hricha".

"Či po sich vyskazach Sv. Otcov Cerkvi, može sče kto sumňivati sja, čto vira v neporočnosť Prečistoj D'ivy byla od počatku v Cerkvi Christovoj?" —

Jak virila hrecka Cerkov po Kerulariju?

"Taka byla vira v hreckoj Cerkvi od samoho počatku, taka byla sče i po tim, jak ona za Kerularija odorvalasja od katolickoj Cerkvi. V XIII-tom stoliťu byla nauka pro Neporočne Začate Prečistoj D'ivy, dogmoju hreckoj Cerkvi. Vsi hrecki bohoslovy toho času, jak odin, vyskazujuť sja za Neporočnym začatem, a odin z poslednych, hreckich cisarov Manuil II. Paleolog (1393—1425) hroziť vylučenem z Cerkvi každomu, kto važiv by sja učiti, čto Prečista D'iva ne je neporočno začata."

"Nyňi hrecka Cerkov ne viriť v Neporočne Začate, a viriť v neho katolicka Cerkov. Kotraž z nich deržitsja davnoj viry, a kotra pokinula ju? Pokinula davnu viru hrecka Cerkov, a deržitsja jej katolicka".

"Peršim, čto začav včiti v hreckoj Cerkvi, čto Prečista D'iva Marija mala pervorodnyj hrich, byv Mitrofan Kritopul'. On pomer v roci 1641. I od toho času hrecka Cerkov ne priznaje nauki pro Neporočne Začate Prečistoj D'ivy Marii."

"Ta choť hrecka Cerkov nyňi ne priznaje nauki pro Neporočne Začate Prečistoj D'ivy, to v svoich cerkovnych pišňach, zloženych starinnymi, hreckimi Otcami, sče nyňi veličaje Ju Neporočnoju. — Primirom v Bohorodičňi spivaje: "Poroka nišť vo dobroťi tvojej D'ivo; ty bo jedina prečistaja javilasja jesi ot vika vsečistaja", abo

v kanoňi na deň 22. padolista: „Čistuju i neporočnuju i svitľišuju vseja tvari“, a dňa 21. padolista: „Prežde začatija čistaja.“

Jak virila rossijska Cerkov vo 17-om i 18-om stoľitu?

“Rossijska Cerkov, sčie boľšie, čim hrecka, virila v Neporočne Začate Prečistoj D'ivy, a teper' odklikuje jeho, ne z inšoj pričiny, jak toľko iz nenavisti do katholickej Cerkvi.”

“A otkiž vy, otče, znajete, čto rossijska Cerkov virila v Neporočne Začate?” — perervav Vasil' Ivanovič.

“Znaju z pisem najvyznačnijšich bohoslovov rossijskej Cerkvi” — odpoviv o. Petro. — “Vy bez sumňivu, znajete takich učenyh bohoslovov rossijskej Cerkvi, jak: Baranovič, Haľatovskij i Dimitrij Rostovskij.”

“Tak” — odpoviv choryj. — “Sež **“stovpy pravoslavnoj viry”**, najvyznačnijši bohoslovy, a Dimitrij Rostovskij odin z najbolšich Svjatyh rossijskej Cerkvi.”

“Os' bačite” — prodovžav o. Petro — “jakraz oni v svoich pis'mach vyskazali viru v Preneporočne Začate Prečistoj D'ivy.”

“Lazar Baranovič, archiepiskop Černigivskij (†1694), v svojej knižci p. z. “Truby na dni naročityh prazdnikov”, vydanoj v Kiivi v r. 1684., pomistiv propovid', v jakoj učit', čto Prečista D'iva Mařija **“ne imijet nikakovaho mraka, niže samaho pervorodnaho hricha”**, a zvertajučisja do Prečistoj D'ivy, veličaje Ju slovami: **“Kako ťa ublažim, Prečistaja D'ivo, my v bezzakoniich začatii, tebe, bez hricha začatuju.”**

“Joannikij Haľatovskij, rektor Mohiľanskoj Akademii v Kiivi, v knižci p. z. “Kľuč razuminija”, vydanoj v 1639 roci, os jak veličaje Prečistu D'ivu: **“Boh učiniv Prečistoj D'ivi, čto Ju vyzvoliv od pervo rodnoho hricha, bo Prečista D'iva bez hricha pervorodnoho počalasja i urodilasja.”**

“Dimitrij Tuptala, rostovskij mitropolit (†1709), jakoho rossijska Cerkov veličaje svjatym, pomistiv v svojej Četi—Minei, na deň 8. Veresňa i 9. Hrudňa nauku pro Neporočnoe Začate Prečistoj D'ivy Marii.”

“Nakoliž tak učili **“stovpy pravoslavija”**, najvyznačnijši bohoslovy rossijskej Cerkvi, 17-ho i 18-ho stoľita, to se najľipšij dokaz, jaka byla vira v rossijskej Cerkvi v tom časi.”

“Z naukoju tich **“stovpov pravoslavija”** hod'atsja i pozdňijši bohoslovy rossijskij Cerkvi i to ťi, čto deržali v svoich rukach kermu nauki, rektory Mohiľanskoj Akademii. Primirom Innokentij Popov-

skij, rektor akademii (1704—1707) výrazno dokazuje, čo Prečista D'íva nikoli ne podľahala pervorodnému hrichu, on kaže: **“Virus v Neporočne Začate Prečistoj D'ívy, zavsehda deržala jak schodna tak i zachodna Cerkov.”**

“Tak samo učili i pozdňiši bohoslovy rossijskoj Cerkvi, jak: Christofoř Čarnuckij, Ilarion Levickij, Ambrozij Dubnevič i inši. — Sej poslidnyj piše: **“Prečista D'íva byla voľna od pervorodného hricha; tomu Cerkov prikazala Bohoslužěne ta Svjato Preneporočného Začata.”**

Bratstvo Preneporočného Začata v Polocku.

“V misti Polocku zasnovano v 17. stoliťu bratstvo Preneporočného Začata, dla podderžaňa “pravoslavnoj” (rossijskoj) viry. — Členy bratstva skladali pri svoim stupleňu os' jaku obitnicu: **“Beru sobi Tebe (Prečista D'ívo) za moju ľubu Matir' i budu virnoju po vsi dňi moho žita Tvomu Neporočnomu i Prečistomu Začatu.”** Jak vy dumajete, či ti, čo skladali take priřečeňe, virili v Preneporočne Začate?” — spytav o. Petro.

“Bez sumňivu” — odpoviv choryj.

“A precň” — hovoriv ďalše o. Petro — “si, čo skladali jeho, byli najrevňjšimi členami “pravoslavnoj” (rossijskoj) Cerkvi, bož dla pódderžovaňa “pravoslaviya” osnovali navit' bratstvo.”

“Taka byla vira v ciloj rossijskoj Cerkvi až do roku 1721, koli to car' Petro Velikij, poddav rossijsku Cerkov pod vlast' carev i usunuv viru v Neporočne Začate Prečistoj D'ívy.”

Vira Staroobrjadovcov v Neporočne Začate Preč. D'ívy.

“Čto rossijska Cerkov virila v Neporočne Začate Prečistoj D'ívy, je najľipšim dokazom, čo virjať v neho staroobrjadovcy (starovircy) jaki odorvalisja od rossijskoj Cerkvi tomu, čo ne choťili priňati rožnych novostej, jaki vvodiv v rossijsku Cerkov moskovskij patriarch Nikon.”

“Staroobrjadovcy virjať, čo Prečista D'íva **“nepričastna nikojemu poroku hrichovnomu, niže praroditel'noj skverňi. Jejaže i Začatie bi po Bozi, i voistinnu bezhrišno jako Bohom očisčeno i osvjaščeno.”** Sju viru vyskazali episkopy staroobrjadovcev v svoim okružnom pis'mi z dňa 24. L'utoho—Februara 1862. roku.”

“Tut mušu zhadati 'sče pro odnu obstavinu. Z daveň-davna bylo v Cerkvi Svjato, Začatie Sv. Anny, to jest, koli Sv. Anna počala Prečistu D'ívu. Uže to same dokazuje, čo začate Prečistoj D'ívy bylo svjate, bezhrišne, bo nakoli by začate bylo “v hrisi pervorod-

nym", to Cerkov v čest "hrišnoho" začata ne byla by zavela Svjata."

"A vpročim sam rozum ščiroho christianina domahajesja vŭry v neporočnosť Prečistoj D'ivy. Nakoli by Prečista D'iva byla začata v pervorodnym hrisi, v takom slučaju byla by Ona jakijs' čas nevoľniceju diavolu, vorohom Božim, stojala by nižše v svjatosti od anhelov, jaki nikoli ne mali hricha, a v konci ne možna by Jej nazyvati Prečistuju D'ivoju na duši i tiľi."

Slova Preosvjasčennoho Mitropolita Andreja.

"Čudovo piše naš Preosvjasčennyj Mitropolit Andrej v svoim pastyrskim poslaňu pro Neporočne Začate Presvjatoj Bohorodicy. Os' jeho slova: "Vsemohuča ruka Boža zderžala fiľu hricha, čto rozlivajučis' po cilym sviti, sťahala každu ľudsku dušu v bezodňu Božoj nelaski, v chvíľi samoho začata v maternom loňi. — Boh ne pozvoliv, čtoby hrich dotknuvsja, choťby na chvíľu, duši sej vybranoj D'ivy. Čudom svojej laski vyňav Jej z pod zahaľno-ľudskoho zakona. — Dušu sej nebesnoj Caricy nad'iliv obyľno svojeju laskoju v samoj chvíľi, koli vyjšovši z ruk Božich, mala zlučitisja s ľudskim tiľom v loňi svjatoj Anny. Tu presvjatu dušu, nad'iliv razom s jej so-tvoreňem tak velikoju laskoju, čto ta laska v duši pereľalas' na tiľo i osvjatila jeho ta usterehla od vsjakoj zmazy. Tak z bahna ľudskej prirody vyrosła čistiseňka, bila leľija. Tak v ľudskim rod'i, hrišnom i zopsutom, najšľasja odna D'iva, dostojna stati obručniceju Svjato-ho Ducha, Materju Syna Božoho." —

Nauka Katholickoj Cerkvi.

"Zahaľna byla vira v neporočnosť Prečistoj D'ivy ta ne proholašovala jej Cerkov, až doki ne najšľisja taki, čto stali vystupovati proti nej. Tomu to Svjatijšij Otec Papa Pij IX., za zhodoju vsich episkopov, oholosiv dňa 8. Hrudňa—Dek. 1854. roku sju nauku, jak Bohom objavlenu. Os' jeho slova: "Proholašujeme, čto nauka, jaka učit, čto Preblahoslovena D'iva Maria, v peršoj chvíľi svoho začata, osobennoju laskoju vsemohuščoho Boha, z ohľadu na zasluhi Hospoda Isusa Christa, Spasiteľa ľudskoho rodu, zostala ochranena i svobodna od vsjakoj skverny hricha pervorodnoho, jest Bohom objavlenu i dľa toho povinny jej vsi siľno i postojno vyznavati."

"Se duže vznesla i pobožna nauka" — skazav v zadumi Vasil Ivanovič. — "Ale vy, otče, zhadali, čto v prazdnik Neporočnoho Začata je u vas otpust. A bohato u vas platitsja za takij otpust?"

Či možna kupiti odpust?

“Za odpust ničoho ne platitsja” — odpoviv živo o. Petro. — “Otpustu dostupaje sej, kto vyspovidajesja, pristupit' do sv. Pričasta i pobožno vysluchaje služby Božoj. Taki je uslovija našoho otpustu.”

“Ta u vas za odpust ničoho ne platitsja?” — pytav ďalše zacikavlenyj Vasil' Ivanovič. — “Ja čuv, čto u vas možna sobi kupiti otpusčene hrichov za hroši.”

“Naj Boh boronit!” — odpoviv o. Petro. — “Nikto za hroši ne može sobi kupiti otpusčene hrichov, bo hrichi sd'ilany po kresčeňu, otpusčajutsja vo sv. Tajni Pokajaňa. Ja znaju, čto vorohi katolickoj Cerkvi holosjat, bud'to by odpust byv otpusčeňem hrichov ta čto takij odpust možna kupiti za hroši. Čto bolše! Je taki zlobny, čto kažuť mov by to v katolickoj Cerkvi možna obsjahnuti otpusčene hrichov za hroši, nim 'sče зробilosja ich. Takoj bezbožnoj nauki nikoli ne holosila katolicka Cerkov.”

“A čtož je odpust?” — spytav choryj.

“Čtoby vam pojasniti nauku katolickoj Cerkvi pro odpust, mušu vpered skazati vam nauku Cerkvi pro čistilisče i pro społučeňe Svjatyh” — hovoriv ďalše o. Petro.

Čto to je čistilisče?

“Abož je čistilisče?” — spytav Vasil' Ivanovič.

“Tak, bez sumňivu” — odpoviv o. Petro. — “Seho domahajesja zdorovyj rozsudok i každyj christianin, navit' nekatholik, jesli tolko trocha znaje nauku Isusa Christa, musit' priznati, čto je čistilisče.”

“Pravda, čto za každyj hrich naležiťsja kara?”

“Tak!” — odpoviv choryj.

“A teper' bud'te tak dobry, brate Vasilu, i otpovižte meňi na otsi moi pytaňa. Kotra duša ide po smerti do neba?”

“Do neba ide duša svjata, čista ot vsjakich hrichov, jaka abo zovsim ne mala hrichov, abo nakoli mala, to ich spokutovala pėred smertu” — odpoviv choryj.

“A kotra duša ide do pekla?” — pytav ďalše o. Petro.

“Do pekla ide duša, jaka maje smertnyj hrich” — odpoviv Vasil' Ivanovič. —

“Jak dovho trevaje kara v pekli i či može duša z pekla dostatisja do neba?” — pytav ďalše o. Petro.

“Kara pekelna je vična” — odpoviv Vasil' Ivanovič — “i duša, jaka dostalasja do pekla, vže polišitsja v nim na vični viki i nikoli ne može dostatisja do neba.”

“Zovsim dobre” — hovoriv o. Petro. — “A čož stanesja s dušeju čelovika, jakij pokajavsja na smertnoj posteli? De ona ide? On spravd’i pokajavsja i jemu hrich otpustivsja, on je v osvjasčaju-sčoj lasci Božoj, ale on ne mav času otpraviti pokuty za svoi hrichi. Do neba čežje ne pojde, bo v nebi vsi je bezkonečno sčastlivy, a jeho duša maje ’sče otpraviti pokutu za svoi hrichi. V nebi nikto ne otpravlaje pokutu, bo otpravlati pokutu značit čtos’ terpiti, a terpiše s bezkonečnym sčastem v nebi ne dastsja pohoditi. Do pekla sja duša takož ne može pojti, bo jej otpustilisja hrichi i ona je svjata a toľko čto ne otpravila pokutu.”

“Abo skažit meňi, čto stanesja s takuju dušeju, jaka ne mala smertnych hrichov, toľko samy prostitelny? I sja duša ne može pojti do neba, bo maje hrichi prostitelny. Ale i do pekla rovnož ne pojde ona, bo peklo je karoju za smertny hrichi.” —

“Dež pojduť taki duši?” — pytav o. Petro.

Vasil’ Ivanovič movčav. —

“Tož ja vam skažu. Duši tych, jakim otpustilisja smertny hrichi, a jaki musjať ’sče jakijs’ čas pokutovati za nich, jak i duši tych, čto povmirali v prostitelnych hrichach, iduť do čistilisča, de ’sče jakijs’ čas terplať kary. Po otpokutovaňu sich kar, iduť do neba. Tak ono musit byti, bo Boh, jakij je najmiloserdňijšij i rado prosčaje hrichi tym, čto za nich sčiro žalujuť, je takož i najspravedlivijšij, čto domahajesja kary za každyj hrich. Kto otpokutovav kary v sim žitu, sej po smerti ide do neba, a kto ne mav času otpokutovati v sim žitu, musit otpokutovati ich v čistilisči.” —

“Malo je izbrannych — hovorit’ Božestvennyj Spasitel’ — a i meždu izbrannymi ne bohato takich, jaki v chvíli smerti byli by zovsim čistí.” —

Čto učit’ Sv. Pis’mo?

“V take čistilisče, po smerti, virili v Starom Zaviti Židy, bo molilisja za pomeršich, jak se vidno z druhoj knihi Makaveov (XII., 46.). — Božestvennyj Spasitel’ v Novym Zaviti kaže, čtoby každyj, čto maje dovh, zahodivsja s viritelem ’sče vo dorozí do sudu, čtoby ne popav vo ruki sudii, jakij velit’ jeho vkinuti v temnicu i deržati doťi, doki ne oddať do posľidňoho hroša. Ktož je tym sudijeju, jak ne najspravedlivijšij Hospod’, a dovžnikom hrišnyj čelovik? Treba oddati vse, otpokutovati i najmeňšij hrich v sem žitu, doki ne stanesja na sud’i, bo nakoli ne spokutujesja, to Spravedlivyj Sudija velit’ vkinuti v temnicu, vo čistilisče, z kotroho ne vyjdesja, doki ne spla-

titsja dovhu do poslednoho hroša, ne otpokutujesja do najmeňšoj kary. Tak učit Spasiteľ v Evanhelii Sv. Mateja (V. 25—26.).”

“U toho samoho Sv. Evanhelista Mateja (XII., 32.) hovoriť Isus vyrazno, čo je hrchi, jaki spokutuje čelovik vo sim žitu, ale je i taki, čo ich može spokutovati v druhim žitu. Dež može spokutovati čelovik hrchi v druhim žitu?”

“V pekli seho zrobiti ne može, bo Božestvennyj Spasiteľ v pritči pro bohača i Lazara vyrazno hovoriť, čo z pekla nikto vže ne može dostatisja do neba. Proto musíť byti v druhim žitu misce, de 'sče možna spokutovati hrchi. Sim miscem je čistilišče. — Viru vo čistilišče vyskazuje i Sv. Pavlo vo svoim peršim pis'mi do Korintan (III. 12—15.), de hovoriť, čo dejakij čelovik može byti spasenij ohnem. Sej ohoň, to ohoň čistilišča, muki, jaki musíť vyterpiti duša ne zovsim čista, zaki bude spasena, se jest' zaki dostanesja do neba.” —

Jaka byla vira z daven-davna vo Christovoj Cerkvi?

“Tak virila Christova Cerkov od samoho počatku. Koľko to razov možna po hrobach peršich christian vyčítati slova: “Molisja za mene.” Čtož značať sii slova? Se ňima pros'ba vmerloho do toho čelovika, čo stane kolis' nad jeho hrobom. Vmerlyj prosit' jeho o molitvu? Po čo jemu jej? Vidko, čo vmerlyj za žita viriv, čo jeho duša po smerti može dostatisja v take misce, v jakij jej možna pomoči molitvoju. Jakež se misce? Nebo? Tam duša ľudska molitov vže ne potrebuje, bo ona vže sčasliva. Peklo? Tam jej vže molitvy ne pomožuť, bo z pekla nema vychodu. Musiv vmertyj za žita viriti 'sče v jakes' treće misce, v jakim možna 'sče pomoči molitvami, musiv viriti v čistilišče.”

“V Liturgii Sv. Jakova, otže v najstaršoj, pisanoj Liturgii, čítajeme, čo: “Se prinošeňe (sebto bezkrovna žertva) od živych o umeršich, umoljuje dľa umeršich upokojeňa i očisčaje ich prohrišeňa.”

“Sii slova vyrazno odnosjatsja do duš, kto “očisčajutsja” v čistilišči.” —

“Sobor v Toledo v 675. roci, jakoho rišeňa priznala i hrecka Cerkov, priporučaje prinositi bezkrovnu žertvu za stračenych sudovo zločincov, čtoby dopomoči ich dušam, nakoli oni pokajalisja pered smertiju.”

“Čiž iz seho rišeňa ne vychodiť zovsim pevno, čo vo VII. stolitiu, koli to hrecka Cerkov 'sče ne byla odorvalasja, vsi christiany virili, čo je misce po smerti, v jakom dušam možna pomoči Služboju Božuju, otžež — čistilišče?”

“Sv. Joann Zolotoustyj vyrazno kaže: “**Ne darom prikazali svjaty Apostoly pri Službi Božoj molitisja za vmerlych; oni znali, čo iz seho je velikij chosen dľa vmerlych**”. Tomu to i otzyvajesja on do virnych slovami: “**Vmerlym treba pomahati ne slezami, ale molitvoju, postom ta milostyneju.**”

“Dež je ti vmerly, jakim možna pomoči dobrymi d'ilami? V čistilisči, bo toľko tam možuť byti im pomočny dobry d'ila.”

“Tomu to i Christova Cerkov zavse molilasja za vmeršich, bo virila v čistilisče, virila, čo po smerti može duša čelovika byti v takom misci, de jej možna 'šče pomoči.”

“I tut jakraz zachodiť divna rič u schodnoj Cerkvi, vse odno, či hreckoj, či rossijskoj. Schodna Cerkov kaže, čo je toľko nebo i peklo, a precij vo čtodennych Bohoslužěnach molitsja za vmerlych, a navit' otpravľaje za nich osobny Bohoslužěna, jak Liturgii za pomeřich, panachidy i inši. Počtož ona molitsja, koli nema čistilisča?”

“I schodna Cerkov d'ijstno virit', čo je misce po smerti, de dušam možna pomoči dobrymi d'ilami. Dokazom seho naj poslužit' viroispovidaňe jerusalimskoho patriarcha Dositeja, jake prijmala i rossijska Cerkov. Dositej v sim viroispovidaňu kaže: “**My virime, čo duši hrišnikov, jaki pokajalisja pered smertu, ale ne mali času otpraviti pokutu, schoďat do “ada”, de terplať spravedlivy kary za svoi hrichi. Oni znajuť, čo možuť byti spaseny bezkonečnym Božim miloserdiem, čerez molitvy svjasčěnnikov i milostiňu, jaki za nich žertvujuť ich krevny.**” Čtož se za “ad”? Sež ničó inšoho, jak čistilisče, v jake virit' katolicka Cerkov.”

“Vidko, čo schodna Cerkov sama virit' v čistilisče, a toľko ne choče do seho priznatisja javno, čto by ne posudiv jej kto, čo ona katholičisja.”

“Nauka pro čistilisče, to ne “**jakas**” vydumka katolickoj Cerkvi! To vira stara, jak svit, vira; jaku potverdiv Isus Christos, a jaku vyznavala i schodna Cerkov, toďi, koli ona byla 'šče rodnoju sestroju rimskoj i s neju tvorila odnu, pravdivu Cerkov Christovu.”

“A dľa čohož Isus Christos vo svoim prorocstvi pro strašnyj sud, hovorit' toľko pro nebo i peklo?” — spytav po chvíli choryj.

“Bo po strašnom sud'i bude toľko nebo i peklo” — odpoviv o. Petro. — “Čistilisča po strašnom sud'i ñe bude.”

Čto se je spolučěne Svjatych?

“T'i to duši v čistilisči razom so Svjatymi v nebi i tymi pravo-

virnymi christianami, čo žijut na zemli, naležať do odnoj Cerkvi Christovej”. —

“Jak se treba rozumiti?” — zapytav Vasil Ivanovič.

“Os’ posluchajte, ja vam se pojasňu” — odpoviv o. Petro. — “Christianin ne žije sam dľa sebe, ale vsi tvorjať odnu, nerozryvnu-suspiľnosť, tak silno spolučenu, čo Sv. Pavlo vo svoim peršom pis’-mi do Korint’an, porovnuje jej do tĭla, jakoho členami je poodinoki christiany, a holovoju Isus Christos. Ale do seho spolučeňa naležať ne lišeň pravovirny christiany, čo žijut na zemli, ale i vsi, čo pomerli v spoluci s Christovoju Cerkvoju. Uzy christianskoj ľubovy je nerozryvny i ne ustanuť i po smerti. Proto v najtisňjšom spolučeňu ľubovi ostanuť s christianami na zemli i ti, čo vže osjahnuli vične sčaste v nebi, i ti, čo choť pomerli v Božoj lasci, ta musjať ‘sče jakijs’ čas terpiti kary v druhom žiťu, čtoby spokutovavši ich, mohli dostatisja do neba. Christiany, čo naležať do katolickej Cerkvi na zemli, nazývajutsja **Cerkvoju vojujusčoju**, bo musjať mov ti vojaki, borotisja s rožnymi pokusami.”

Chosen iz spolučeňa Svjatyh.

“T’i, čo vže osjahnuli sčaste v nebi, tvorjať **Cerkov toržestvu-jusču**, jaka toržestvuje, sebto rad’ije svojeju pobidoju nad zlym duchom, a ti, čo ‘sče jakijs’ čas musjať terpiti kary v čistilisči, se **Cerkov stradajusča**”.

“Miž simi tremi častinami Christovej Cerkvi je jak najtisňjša spoluka. Cerkov vojujusča pomahaje dušam v čistilisči svojimi molitvami i vsjakimi inšimi dobrymi d’ilami, a koli oni zavd’aki molitvam vojujusčoj Cerkvi, dostanutsja do neba, tod’i buduť molitisja za členov Cerkvi vojujusčoj. Cerkov vojujusča molitsja do Cerkvi toržestvujusčoj, sebto do Svjatyh, čtoby oni molilisja za neju do Boha, a Cerkov toržestvujusča molitsja i za nas, Cerkov vojujusču, i za duši v čistilisči, Cerkov stradajusču. I členy vojujusčoj Cerkvi možuť vzaimno pomahati sobi ta vyjednavati odny dľa druhich laski u Boha molitvami ta inšimi d’ilami. — Jak členy ľudskoho tĭla, spovňajuči pracu pomahajuť i druhim členam, tak i členy ciloj Christovej Cerkvi, spovňajuči dobry d’ila, roblať ne lišeň dobre dľa sebe, ale i dľa vsich členov, bo vsi oni odno tĭlo, jakoho holovoju sam Isus Christos.” —

“Se polučene vsich trech častej Cerkvi nazývajesja “spolučeňem Svjatyh”, ne v tĭm zmysli, mov by vsi, čo do neho naležať, vže byli Svjatymi, a v tĭm, čo odny z nich, členy toržestvujusčoj Cer-

kvi, vže je Svjatymi, druhi, stradajuči v čistilišči, budú Svjatymi, a tretí, členy vojujúšcej Cerkvi, môžu byť Svjatymi, nakoľo toľko budú spovňati Božu voľu.”

Čto to je odpust?

“A teper’ doznavšis’ pro se, čo je spolučeňe Svjatych, porozumijete i nauku katolíckoj Cerkvi pro odpust.”

“**Kary** za hrich je **dvojaki**. **Odney** je **vičny** v pekľi, a druhi je **dočasny**, jaki žduť čelovika v sem žiťu abo v čistilišči. Oni nazývajúťsa **dočasnymi**, bo trevajúť do času, se jest, jakijs’ čas. Vo Sv. Tajni pokajaňa otpuskajúťsa hrichi razom s vičnou karoju ta častiju dočasných kar.”

“Jak se je?” — spytať choryj. — “Pojasniť meňi se.”

“Os’ posluchajte” — odpoviv o. Petro. — “Čtos’ podobného bačime i v žiťu. Batko maje syna, jakij jeho duže tažko obraziv. — Obražený batko postanoviv vyd’idičiti zloho syna, ale syn dovidavši sja pro se, prichodit do neho, padaje do noh, priznajesja do viny, žaluje sčiro, čo dopustivsja takoj tažkoj obrazy, obicuje, čo vže nikoli seho ne zrobit i dobryj batko dajesja pereprosiť ta kaže do neho: “Ja prosčaju tobi sju provinu i ne vyd’idicu tebe, ale za karu, čerez cilyj rok, budeš na svoe oderžaňe dostavati menše, čím davnijše.” —

“Či se zlyj batko? N’i, skaže každyj. On dobryj, davsja pereprosiť, a sija kara, jaku naznačiv synovi, je toľko časovoju (dočasnoju) i koli mine rok, a syn jej otterpiť, to znova dostane vse ot batka, jak mav pered tym. Se i zovsim spravedlivo i vyjde synovi na dobre, bo bude pamjatati na svoju provinu ta vo budúcnosti ne bude tak lahko obražati batka.”

“Tak samo robiť i Otec nebesnyj. Prihadajte sobi istoriu Carja Davida”.

“Koli David dopustivsja tažkoho hricha, čo veliv ubiti Uriju, tod’i stanuv pered nim prorok Natan i skazav: “Carju, ty čelovikoubijnik, ty dopustivsja strašného hricha”. David stav žalovati za svoj hrich, a žalujući, zloživ čudovyj psalom: “**Pomiluj mja Bože**”. Natan pobačivši takij nadzvyčajno velikij i sčiryj žal, vedenyj Sv. Duchom, prichodit do Davida i kaže: “**Carju, Boh protiv tobi hrich**” — značit sja — “**ty vže ne vinen pered Nim, bo ty svoju vinu zmyv sčiryj žalem i ne budeš pokaranyj vičnou karoju — ale za karu (dočasnou) umre tobi tvoj syn, jakoho ty tak duže lubiš.**” —

“Bačite, jak to Hospod’ darovav Davidovi hrich i vičnu karu, bož za vbite čelovika naložit’sja vična kara vo pekli, a pokarav jeho karoju dočasnoju, jakoju dľa Davida byla smert’ ulublenoho syna.”

“Značit’ sja, Boh prosčaje čelovikovi vinu hricha i vičnu karu, koli čelovik sčiro za neho žaluje ta jeho vyspovidajesja, ale s vičnoju karoju ne zavsehda prosčaje i cilu karu dočasnú.”

“Otpusčeňe sich dočasných kar, jaki ostajut’ po otpusčeňu hricha i vičnoj kary, nazývajeme otpustom.”

Kto maje pravo ud’ílati otpust?

“Dobre” — odpoviv Vasil’ Ivanovič — ja se rozumiju, ale kto maje pravo otpuskati sii dočasný kary, abo inšimi slovami, kto maje pravo ud’ílati otpust?”

“Ja vam se pojasňu primirom” — odpoviv o. Petro.

“Byv raz čelovik, čto vlasnoju praceju dorobiv’sja duže velikoho majna. A mav on čislennu rodinu. Byli v toj rodině dobry i meňše dobry i zly, byli zdorovy i chory, byli robotasči i linivy. I skazav raz sej čelovik: “Moja rodino! Ja tažko pracovav čerez cile žite ta prizbirav bezlič skarbov, čto i ne znaju ich čisla. Teper’ хотiv by ja zaznati trocha supokoju, ale poki — čto ne choču rozd’ílovati majna. Tomu to ja vyberu sobi odnoho z vas, oddam jemu ves’ majetok, čtoby on zavídoval nim.”

“Vy, moi d’iti, pracujte takož, a koli zarobite bolše, jak potrebujete, to prinosit’ do spoľnoy skarboni. Moj zastupnik bude z nej zapomahati tych, jaki ne v síli zarobiti toľko, koľko potrebujut do žita. Vyž precíň odna rodina, a v rodině hodit’sja, čtoby odin podpomahav druhoho. Ja robľu se naročno, bo koli přijde čas rozd’ílu majna, to ja bolše dam tym, čto zarobľali bolše.”

“A byli v toj rodině, jak ja se vže skazav rožny. Odny zarobľali bolše jak potrebovali, druhí meňše čím im potreba bylo do žita. — Perši skladali svoju nadvížku u spoľnoy skarboni, druhí prichodili z nej brati. A dobryj zavídateľ, koli bačiv, čto kto ne vsili zarobiti toľko, koľko potrebuje, bo ne maje zdorovľa, či síly do pracy, хот ne brak u neho sčiroj voľi, ta ochoty, davav podmohi z spoľnoy kasy. Ale tym, čto ne хотili pracovati, tym ne davav ničo i oni, хот po-ki čto členy bohatoj rodiny, musili terpiti tažku nuždu.”

“Tym bohatým baťkom je Hospod’ naš Isus Christos, čto svojimi mukami i smert’u prizbirav nevyčerpanyj skarb zasluh. Sim zavídatelem, to Christova Cerkov, jakoj otdav Christos skarb svojich zasluh, čtoby ona rozd’ílovala z neho meždu rodin, sebto členov Chri-

stovej Cerkvi. Do seho nevyčerpaného skarbu zasluh Isusa Christa, naležať takož zasluhi vsich inšich členov Cerkvi a peredovsim veličezny zasluhi Prečistoj D'ivy Marii, Svjatych Apostolov, Mučovníkov i inšich Božich Uhodníkov. Vsi oni prizbirali v svoim žitu bolše zasluh, čím im bylo potreba, čtoby dostatisja do nebesného carstva. Vsi oti nadmirny zasluhi ne propali, a ostajuť vlastnosť Cerkvi, jak nadvižki zarobotkov členov rodiny, — stajuť vlasnosť rodni.“ —

“A teper' podumajte sobi čelovika, čo otpraviv Tajnu pokajaňa. Jemu otpustilisja hrichi i vična kara, a lišilasja jakas' časť kary dočasnoj, jaka žde jeho abo v sim žitu, abo v druhom, v čistilisči. Sej dočasnoj kary moh by čelovik pozbytisja, nakoli by tvoriv jakis' dobry d'ila. Meždu tym on je slabyj, nemočnyj čelovik, čo ne maje takich dobrych d'il. I toďi prichodiť takomu čelovikovi v pomoč Sv. Cerkov i z nevyčerpaného skarbu zasluh Isusa Christa, Prečistoj D'ivy i inšich Svjatych, počisluje jemu tolko zasluh, kolko potrebno, čtoby jemu otpustilasja kara dočasná i to abo vsja, abo jakas' jej časť.“ —

“Jak to?” — spytav choryj. — “To každomu ud'iluje Cerkov otpust?”

“O ňi” — otpoviv o. Petro. — “Čtoby oderžati otpust, treba spovniti dejaki uslovija. Peredovsim treba byti v osvjasčajučoj lasci, bo otpust je otpusčeňe dočasnoj kary, a dočasná kara ne može otpustitisja tomu, čo maje na svojej sovisti smertnyj hrich, jakoho proto žde s'če vična kara. Posemu treba vypovniti jakes' dobre d'ilo, jak primirom, molitisja, postiti, otvidati Cerkov, dati milostyňu dla b'idnych, abo na jakus' bohohodnu ciľ, ta mati bažaňe oderžati otpust.”

“A ja čuv, čo u vas možná dostati otpust na kolka dňov” — perervav Vasil Ivanovič.

“Vam ne dobre skazali” — otpoviv o. Petro. — “Se ne je otpust na kolko dňov, a otpust **“kolkoč dňov”** A se zovsim čo inšoho.”

“Treba vam znati, čo **otpust može byti povnyj abo časťnyj.** — Povnyj otpust je to otpusčeňe vsich dočasných kar. Takij otpust nadaje Cerkov čo 25 lit i on nazyvajesja juvilejnym otpustom. — Kromi juvilejného otpustu je 'sče inši povny otpusty, jaki nadaje Cerkov pri jakichs' važnych nahodach, primirom, koli je meždu lud'mi velikij pomir, abo vojna, abo koli vyberuť novoho Holovu Cerkvi. Takij povnyj otpust ud'iluje Cerkov takož na hodinu smerti. Čtoby oderžati povnyj otpust, potreba v peršij miri byti v osvjasčajučoj lasci, pristupiti do Sv. Pričastija, otvidati kolko razov Cerkov i tam

molitisja v namiry Holovy Cerkvi. Časom prepisuje Cerkov i inši d'ila, jak post abo milostyňu." —

Čto je častnyj otpust?

"Častnyj otpust je to otpusčene jakojs' časti dočasnych kar i sej otpust čislitsja posla dňov. Pri mirom, otpust 40 dňov, otpust 300 dňov, otpust sim sedmic, sebtu sim razov po sim dňov i inši."

"Čto še značit otpust 300 dňov?" — spytav Vasil Ivanovič.

"Čtoby se zrozumiti" — odpoviv o. Petro — "treba zvernutisja hadkoju u ti perši viki christianstva, koli to vo Sv. Tajni pokajaňa nakladano neraz duže dovho trevajuči pokuty. Sii pokuty trevali neraz rokami i nimi otpokutovav čelovik jakus' častinu dočasnych kar. S časom zminilisja otnosiny. Nakladaňe dovhotrevajučich pokut počalo čim raz bolše vychoditi z uživaňa, bo otpravleňe ich stavalosja dľa ludej duže trudnym, a časom prjamo nemožlivym."

"Na ich misce stali spovidniki nakladati meňši pokuty, jak molitvu, post, milostyňu, abo inši podobny d'ila. Tak ono je teper' i vo katolickoj Cerkvi i u schodnoj. Otpravivši teperišnju pokutu, oderžuje čelovik otpusčeňe jakojs' časti dočasnoj kary, ale 'sče ne ciloj. Tod'i prichodit jemu Cerkov v pomoč častnym odpustom, pri mirom 300 dňov. Čtoby jeho oderžati, musil čelovik byti v osvjasčujusčoj lasci, to odmoviti jakus' molitvu abo vypovniti jakes' inše dobroe d'ilo." —

"Kilkož kary otpustitsja čeloviku, čto oderžav otpust 300 dňov?" — spytav Vasil Ivanovič.

"Toľko, koľko otpustilo by sja jemu, koli by on, posla davnyh zvyčajov, pokutovav 300 dňov" — odpoviv o. Petro.

"Značit sja" — hovoriv dalše choryj — "otpust, se spravg'i duže chosenna rič, bo za korotku molitvu abo neveličku milostyňu, otpuskajesja čelovikovi toľko dočasnoj kary, koľko otpustilo by sja jemu, nakoli by on pokutovav čerez koľkodesjat abo i koľo sot dňov."

Otpust dľa duš v čistilišči.

"Tak" — odpoviv o. Petro. — "Čto bolše! Otpustom možna pomoči takož dušam v čistilišči, bo oni takož naležat do katolickoj Cerkvi, oni je takož členami velikoho tila, jakoho nevidimym Holovuju je Christos. Tuť toľko zachodiťsja rožnica, čto dušam v čistilišči možna pomoči ne každy m otpustom, a liš tym, pri jakom vyrazno zaznačeno, čto jeho možna žertvovati i za duši v čistilišči."

“A koli duša, za jaku žertvujesja otpust, je v pekli, abo v nebi, to čto d'ijesja s otpustom?” — pytav dalje Vasil Ivanovič. — “Vo pekli vže otpust ne pomože, a Svjati v nebi ne potrebuje jeha. Či on propade?”

“N'i brate” — odpoviv o. Petro. — “I tod'i otpust ne propadaje. Koli christianin katolik vypovnit vsi uslovija otpustu i vo molitvi prosit Hospoda Boha, čtoby priňav sej otpust dľa duši, tod'i Boh v bezkonečnoj svojej dobroti i spravedlivosti prijmaje jeha, ale vže ot Jeha bezkonečnoj premudrosti zaležit, či On sej otpust počislit sej duši, dľa jakoj čelovik prosit, či inšoj, pro jaku može nikto ne pamjataje i jaka može bolše potrebuje. Proto otpust ne propadaje, choť by nesčasna duša byla v pekli, abo vže vično sčasliiva v nebi. — V tim vidko i najvyššu Božu spravedlivost, bo Boh neraz počisluje otpust tym b'idnym dušam v čistilisči, jaki nikoho ne lišili na sviti, čtoby pamjatav za nich ta pomahav im molitvami.”

“Velij jesi Hospodi i čudna suť d'ila Tvoja” — skazav nabožno Vasil Ivanovič — i vo zadumi schiliv svoju holovu. —

Rozmovu o. Petra s chorym perervalo žinka o. Petra, jaka jak raz vojšla do komnaty. Pobačivši Vasil Ivanoviča, zrad'ila velmi ta prostahnuvši do neho sčiro ruku, poželala cilkovitoho povorotu do zdorov'ja.

Pošla rozmova sčira, serdečna, sered jakoj Vasil Ivanovič zajaviv, čto prijšov pod'akovati za opiku, bo čujesja vže na stolko zdorovym, čto za kolka dňov zadumuje otjichati. O. Petro razom so svojeju dobrod'ijkoju prosili, čtoby 'sče jakijs' čas polišivsja, až doki ne po-dužaje zovsim, ale Vasil Ivanovič zajaviv, čto musit jichati, bo vže i tak ne znaje, čim vyvd'čit'sja za tolko trudov, jaki oboje ponesli kolo neho.

Vpročim skazav, čto zadumuje otjichati do svoho svojaka, jakij maje neveličku realnost' (gazdovstvo) i s jakim urjedit, čto jemu dalje robiti. Jakraz nyňi povidomiv on jeha pro svoje nesčasťe ta priijizd'. —

VIII.

POBIDA PRAVDY.

'Sče majže tyždeň perebyvav Vasil Ivanovič u o. Petra. Neraz do pozdna v noči sid'ili oni v horod'i ta rozmovľali pro sii pytaňa, jaki oboch tak duže obchodili. V sich rozmovach vže ne bylo toj propasti, jaka 'sče nedavno d'ilila Vasiľa Ivanoviča ot o. Petra. —

Vasil Ivanovič 'sče i teper' staviv pytaňa, ale v nich vže ne bylo sfidno nenavisti do katolickoj Cerkvi, a radše bažaňe poznati cilu pravdu. Po každoj takoj rozmovi Vasil Ivanovič čimraz bolše perej-mavsja naukoju katolickoj Cerkvi, a o. Petro otmovľajuči pravilo, dolučovav molitvu, v jakoj prosiv čtoby Boh pozvoliv prozriti sej nesčasnoj a sčiroj duši ta dav jej lasku stati d'itinoju svjatoj, katolickoj Cerkvi.

Ta čas minav skoro i Vasil Ivanovič, prascanyj majže so slezami v očach, otjichav do svojho svojaka.

* * *

V kolka tyžňov poznijše prijšov ot Vasiľa Ivanoviča list. Vsi domašny zyjšlisja, čtoby jeho pročitatı. Vasil Ivanovič d'akovav za opıku, a vkonci pisav:

“Vsečasnijšij Otče Dobrod'iju!

Vy peršij kinuli zerno pravdy v moje serce. — Vy peršij zdøjмили z moich očej poludu. Ja poznav, de je pravda i roz-dumavši vsjo ta poradivšısja o. parocha, rišivsja prijmıti ka-tholicku viru.”

Seho dňa o. Petro v molitvi sčiro d'akovav Vsevyšňomu, čto vo bezkonečnoj svojej dobroti pozvoliv nesčasnomu zbıhčevı dojti do poznaňa pravdy, stati členom pravdivoj Cerkvi Christovoj.

* * *

I minulo znova bolše jak misjac. Odnoho dňa prines sil'skij listonos z počty pis'mo s rossijskimi markami na verchu. Se byv list ot Ivana Nikiforoviča Lomaniva, otca Vasiľa Ivanoviča.

I sej list začınavsja sčiroju pod'akoju za opıku, jakuju okružav. o. Petro Vasiľa Ivanoviča. — Druhu častinu pis'ma navodıme doslovno:

“Kolka dnov tomu oderžav ja pis'mo ot moho syna. — Dovhij čas ne znali my, čto d'ıjalosja s nim. On ne pisav

spersu, bo byv choryj, a koli stav prichoditi do zdorovľa, ne choťiv pisati, bo jak piše u svojim listi, perechodiv taku vnu-trišnu bor'bu, tak bivsja s hadkami, čo ne choťiv pisati ne-pravdy, a pravdy napisati jesče ne mav-dovahi. Až koli perejšov bor'bu, koli — jak piše vo svojim pis'mi — **“poznáv, de pravda”**, napisav list. V nim donosiť nam, pro Vaš dom ta vkonci i pro se, čo tomu tyždeň prijmiv katholicku viru po hreckomu obrjadu.”

“Čto s nim stalosja, čo on perejšov do katholickoj Cer-kvi, ne znaju? Odno tolko skažu, čo on ot maloj d'itiny ni-koli ne zrobiv nam nijakoj prikrosti. Jeho ochota do pracy, jeho pobožnosť, jeho privjazaňe do Cerkvi, robili jeho primi-rom dľa rovesnikov.”

“Se perša prikrost, jaku on zrobiv nam. Ta ja ne berus' jeho suditi. Divny je stežki Božoho Provid'ňa. Ja sam je svjasčennikom, ale s čistoju sovistu možu skazati, čo jak ne-bud' postupiv moj syn, to on musiv dobre rozdumati nad tym, čo robit' i musiv bez sumňivu doйти do perekonaňa, čo robit' dobre. On malym chlopcem ne robiv ničoho ne rozdumavše dobre, on i teper' seho ne zrobiv.”

“Naj jeho Boh blahoslovit', a Vam, Vsečestňijsij Otče, naj storiceju nahorodit za vsjo, čo Vy zd'ilali dľa moho syna.”

Po lici o. Petra splyla sleza.

“Tverdoju dorohoju” — skazav on — **“provadiv Hospod' Boh Vasila Ivanoviča do pravdy, budi imja Hospodne blahoslovenno ot nyňi i do vika.”** —

IX.

DODATOK.

“O schodstvi i roznici učenija pravoslavnoj i rimskoj cerkvej” archiep. minkij (Rossia) Kir Antonij, 1868. h. v 84—93. čislach gazety “Slovo”, pomistil statju, jaku posemu o. dr. Sylvester Sembratovič, tohda šče zast. prof. dogmatiki na universiteti L’vovskom, a pozdnie Mitropolit, sejčas oproverch. Iz seho oproverženija podavajem tu niskoľko daľšich dokazov.

I.

“i Syna”.

Na storonach 20—25. jest slovo o proischoždenii Sv. Ducha ot Otca i Syna.

Pravda, čto ni v nikejskom, ni v nikeo-konstantinopolskom originalnom viroispovidanii vyrazu “i Syna” položeno ne bylo.

Dodatok “i Syna” povstal v Hispanii jesče počatkem 6. stolitija. Pričinu na se podali ti Goty, kotory za korolja Richarda, z vostoka priňali christijansku viru so pobluždenijami Arijanov, Makedonijanov i Eunomijanov, učasčich, čto Syn jest meňšij ot Otca, a Duch sv. jest meňšij ot Syna. Protiv tich lžeučeníj uže na soborach: Toletanskom III. 589. r., Toletanskom IV. 633. r. postanovlenno bylo, čtoby v Hispanii viroispovidanie s dodatkom “i Syna” otmovľalosja.

Sej zvyčaj posemu pomaly perejšol do Francii, do N’imecčiny, doki posemu i Vselenski Sobory: Lugduňskij II. 1274. r. i Florentijskij 1439. r. sej dodatok jak spravnyj, zakonityj soveršenno potverdili, ibo tak učit sv. Pis’mo i sv. Otcy i Cerkov toe nikoli ne perečila. Čto do Simvola viri sohlasny dodatki mož robiti, to potvrždaťet i toj zvyčaj vostočnoj cerkvi, čto pri posvjaščeňu v Episkopy tri otm’inny, dodatkami umnoženny Simvolj čitajutsja.

No javnoe ispovidanie toho dodatku Cerkov nikoli ne žadala pod kľatvoju ot tich, kotory v serdci toe virujut, ibo suť jesče mnogi pradvy — n. pr. čto 7 tajny suť, čto blahodať ko spaseniju potrebna — kotory jak dogmaty uznavajutsja, a vo Simvoli vyrazno ne ispovidujutsja.

Tak uže sv. Lev III. (795—816) ne vid'áci z odnoej storony važ-
noho povodu, z druhej storony budúci stariny ľubimcem, kazal Sim-
vol na dvoch serebrjannych tabliccah po grečeski i latinski, bez pri-
bavlenija “i Syna” vyrizati i sochraniti. Sľidujusci Papy takoz ne
protivilisja vyľišeniju “i Syna”, jesli ktos' v serdci viroval se. Tak
na Sobori Lugduňskom ot Hrihoriya X. pozvolenno bylo cerkvam
grečeskim Simvol po davnomu obyčaju, bez dodatku “i Syna” vy-
hološuvati. Podobno i na Sobori Florentijskom ot Eugenija IV.
A Kliment VIII. (1592—1605) v bulli 34. §. 6. postanovil, čtoby
cerkov vostočna sochraňala viru o proizšestvii Ducha Sv. “i ot Syna”,
no ne byla primušenna ispovidati toe v Simvoľi, izjavši ľiše tam, hde
by toe shoršenijem statisja mohlo. Benedikt XIV. (1740—58) v Kon-
stitucii “Etsi pastoralis”, jak i Hrihorij XIII., i Urban VIII. prešloe
potverdili. To samoe pozvolil Pij IX. Bolgaram pristupivšim ko
katholičeskoj Cerkvi.

“Jeho že (sv. Ducha) Az pošľu” i “asče ľi že idu pošľu Jeho ko
vam”. —

Tu jest besida ne o bezľičnom poslanii, v ktorom by ľiš svojstva,
dayr byli poslanny, no o ľičnom, pravdivom, susčestvennom t. j. ta-
kom, v ktorom odna osoba posylajet druhu osobu. Jak poslanie
Syna ot Otca označajet proizšestvie Syna ot Otca, i poslanie Ducha
Sv. ot Otca označajet proizšestvie Ducha Sv. ot Otca, tak poslanie
Ducha Sv. ot Syna ne označajet inše, jak proizchoždenie Ducha Sv.
ot Syna. Čtob v Božestvi odno lice mohlo kazatisja poslannym ot
druhoho, treba dokonče dopustiti načalo i proizšestvie toho lica, ko-
tre posylajetsja, ot toho, ktre posylajet. V sv. Pis'mi nikoli ne
čitajeme, čtob Otec byl poslannyj ot Syna, abo ot Ducha Sv., **ni to,**
čtob Syn byl poslannyj ot Ducha Sv., no vsehda ľiš Syn i Duch Sv.
ot Otca, a Duch Sv. ot Otca i Syna posylajetsja.

“Jehda že prijdet On, Duch istinny, nastavit vy na vsjaku istinu;
ne ot sebe bo hlaholati imat, no jelika asče usľyšit, hlaholati imat, i
hrjadusčaja vozvistit vam. On mja proslavit, jak **ot mojeho prijmet**
i vozvistit vam“ (Joann 16. 13—)

“Dati, davati, peredavati” — a semu vzaimno otvitne “polučati”,
“prijmati” otnositelno do ľic Božich toľko značit, jak proizvoditi,
vydati, izvesti. “Jakože bo Otec imat život v sebi tako **dade** i Sy-
novi život imiti v sebi (Joann 5. 26.). “Vsja mňi **predana** suť ot
Otca mojeho.” (Mat. 11. 27.)

Sv. Pis'mo vyrazno nazývajet Ducha Sv. “Duchom Syna”. —
“Posla Boh **Ducha Syna svojeho** v serdca vaši.” (Gal. 4.) “Ispyta-

jusče v kakovo ili v koe vremja javlaše v nich **Duch Christov**, prežde svid'itelstvuja o Chrsitovych strastech i o slavach, jaže po sich." (I. Petr. I. II.) "Prišedši že v Misiju, pokošachusja v Vithiniju pojti: i ne ostavi ich **Duch Isusa**." (D'ij. 16. 7.) "Asče že kto **Ducha Christova** ne imat sej ňist Jeho." (Riml. 8. 9.)

Vostočnye sii mistca tolkujut ne na ličnost, tokmo na dary Sv. Ducha. Choťaj by 'sme se pripustili — jak ne mož pripustiti — to i tak, jesli dary Ducha Sv. prisvojujutsja Synu, čerez to i sam Duch Sv. stanetsja Duchom Syna. — Sv. Athanasij (v 3. bes. oprotiv Arijan) kaže: "On bo (Syn) Duchu (Ducha) daje i jelika imat Duch toe ot Slova imat."

"I sie rek dunu i hlahoľa im: prijmite Duch Sv. ..." (Joann 20. 22.) Na se sv. Kirill Aleks. v kn. 9. ko Joannu kaže: "Dľa toho Christos dunul tělesno, ukazujuči, čto jak iz ust čelovičeskich duch vychodit tělesno, tak iz Božoho susčestva, Božestvu otvitno, Duch, kotoryj iz Neho jest proizlivajetsja."

Samy vostočny priznavajut se, no kažut, čto "Duch Sv. ischodit ot Otca čerez Syna."

Tu treba zvernuti uvahu samoperše na to, čto Syn vsehda "roditsja", a Duch Sv. "ischodit". O Dusi Sv. nikoli ne kažetsja, čto roditsja tak jak Syn. Vo sv. Pis'mi vyrazy "ot" — "čerez" — "iz" často zamiňajutsja. A koli sv. Joann Damaskin upotreblajet vyraz "ot Otca čerez Syna", se — jak Vissarion tolkujet — proto robil, ibo ne choťil Syna za pervuju pričinu proizšestvija Ducha Sv. staviti.

II.

O pervenství, vlasti, nepomyšlnosti Sv. Petra, pervoho Papy Rimskoho i jeho naslidnikov dosyť obširno pisanno v sej knihi, tu liš ňiskolko dokazov dodajem 'sče. Vsi vostočny Otcy nazývajut sv. Petra "verchovnym Apostolov, kňazem, Crekvi kľučarem, holovnym pastyrem". A Optat, milevitanskij episkop — v 2. kn. — kaže: "Perečiti nemožeš, čto znaješ, že v misti Rimi Petru peršomu, nadannyj byl prestol episkopskij, na ktorom sid'il Petro, holova vsich Apostolov, čtoby žaden z Apostolov ne oboroňal dľa sebe osobnych prestolov, tak, čtoby jako schizmatik i hřišnik uvažan byl toj, kotoryj by protivno toho Jednoho prestola, druhij prestol postavľal."

Pred prišestvijem Sv. Ducha Apostoly často o pervenství soperičalisja, po sošestvii Sv. Ducha o tom nihde ne mož čitati. Pervenstvu ne protivorečet, čto "Petr posylajetsja druhimi Apostolami v Samariju" (D'ij. 8. 14.), ibo se stalosja ne po rozkazu, no po umo-

leniju; ni to, čto jerusalimski prepirachusja s Petrom i on opravdal-sja pered nimi (D'ij. 11—), ibo on se robil jak dobryj pastyr'.

Nektarij, patriarch jerusalimskij, tak pišet: "Nužno proto jest, čtoby ta (rimska Cerkov), jesli svit cilyj zojdesja i soberetsja, za-ňala pervoe mistce, pročii že dolžni jej prilučitisja ne iz neobchodi-mosti podverženijasja, no **po zakonu porjadka i jednosti**".

Istorija svidčit, čto Papy ne lem mišalisja do sprav različnych Cerkvej, no verchovodili vsimi, potvrzdali rišenija Soborov, i važ-nost' tichže ot toho zavisila; nizlahali episkopov i vmisto nich inšich postavľali; a daže i nizložennych vlastiju soborov i patriarchov, svo-im rišenijem postavľali znov na prestol. Zri istoriju: o Kekiliaňi, episk. karthag., na prestol postavlennom ot Melchiada Papy (311—314); o Dionisiju Aleksandrijskom opravdajusčomsja pred Dionisi-jem Papoju (259—269); o Athanasii Vel., o Pavľi Konstantinopol'skom, Markiliju ankiranskom, o Joanňi Zlatoustom i proč.

Naprotiv toho **episkop konstantinopol'skij až do II. Vselenskoho Sobora (381) ani Mitropolitaju ne byl, no byl podčinennoj episkopu heraklijskomu.**

Vostočny odorvanci liš pervych sim Soborov uznavajut Vselen-skimi, pročii že otmetujut, ibo že ne byli poderžanny s učastijem vostočnoj cerkvi. Se jak raz ne pravda. Sobory: Konstantinopol'skij IV. (869. r.), Lateranskij IV. (1215. r.), Lugduňskij II. (1274. r.) i Florentijskij (1439. r.) s učastijem vostočnoj cerkvi otbyvalisja!

Pašport do neba.

Vostočny odorvanci, kotory na katholičesku Cerkov vsjakaho ro-da klevety puskali i puskajut vo svit, kotory obmanstvom obviňajut katholičesku hierarchiju, sami suť najboljšimi obmancami svoich lechkovirnych ovec.

Oni ne virujut v čistilišče, ne virujut v otpust, a jednak ne lem vsjaki otpravy končat za pomeršimi, no jesče i pas davajut vprost do neba — pravda za hroši.

V knizi "Vicende della Chiesa — Sostojanie Cerkvi kath. oboch obrjadov v Poľsči i Rossii ot Ekateriny II. do teper" izdannoj 1843. to stojit:

"Makarij, milostiju Božijeju archiep. kievskij, halickij i vsej Ros-sii, hospodinu i druhu (!) našemu Petru, dverniku Boha vsemohu-sčaho.

Uvidomľajem T'a, čto v to vremja skončil dni svoi rab Božij, kňaz Theodor Wolodimirskij, dľa toho poveľivajem (!) Tobì, sčò-

bys' jeho bez vsjakoj perepony, i bez perevoloki vprost vpustil do carstva Božoho. My jeho rozrišili ot vsich jeho hrichov i ud'ilili 'sme jemu blahoslovenie. Otže da niščo perestupiš iz tich; i sčoby to vse ne inakše stalos', dali 'sme jemu siju hramotu rozrišenija". Dano v Monastyri našom v Kievi, 30. Julia 1541.

Podobnu hramotu do neba, podavajemuju v cerkvi rossijskoj, majeme z 18. stoletija pod titulom "Passeport pour l'autre monde" v knizi pod zahlavijem: La Clef du Cabinet des Princes de l'Europe, Avril 1705. pag. 289.

* * *

Daj Bože, čtob vsi pročitavšie siju knižečku prišli ko poznaniju pravdivosti Katholičeskoj Cerkvi!

SODERŽANIE.

I. Storona

Nesčastnyj zbihlec	3
--------------------------	---

II.

Perši pytaňa ta otpovid'i.....	6
Jakij obrjad u Rusinov?.....	6
Jak Rusiny nazyvajut svoj obrjad?.....	7
Či obrjad u Rusinov je zlatinčenyj?.....	8
Či je u Rusinov novy Bohoslužena?.....	8
Či vo rossijskoj Cerkvi je čistyj, davnyj hreckij obrjad?.....	10
Jaki zvyčaji byvajut v rossijskoj Cerkvi?.....	11
Či voľno zavoditi zminy v obrjad'i?.....	12
Zvotki pošlo briťe borody?.....	13
Jak davna je vira Rusinov?.....	14
Pričina nenavisti	14
Či vinen rossijskij narod?.....	15
Jaku viru uznávali Hreki pered Fotijem?.....	17
Kto byv Fotij?	18
Razdor za Fotija.....	19
Ot koho pochodit sv. Duch?.....	20
Čto kaže Sv. Pis'mo?.....	21
Osma časť Simvola viry.....	22

III.

Koli nastala schizma v Cerkvi.

Jak virili hrecki Otcy Cerkvi?.....	23
Dodatok "i Syna".....	24
Jednosť Cerkvi po Fotiju.....	25
Jaku viru priňali Rusiny?.....	26
Rozdor za Kerularija.....	26
Otpadeňe hreckoj Cerkvi.....	27
Či Rus' otpala ot Kath. Cerkvi za Kerularija?.....	28
Rozdor na Rusi.....	29
Podrobljuvaňe pis'm rus'kich svjatyh.....	30
Čija vira je pravoslavna?.....	30

Či rossijska Cerkov je katolička?.....	31
Či vo hreckoj Cerkvi je jednost?.....	31
Priča pro jerichonsku rožu.....	34
Zmahaŋa Unii na Rusi.....	34
Unija na Rusi.....	35
Sv. svjasčennomučenik Josafat.....	36
Naverneŋe Meletija Smotrickoho.....	40
Dola hreko-kath. Cerkvi v Rossii.....	41
Rozvoj hreko-kath. Cerkvi v Poľsči.....	42
Honeŋe hreko-kath. Cerkvi v Rossii.....	43
Rusiny hreko-kath. v Americi.....	44
Preosv. Soter Ortynsky.....	44
Mitropolit Andrej Šepticky.....	45

IV.

Sv. Petro, Vidimyj Holova Cerkvi.....	51
Spasitel obicuje postaviti Sv. Petra vid. hol.....	52
Čto učili hrecki Otcy Cerkvi?	53
Čto kažuť cerk. knihi hreko-rossijskoj Cerkvi?.....	54
Dumki choroho	55
Simon Petro.....	56
Petro sered Apostolov.....	56
Otrečeŋe Sv. Petra.....	56
Spovneŋe velikoj obitnicy.....	57
Či Apostoly priznali Sv. Petra Holovoju?.....	59
Petro novozavitnyj vožd.....	61
Četyri stovpy Cerkvi.....	61

V.

Sv. Petro peršij Papa Rimskij.....	63
Čomu v Rimi a ne v Jerusalimi?.....	63
Priznačeŋe Rimu	65
Či Sv. Petro byv v Rimi?.....	65
Sv. Petro peršij Episkop Rimu.....	66
Ktož kaže pravdu?.....	67
Jakaž semu pričina?.....	68
Kto je holovoju rossijskoj Cerkvi?.....	69
Dvojaka vlast	71

VI.

Papa Rimskij Vidimyj Holova Cerkvi.....	74
Kto je Holovoju Cerkvi.....	74
Potreba Vidimoho Holovy Cerkvi.....	75
Kto je Vidimoju Holovoju Cerkvi?.....	76
Čto kažut pro se Otcy?.....	76
Episkopy Rimu vykonuvali najvyššu vlast'.....	77
Nauka Vselenskich Soborov.....	79
Dokazy z bohoslužebnych knih.....	79
Jak nazyvali virny Episkopov Rimu?.....	80
Svjatijšij Otec, Papa Rimskij.....	80
Nepomylnost' Papy	81
Nepomylnost' Kath. Cerkvi.....	83
Nepomylnost' Papy	84
Molitva Christa za Sv. Petra.....	84
Kamiň viry i Pastyr' stada.....	85
Jak može byti čelovik nepomylnym?.....	86
Nauka Kath. Cerkvi.....	86
Ložy vorohov Cerkvi.....	86
Blažennoj pamjati Ep. Strossmayer.....	87
Či nauka pro neomylnost' je nova?.....	88
Čomu ne ohološenna davnijše?.....	88
Rozvoj dogmy	89
Či každyj Papa je nepomylnyj?.....	90
Strašnyj voroh Božoj pravdy.....	90
Či Papoju byla koli žena?.....	91
Či byli Papy hrišniki?.....	92
Čto to byla inkvizicija?.....	93
Či potrebna cerkovna deržava?.....	94
Zasnovaňe cerkovnoj deržavy.....	95
Aviňionska nevoľa	95
Kto staršij Papa či Sobor?.....	96

VII.

Otpust v deň Preneporočnogo Začata.....	98
Čto sponukalo Vasil'a Ivanoviča utikati z Rossii?.....	99
Jakij chram byl v parochii o. Petra?.....	100
Či davnijše bylo svjato v čest' Nepor. D'ivy?.....	101

Jak veličaje Preč. D'ivu schodna Cerkov?.....	101
Čto hovorit sv. Pis'mo pro Preč. D'ivu?.....	102
Čto učat sv. Otcy Cerkvi?.....	103
Jak virila hrecka Cerkov po Kerulariju?.....	104
Jak virila rossijska Cerkov v 17. i 18. stol.?.....	105
"Bratstvo Prenepor. Začata" v Polocku.....	106
Vira "Staroobriadovcev" v Nepor. Zač.	106
Slova Preosv. Mitrop. Andreja	107
Nauka Kath. Cerkvi.....	107
Či možna kupiti otpust?.....	108
Čto to je čistilišče?.....	108
Čto učit sv. Pis'mo.....	109
Jaka byla davno vira v Cerkvi?.....	110
Čto se je "spolučene Svjatych"?.....	111
Čosen iz spolučena Svjatych.....	112
Čto to je otpust?.....	113
Kto maje pravo ud'ilati otpust?.....	114
Čto je častnyj otpust?.....	116
Otpust dľa duš v čistilišči.....	116

VIII.

Pobida pravdy	118
---------------------	-----

IX.

Dodatok	120
---------------	-----

